

**SEVENTH LEGISLATIVE ASSEMBLY OF MIZORAM
(TWELFTH SESSION)**

LIST OF BUSINESS

FOR TWELFTH SITTING ON WEDNESDAY, THE 29th MARCH, 2017
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.

LAYING OF PAPER

2. **Pu H. ROHLUNA**, Minister to lay on the Table of the House a Statement of correction on the reply given on the 15th March, 2017 to Unstarred Question No. 2, Ballot No. 5 asked by **Pu Nihar Kanti Chakma** regarding “35th West Tuipui chhunga RMSA zirtirtute chungchang”.

FINANCIAL BUSINESS

DISCUSSION AND VOTING ON DEMANDS

3. **Pu H. ROHLUNA**, Minister to submit to the vote of the House various Demands under his charge.
4. **Pu B.D. CHAKMA**, Minister to submit to the vote of the House various Demands under his charge.

NGURTHANZUALA
Secretary

.....

SPEAKER : Nimahsela, nang, Pathian mi, chung thilte chu tlansan la, felna te, Pathian ngaihsakna te, rinna te, hmangaihna te, dawhtheihna te, thuhnuairawlhnna te um zel rawh. (I Timothea 6:11).

Member zahawm tak Dr.K.Beichhua i lo sawm ang.

Dr.K.BEICHHUA : Pu Speaker, ka lawm e. School Education Minister hnena ka Starred Question 162-na -

Kum 2011 ah CSS Hindi Teacher atan mi engzatnge lak a nih ? High School leh Middle School atan engzat ve ve nge lak a nih ?

Pu H.ROHLUNA, MINISTER : Pu Speaker, ka lawm e. Starred Question 162-na chhanna chu -

Kum 2011-ah CSS Hindi teacher 1305 lak an ni a, High School-ah 389 lak a ni. Middle School-ah hian post 916 a awm a. Post 97 chu District Council-ah hetiang hian pek an ni a. MADC-36, LACD-36 leh CADC-25. Tichuan, state government-a lak zatchu post 819 a ni a, District Council 3 in an chan theuh hi appointment an siam a. A vain Middle School Hindi Teacher CSS 916 lak an ni.

High School - 389

Middle School - 819

LADC,MADC & CADC -97(36+36+25)

Total -1305.

Dr. K.BEICHHUA : Ka zawhbelhna chu -

- 1) Hindi subject hi High School leh Middle School -ah te hian compulsory a ni em? Lo ni ta se kum 2016-2017 Hindi exam kha engtia conduct nge a nih? Zirtirtute tel lova conduct a ni em?
- 2) Kum engzat chhung atan nge he contract hi an sign ?
- 3) Contract hun a tawp hian subject hi compulsory a nih si chuan a thara contract lak leh tur a ni em?
- 4) Tuna Hindi Teacher nuar mek te hi thla engzat hlawh nge sorkar hian a pek tawh ?

SPEAKER : Zawhbelhna dang a awm em? A awm loh chuan a chhang turin Minister zahawm tak lo sawm ila.

Pu H.ROHLUNA, MINISTER : Pu Speaker, Hindi hi compulsory ang chuan kalpui a ni a. Tichuan kum 2017 promotion exam hi engtinnge kalpui a nih tih zawhbelna chu, Hindi teacher tuna thawk mek te regular teacher te nen inpeizawnin a theih ang anga kalpui a ni.

Tin, CSS Hindi teacher ho contract signed hun chhung hi kum khat te te in signed a ni. Tichuan a thara lak tur a ni em tih kha chu sorkarin a tul dana zirin nakinah ala ngaihtuah ang.

SPEAKER : Awle, (Dr.K.Beichhua - Pu Speaker, min la chhang zo lo) Minsiter khan han chhang leh sela.

Pu H.ROHLUNA, MINISTER : Pu Speaker, April hlawh chin hi central in min pek atangin '19000 kan pe a, '10000 in a daih lova, chumi chin chu central min pek atangin kan pe a ni. Theihtawpa kan nawr chung pawhin central lam atangin sanction kan hmu mai thei bawk si lova, kan Chief Minister te, kan Finance Minister te thahnemngaihna in thla 4 leh April thla hlawh an lak bang state sorkar pawisa '16.32 crore advance pek an ni.

Dr.K.BEICHHUA : School Session kan tan leh mai dawn a CSS Hindi Teachers tam tak vawiin ah hian hman theih lohvin an awm ta a, session tan mai turah hian sorkar hian engtinnge hma lak tum dan a neih tih kha ka zawt belh a ni e.

Pu H. ROHLUNA, MINISTER : Pu Speaker, hei hi a tul dan azirin ngaihtuah a ni lo thei lova, hetia an tawp tak rup si ah chuan central lamah pawh na takin kan nawr a. Kan Chief Minisiter zahawm takin theihtawp a chhuah a, a enkawltu ka nihna angin kei pawhin theihtawp ka chhuah a ni. Department lam pawhin theihtawp a chhuah a, theihtawp kan chhuah tlang ani. Tichuan tun hi kan thlen theih chin chu a ni a, tunah hian central-in 3rd party evaluation tih phawt turin a lo ti a chu chu an rawn la kal lova. Lehkha chu an rawn thawn tawh a, information an rawn dilna. A Wadh Research Foundation, Lucknow ami te hi MHRD-in an rawn tirh turte chu an ni. Anni hian information an duh ang an hmuh hnu ah rang taka lo kal tur an ni a, keini pawhin an duh angin rang takin

theh thlak kan duh a, an lo kal hun tur a la chiang chiah lo bawk a tiin tun dinhmunah hian exercise kan la mek a ni.

Tuna a thawsa regular-a awmte hian an peizawn theih ang chin chin la peizawn te pawh a tul ang a, chutiang chuan sorkar-in ngaihtuahna a hmang mek a ni.

SPEAKER : Hei hi chu Mizoram sorkar tih theih piah lam a ni tih chu tlang hriat ani a.

Pu LAL THANHAWLA, CHIEF MINISTER : Pu Speaker, an chetdan hi a vanduaithlak a, Centrally Sponsored Scheme hnuaiah hian Department hrang hrang ah chhawr kan lo ngah tawh a, bond an signed vek a. Tun amite pawh hian kum tin an signed thar a ni. Centrally Sponsored Scheme hi central-in an tih tawp hun hunah maipar thlawn tawp mai tur an ni tih hi an inhria a. Nikum hmasaah Forest-ah a za tel hetiang hian an awm a, mahse hetianga che hi an awm lova. Department hrang hrangah an awm neuh neuh va, an bond sign an zah a tha takin an awm mai a ni. Tunah hian anni hi tam tham an in ti nge ka hre lova, kan hotute hian an thlahthlam lova, an lainat avangin an hlawh te pawh advance in an pe a. Tunah pawh kan hotuten engtinngi ni ang ti a an ngaihtuah laiin hetiang hian an awm a, a pawi kan ti khawp mai.

Tichuan central chhawr an ni a, an hlawh lak leh lak loh ah hian state-in mawh kan phur lo; ama'rawhchu lainatna avang leh hriathiamna avangin, 'engemaw zat chu i pe ang,' an ti a. Hmanni lawk pawh khan sum harsa chung chungin an hlawh kan pe a ni. Chu chu Zoram mipuiten min hriathiampu kan duh a ni. Tupawh sorkar sela zirtirtu ni tlakin an khawsa em tih te pawh hi an en tur niin ka ring, Pu Speaker.

SPEAKER : Awle, duh tawk ila Starred Question 163 ah kal ila a zawhna neitu Pu Lalruatkima i lo sawm ang.

Pu LALRUATKIMA : Pu Speaker, ka lawm e. Ka zawhna 163-na, General Administration Department changtu Minister zahawm tak chhan atan-

- a) Champhai DC hmun hlui ram department leh pawl hnenah pek a ni em? A nih chuan engtia zau nge pek a nih ?
- b) Engtikah nge pek a nih a, eng atan nge ram hi pek a nih ?

SPEAKER : Department neitu Chief Minister zahawm tak Pu Lal Thanhawla chhang turin sawm ila.

Pu LAL THANHAWLA, CHIEF MINISTER : Pu Speaker, member zahawm tak Pu Lalruatkima zawhna chhanna :-

- a) Champhai DC hmun hlui ram thenkhat hi department leh pawl thenkhat hnenah pek a ni. Tuna ram pek chin hi 9768.42 sq.m a ni.
- b) Kum 2008 leh 2014 inkara pek a ni. Ram hi office building, library leh auditorium atan a hnuai ami ang hian pek a ni.

Sl. No	Pekna	Pek kum	Pek chhan
1	Art & Culture Department	2008	Library Building
2	FCS & CA Department	2014	Office Building
3	MHIP Sub-headquarter	Land Lease buaipui mek a ni.	Office Bulding
4	Fire & Emergency Service Department	Land Lease buaipui mek a ni.	Office Building
5	Sainik Welfare & Reset-tlement	Land Lease buaipui mek a ni.	Office Building
6	GAD	Land Lease buaipui mek a ni.	Auditorium Building
7	MJA, Champhai	Land Lease buaipui mek a ni.	MJA Press Club Building

SPEAKER : Zawhbelhna, a neitu Pu Ruatkima.

Pu LALRUATKIMA : Pu Speaker, he lai ram thenkhat hi President, Champhai South Block Congress Committee hnenah pek a ni em? A nih chuan eng atana pek nge a nih a, engtia zau nge pek an nih? Kum engzat atan nge pek an nih, tih ka zawhbelh a. Champhai South Block Congress Committee hnena ram pek hi Champhai NGO co-ordination committee ten nasa taka an dodal avangin cancel tura an dil kha cancel tum a ni em tih ka zawhbelh a ni.

Pu LAL THANHAWLA, CHIEF MINISTER : Pu Speaker, member zahawm takin a rawn zawhna kha DC Complex hlui pawn a ni a; tin, Food & Civil Supply Department in

quarter chhete pahnih hlui tawh tak an nei a, chu chu pawl hrang hrangin an dil nak nak a, land lease pawh an nei lova, tichuan sorkar-in a lilam ta a. Group no. 1 hi '26000 in Pu C. Laldingiana, Vengsang-in a chhang a, group no. 2 hi ' 25000 in Pu Lalmakthanga, Zotlang-in a chhang a, a vain ' 51000 a ni a, he hi itsik te chu an awm nual ang, mahse DC ram chhung a ni lova, Supply-in quarter hlui tawh tak an nei a, anni pawh hian ram neitu nihna engmah certificate emaw an nei lo a ni.

Pu LALRUATKIMA : Pu Speaker, khawngaih takin, miscellaneous 20 of 2010 ram land lease pek an ni a, chutah chuan Food & Civil Supply Consumers Affairs ho office hmun hlui building pahnih Assam type a awm a, chu chu kan ngaihthlak tak kha auction a lo ni a, chuti a nih chuan sorkar hmun hemi party hnena pek an nih vangin, eng vanga pek kher nge a nih? Sorkar hmun kawngpui zauh nan te khawtlangin an mamawh em em a, hetianga party induhsak nana ram kan pek zel dawn te chuan a fel dawn em ni, tih kha ka zawhbelhna a ni a. Kei chuan a history revenue department in a an han ziah a tang hi chuan DC complex pawn niin a lang lo a ni. A pass pawh Pu Speaker ka kawl a ni.

Pu LAL THANHAWLA, CHIEF MINISTER : Ram neitu ten an phal a, tin, tu ta mah a ni lova, quarter chhete hlui tawh tak lo satu te Food, Civil Supplies & Consumer Affairs Department te pawh khan land lease an nei chuang lova, DC ram in a huam bawk lova, awt an tam mai, it pawh an tam mai, khang ho zawng zawng chuan a changtu te chu an itsik vek ang.

Pu LALRUATKIMA : A nih chuan Pu Speaker, khawngaih takin kan House Leader zahawm tak khan, vantlang in a an mamawh a nih si a, cancel in vantlang tan a zuah theih mai lawm ni? NGO Co-ordination committee in a an rel ang khan (SPEAKER : An auction a, an lei tawh a ti alawm.) Pu Speaker, an auction a an lei kha chu building hmun hlui auction mai chauh a ni, a ram kha an auction lo. Assam type building pahnih kha a awm a, chu chu Food & Civil Supply Consumers Affairs ta a ni a, chu chu an auction a, dan angin Pu Lalmakthanga, Congress Block president te khan an chang a. A ram zawk kha khawtlangin, vantlang tan an hauh avang khan harsatna a awm ta a, chu chu hetiang a nih si chuan khawtlang tan kan zuah theih mai lawm ni, kan surrender thei mai lawm ni tih kha ka han zawa a ni.

Pu LAL THANHAWLA, CHIEF MINISTER : Pu Speaker, thudik sawi mai hi a tha a, khami NGO an ti emaw ni, kha kha anti-congress an ni a, chuvanga helai hmun hi object mai an ni, vantlang dang object an awm lo.

Pu T.T. ZOTHANSANGA : Pu Speaker, khatia mimal rama han tlukluh tak ah khan MNF party hotute'n kum 10 chhung kan lo hrelo kha a va han pawi tehlul em aw!

Pu LALRUATKIMA : Pu Speaker, mimal ramah a tlulut dawn em ni? land lease hi Champhai South Block President Committee tih a ni a, chuvang chuan mimal ram chu a ni chiah lovang, khalai kha House record-a awm atan chuan, he pass-ah hian (SPEAKER : A neihtu in a phal miau alawm, tihngaihna a awmla a ni e)

Pu LAL THANHAWLA, CHIEF MINISTER : Khangte kha chu a neitu in duh duh in a hmng tawh ang chu, duh leh bawng in ah a hmang ang a, a duh leh vawk in ah a hmang ang a, a thu a ni tawh ang.

Pu VANLALZAWMA : Khalai kha Pu Speaker, a ram kha nge an auction a, a building hlui ding kha? (SPEAKER : Kha kha Pu Ruatkima khan a sawi fel tawh a ni lawm ni)

Pu LALRUATKIMA : Pu Speaker, land lease reng reng hi provisio pek vek a nih a, a purpose azira pek a ni a, Bawng in atan dil tu chuan Bawng in atan purpose a ni a, hei hi chu office atan, Bhavan atan pek a ni. Chuvang chuan khalai kha chu duh duh a.... (PU

T.T ZOTHANSANGA : Pu Speaker, land lease ni lovin, LSC a ni) Land lease a ni hei, miscellaneous pass certificate of land lease miscellaneous 70 of 2010.(PU Lalmakthanga hming kha land lease a ni lo.) (Dr. K. BEICHHUA : Pu Speaker, tuna kan member zahawm tak hi chhangtu tur a ni em ni?)

SPEAKER : Awle, zawhna 164 na ah kan kal thei kan tih tawh kha, zawhna neitu Dr. Ngurdingliana zawt turin sawm ang.

Pu Dr. NGURDINGLIANA : Pu Speaker, ka lawm e. Ka Starred Question 164-na General Administration Department changtu Chief Minister zahawm tak chhan atan :-

- a) Principal Consultant, Civil Aviation department post ruak reng hi hnawhkhah tumna a awm em?
- b) Lengpui Airport civil administration hna hi tu mawhpurna ah nge a awm ?

SPEAKER : Department neitu Chief Minister zahawm tak chhang turin sawm ang.

Pu LAL THANHAWLA, CHIEF MINISTER : Pu Speaker, Principal Consultant, Civil Aviation department post ruak hi temporary post a ni a, tin amah hi mithiam bik a nih avangin khulai vel atan kan mamawh a. Airport khu Mizoram sorkar ta a ni a, India rama commercial airport sorkar ta awm chhun a ni. Tun dinhmunah chuan kan mamawh vak tawh lova. Tin, ani pawhin a peih tawh lova, chuvangin hnawhkhah tumna a awm lova. Tin, a staff te pawh kha a thlawn rual ruala thlawn tur an nih avangin an thlawn ta a, tanpui ngaihna kan hre rih lo a ni. Lengpui airport civil administration hi GAD, Aviation Wing hnuia awm a ni, a enkawl pawh a mawhphurhna a ni a. Tunah hian Deputy Controller kan ti a, chu chuan a ho mek a ni. Tin, a tul angin kan improve mek a. Kan ILS te pawh kan improve a, DVR Communication te pawh kan dah a. Niminpiah maiah khan calibration an rawn ti tawh a. Chuvangin, tunah chuan Airport pangngai tak, changkang takah kan dah chho tawh a ni.

SPEAKER : Zawhbelhna, a neitu Pu Ngurdingliana.

Dr. NGURDINGLIANA : Pu Speaker, he zawhna ka zawh chhan chu engemaw chenah Lengpui Airport khu kan ram, kan hnam darthlalang a ni tlat a. I thu ka awih ang a, ka rawn zawhna chhan chu naktukah inbuatsaih ten tawn in ka rawn sawi zawk ang e, ka lawm e.

SPEAKER : Pu Rinthanga'n zawt ve leh sela. Ngawi rawh aw, zawt law law se.

Pu K.LALRINTHANGA : Pu Speaker, Lengpui Airport-ah khuan thlawhna service thenkhat hian ticket a departure time an tih aia hmaah hian an thlawhsan fo a passenger te hi. Hei hi enfiah tha in ka hria a, min enfiah sak thei ang em ?

SPEAKER : Awle, Chief Minister zahawm tak sawm ila.

Pu LAL THANHAWLA, CHIEF MINISTER : Pu Speaker, departure hun an pek, settled departure time hmaa an thlawh chhuah a passenger te khatia an awm a nih chuan Consumer Redressal-ah te leh hmun dang dang atangin a tih theih a. Tin, anmahni pawhin direct-in an claim thei a ni. Tin, dan thenkhatah chuan a double titih deuh te pawhin pek let dan te pawh a awm nghe nghe a ni. Anmahni khatia an tlansan avanga damage an cause avang khan. Amaherawhchu boarding pass nei tawh te an kim kha chuan a la hma deuh a nih pawhin an kal thei a, an thlawk thei a. Chuti ni lo va boarding

pass nei si kal san an neih phei chuan pawi tak a ni a. Tin, an settled departure hmaa an lo thlawh avanga tuten emaw harsatna an tawh chuan, claim theih a ni. Chutiang chu sorkar ang pawhin kan tanpui zeuh zeuh tawh a ni. Chu chu a awmdan a ni a.

Tin, Gateway for Trade & Commerce with South East Asian Countries, Kolodyne Multi Modal Transit Project hi operate thuai tum a ni a. Amaherawhchu Burma lampang an muang deuh a. Hemi atan hian rel kawng tunah hian Minister in survey tir turin a intiam tawh a, Lawngtlae thlengin hetah Kawrpuichhuah ah. Chumi lo nang tur chuan saw lama trade route a nih dawn avangin/gateway a nih dawn avangin Latawh tlang saw thlawlhna tum hmun atan en a ni a. Lengpui ang vel khu chu awm theia hriat a ni a, a DPR an siam mek a. Tin, a principle chuan central pawhin a remti a ni.

SPEAKER : Zawhna No.165 naah kan kal thei ta a. Zawhna neitu Pu Lalruatkima, MLA zahawm tak sawm ila zawt turin.

Pu LALRUATKIMA : Pu Speaker, ka lawm e. Ka Starred Question No.165 na School Education changtu Minister zahawm tak chhan atan –

- (a) Hindi zirtirtu Middle leh High School-ah engzatnge mamawh an nih? Thawk nghet engzatnge awm? CSS ni lo atanga rawih an awm em? An awm chuan engzatnge awm?
- (b) CSS Hindi teacher engzatnge awm? CSS Hindi teacher te hi Middle leh High School engzatah nge chhawr an nih?
- (c) CSS Hindi teacher te contract tawp hun tur hi state sorkar hian a hre lawk em? Hre lawk ni se contract tawp hunah hian engtinng sorkarin ruahmannna a neih tih ka zawt e.

SPEAKER : Minister zahawm tak Pu H.Rohluna chhang turin i sawm ang.

Pu H.ROHLUNA, MINISTER : Pu Speaker, nichina zawhna pakhat nen khan he zawhna hi clubbed mai awm tak a ni a. Mahse clubbed loh a ni a, a hranpa in kan chhang leh ang a. Member zahawm tak Pu Lalruatkima Starred Question No.165-na chhanna chu –

- (a) Govt. M/S te, UPS, SSA hnuai ami te, Deficit M/S leh Adhoc/Aided M/S te zawng zawng chhiar tela Hindi teacher Middle School-a mamawh zat chu 964 a ni a. High School-a mamawh zat chu chutiang tho chuan Govt. H/S te, RMSA

School te, Deficit H/S te, Adhoc Grant-in-aid H/S te nena chhiar tel in 435 a ni. Thawk ng het hi Govt. M/S-ah 487 leh H/S-ah 309 an awm mek a ni. A thawk ng het sa bak hi CSS ni lo atanga rawih tun dinhmunah an awm lo.

- (b) CSS Hindi teacher hi sanction post 1305 (389 High School + 916 Middle School) a awm a. Middle School post 916 atang hian 97 posts chu District Council hnenah pek a ni a. Tichuan Middle School Hindi teacher state government enkawl bikah chuan, Hindi Teacher 819 an awm a, High School -ah 389 an awm a ni. CSS Hindi teacher te hi Middle School 708-ah chhawr thin an ni a. District Council-a CSS Middle School Hindi teacher te thawhna school chhiar telin, H/S 301-ah chhawr thin an ni bawk
- (c) Hre lawk e. Hriat lawk a nih avang hian state government chuan kum 10 dang atan an engagement extend sak turin central-ah a dil a. Heng bakah hian kan Chief Minister zahawm tak te, School Education Minister te, Parliamentary Secretary, School Education Department zahawm tak te, Department-a officer ten theihtawp chhuahin hma an la bawk a ni. Tin, hetia an lo tawp takah chuan Pu Speaker, CYMA te, MZP te, MSU te pawhin India President hnenah te, Prime Minister hnenah te, NESO thleng pawhin hemi chungchangah hian hma min lakpui a ni.

SPEAKER : Zawhbelhna Pu Ruatkima.

Pu LALRUATKIMA : Pu Speaker, ka lawm e. CSS Hindi teacher nei ve dang, Hindi teacher han ti ila Urdu, Sanskrit pawh a ni ang chu, language teacher an han ti deuh bik kher a. Khalaiah khan tuna ka hriatsual loh chuan Punjab te, Nagaland te chuan absorption ti turin hma an la mek a. Kan state sorkar hian sum dinhmun that loh vang tiin kan han chhuanlam tak na in, kha kha absorption dil na ni 6.10.2013-a Government a Department in a dilna kha engvanga hlamzuih ta mai nge a nih tih kha ka zawhna ni se. Tin, a dang leh chu Ministry hian tum hniih ni. 30.3.2016 hian heng Hindi teacher te hi 2017-ah an contract period a tawp dawn a. State sorkarin a mawh in lak ve a ngai tawh ang tiin min rawn hrilh a. Reminder ang in November 11, 2016 bawk khan min rawn hrilh nawn leh a. In ruahmannan hun kan ngah mai a. Chutiang tur chuan absorption of 1305 CSS Hindi Teachers to State Plan in a phase manner tiin dilna siam a ni a. Kan sorkar hian a ngaihsak lo hrim hrim nge ni, engvanga vawiin thlenga

absorption phase manner-a ti ta lo nge kan nih tih leh hemi ti thei tur hian kan Finance Minister zahawm takin ni. 30.9.2013-a CSS Hindi Teachers Association Conference, Chanmari YMA Hall-a a thusawiah khan ‘kawng laka inbun ruih chi a ni lo kha kha chu ka hre ve khawp mai’ tia a sawi kha he dinhmun atang hian enkawl zel tura an intiam lai khan vote zawn nan a hmang ang zia zangin inthlan a hnai a, hring ve lo tu che u chu Pu Speaker, i phalna in ‘hring ve lo tu che u an sorkar chuan a ban phiar ang che u tih pawh kha a hlauhawm ve tho a ni’ tiin Gov’t. PR, September ni 13, 2013-ah vek hian khatih laia Education Minister zahawm tak khan tihian ‘a dangte pawh a hrinctu che u kan nih angin kan ngaihtuah sak zel dawn che u a ni’ tiin an contract pawhsei chungchangah hian a sawi bawk a. Kha kha khatih lai khan an lungtat kha a par si lova, tunah kan sorkar hi CSS Hindi teacher te lakah hian an lungtat a par nachhan hi ka’n zawt a ni.

SPEAKER : A nghawng kha a hmanlai tawh a, kan Minister zahawm tak a chhan theih theih chhang turin ilo sawm ang.

Pu H. ROHLUNA, MINISTER : Pu Speaker, CSS Hindi teacher nei ve dang hi chu Nagaland, hemi scheme hnuaih chuan a ni a. Tin, Punjab leh Odisha hian Urdu an nei a, Punjab nge Orissa, a state hi ka zu thliar hrang thei chiah lova, pakhat in 18 an nei a, pakhat in 14 an nei a, Punjab leh Odisha tan chuan problem a tling vak lo.

Tichuan, Nagaland bikah chuan keini aiin an ngah zawk a. Amaherawhchu an kal dan chin chiah chu ka hre lova, anni pawh in agitation an bei ve nasa a. Tichuan, anni hian stop-gap arrangement ang hian hmanni lawk khan an Education Minister nen kan inbia a, ani pawhin thla 2 atan stop-gap arrangement kan ti ta mai niin ka hria a ti a. Dik tak chuan central-a a scheme chhunzawm tur hian thurualpui pawh hi ka’n tum thin a, Delhi-a meeting-a kan in hmuh in thil awm dan zawng zawng ka hrilh a, kan sawi dun a. Amaherawhchu rinai hian thurualpui an har khawp mai a, tuna hetiang a nih tawh hnu pawh hian an ngaihsak vak lo a. Chu chu a dinhmun a ni, keinin kan hahpui tehreng nen kan Chief Minister ho in, a department lam zawng zawng nen theihtawp kan chhuah laiin ani chuan a ngaihsak vak lo a ni. NDA lama tel

te pawh an nih avangin central sorkar hi an zen thuk thei deuh ang tih thlengin ngaihtuahna te pawh kan nei a. Thurualpui pawh hi ka tum nasa a, vawi engemawzat kan inbia a, mahse kanthurualpui hlei thei chiah lo a ni.

Tin, 2013-a absorption dilna chungchang kha khatih lai khan anni hi la thawk mek an ni a, la thawk mek ti ila an service kha la chhunzawm zel a ni a, 2017 February thleng tur an ni a. Central in cent percent an hlawh tur min la tumsak chhung hi chuan tiin keimahni lamah sum harsatna bawk nen, khatih lai khan ngaihtuah zui an ni ta lo ni turah ka ngai deuh a ni.

Tin, contract period a tawp hun tur tih hi, CSS hi chu tawp chin nei a ni tlangpui deuh vek a Centrally Sponsored Scheme chu department dangah te pawh hian a tawp hunah chuan state sorkar-in a mawh in la chho dawn nia tih kha a ni deuh vek a. Hei hi chu an hlado pakhat chu a ni ve hrim hrim a ni Central Sponsored Scheme ah chuan. Amaherawhchu state in kan theih loh miau chuan tihngaihna a awm chuang lova, chu chu a dinhmun a ni a.

Tin, Finance Minister tawngkam chungchang kha chu hmanniah House-ah amah ngei in a sawifiah tawh a, kha kha chu ka sawi zui tawh lovang a. Tin, lungtat par tih kha lungtat par hi ka la hre lo reng reng a Pu Speaker, enge maw a nih le? A awmzia min hrilhfiah thei zawk sela kan member zahawm tak hian a tha mang e aw chu ka'n ti deuh mai mai a ni. Ka lawm e.

SPEAKER : Aw, Pu Beichhua.

Dr. K. BEICHHUA : Pu Speaker, lungtat a par tih te pawh kha kan lo hrethiam lova, ti zawng hian han sawi ta ila, Hindi hi a bik takin kan state hian kan thiam lo em em mai a a pawimawh a, chutih lai chuan tun dinhmun kan thleng ta a. Kan sorkar, a hringtu ngei sorkar hian, ‘kawng lakah kan bun lovang che u,’ tih kha tawngkam a nia. Nizan phei chuan kawng lakah in bun a, 15 an hliam lehngthal a. Chuvangin engtin tin emaw NEDP te pawh kan nei a, sorkar hi insangmar se, engtinnge chhawrzui dan te hi a ngaihtuah thei lo maw tih kha ka zawhbelhna a ni e.

Pu LALSAWTA, MINISTER : Pu Speaker, khawngaih takin (Pu R. Romawia, Minister : Nizan thil thleng kha chu Chief Minister pawnglak an tum a nih kha) (Pu R. Lalzirliana, Minister : Pakhatmah hliam an awm lo) ka tawngkam niawm

tak sawi hi a awm fo a, hrechiang lo hi chuan sawi lo se ka duh a. Ka tawngkam hi video ah a awm a, ka transcribe vek a, ka word hman zawng zawng hi ka hria. Chuvangin hrechiang lo chuan sawi lo se ka duh khawp mai.

Pu LAL THANHAWLA, CHIEF MINISTER : Pu Speaker, mi vau ching kan hotute zingah hian an awm ve lova, an manganna leh an harsatna an lo sawi a, kan hotupa in a tawng thlamuan kha a tih dan tur dik tak a ni. Khatah khan vau zui se chuan tun ai hian an bei nasa ang. Ramhnuaiyah savawmin tu te emaw a bei a, upa in an va tawng thlamuan avang khan savawm khan a thlah mai kher lo, chutiang te chu a awm ve bawk a ni. Tin, tih tak emah chuan tuna an khawsa zelah hian in tu leh fate zirtirtu atan tuten nge maw duh ang che u le.

Tin, evaluation team te pawh an lokal a, ni lo an kal tawh a, surprise visit an rawn nei a, MCI team in Falkawn surprise visit an rawn tih ang khan an beidawng hle a ni. Tunah pawh rawn kal leh an tum a, an duhsak zia chu Pu Speaker, ‘selected school lo nei ula, chutah chuan Hindi thiam deuh te pawh lo dah hram teh u, a hma ami ang mai mai kha ni lovin,’ kan Education Minister zahawm tak hnenah hian an ti hial a ni.

Tin, CSS hnuaiyah hian department hrang hrang kan nei teuh tawh a, tun ang khawpa sorkar-in kan buaipui hi an la awm ngai lo. Tunah pawh hian harsatna an tawh ang ang hi kan theih ang angin, sum harsa chungin kan hotuten an pe zel a. Tunah pawh hian central an rawn chet loh chuan tiin kan Finance Minister zahawm tak pawh hian thla 2/3 hlawh chu lo dawm nan tiin a ngaihtuah lai in hetiang hian an awm ta a, a pawi kan ti a. Chuti chungin kan hotuten, ‘anmahni zing ami an duh zat zat YMA, MSU, MZP aiawh te zuk kal sela, a nakah ngei zuk zen tlang teh se,’ tiin kan tir a, an zuk kal a ni. Kan Minister te hnenah khatiang in min tir a, kan hlawhtling emaw hlawhtling lo emaw, ‘kan lawm e,’ an tih ka hre lo, an rawn report leh pawh ka hre lo, chutiang chu a ni.

Tin, sawlaia an thutkhawm saw Zarkawt Local Council-in tha an ti lova, KTP hla zir haw te zanah an lo chhawnchhaih vel a, nula tlangval zu in an tam a, naupang tan a him lova, zun ram thiarna kan veng in a dawl tawh

bawk lova, chutiang chu a ni a. Tin, aikal an tam a, ni 4/5/6 chaw nghei ni se nizan ang khan an awm thei lovang. Tin, an aikal zingah sawn nizana CM bangalow-a lut zingah te pawh khan MNYF President Pu K. Vanlalvena te, Mission Veng Local Council member MNYF Secretary ni bawk Francis Lalrammuana te pawh an tel a mi dang dangte pawh. Chungte ang te pawh chu kan Local Council member ten thahnemngai takin ‘in mualpho palh ang e, nangni hi chu haw teh u’ tiin an hawtir a ni. Chuti khawp chuan kan venga kan hotuten zawl an dawh a ni.

SPEAKER : Awle, zawhna dangah kan kal tawh ang, ngawi teh, in zawt tawh lo teh ang aw.

ER. LALRINAWMA : Pu Speaker, zirtirtu te kha duh taka an lak ni in ka hria a, kan tu leh fa te zirtirtu ah pawh kan duh dawn EM NI, tih lai tak kha a va mak ve. (interruption) (Pu Lalruatkima: Interview DPC kaltlanga in lak an ni a, A la tu sawirkar khan mawh a phur tur a ni)

Pu R. LALZIRLIANA, MINISTER : Zirtirtu chet dan awm in an che lo reng reng. Hetianga tharum thawhtur an ni tih hriat ni se hmanah khan an ban daih tawh ang. Chuvangin zirtirtu tlak an ni lo hrim hrim. Hetianga tharum thawh ching hi i tu/fate zirtirtu ah i duh dawn em ni, nang pawh khan?

Pu LALRUATKIMA : Engatinge a hun lai khan in lak? Pu Speaker, nichina ka sawi, transcribe chungchang kha, tuna kan Finance Minister Education Minister a nih laia a sawi kha, vote zawnna’n in hmang a, Ni 30. September, 2013. Engvangin nge kan inthlang mai dawn a, chuvang chuan a tiam ang khan ti hlawhtling ve mai rawh se.

SPEAKER : Tawk rawh se. Zawhna dangah kan kal ang a, khawngaih in min ngaithiam mai rawh, i duh tawk ang. Mi harsatna te keinin helaia inhnial nan a hman vak chi a nilo. Hmangaihna nen kan enkawl ania, tunah hian chuvang chuan inhnial nan khawngaihin hmang lo ila. Zawhna dangah kan kal daih ang. 166-na ‘Er. Lalrinawma MLA zahawm takin zawt sela.

ER. LALRINAWMA : Pu Speaker, ka lawm e. Power & Electricity changtu kan Chief Minister zahawm tak hnena ka Starred Question 166 na –Tun din hmunah Mizoram chhung RGGVY project te thawh zawh tawh a ni em?

- (a) He project atan hian cheng engzatnge hman a nih tawh a, Central atangin cheng engzatnge hmuh a nih a, Mizoram sorkarin cheng engzat nge a sen tawh?
- (b) A tantirha sum ruahman bak sen belh a awm em ? Lo awm ta se cheng engzatnge sen belh a nih tih ka zawt e.

SPEAKER : A speed a tha asin, kha ti tur kha a ni. Chief Minister zahawm tak sawi tur in i lo sawm ang.

Pu LAL THANHAWLA, CHIEF MINISTER : Pu Speaker, member zahawm tak Er. Lalrinawma zawhna chhanna, a zawhna hi ka chhiar nawn loh chuan in lo hre theilo palh ang tih a hlauhawm a. (a) Tun din hmunah Mizoram chhung RGGVY project te thawh zawh tawh a ni em tih chhanna chu Pu Speaker, tun din hmunah Mizoram chhung Rajiv Gandhi Gramen Vidyutikaran Yojana (RGGVY) project-ah khaw 22 thawh zawh loh a ni.

(b) He project atan hian cheng engzatnge hman a nih tawh a, central atangin cheng engzatnge hmuh a nih a, Mizoram sorkarin cheng engzatnge a sen tawh? Kan chhinchhiah dan chuan he project atan hian ` 2,88,57,66,363 hman a ni tawh a. Central atangin 2,83,02,98,000 hmuh a ni a, 10% i,e ` 28,85,76,636 hi loan a ni.

- (b) A tan tirha sum ruahman bak sen belh a awm em ? Lo awm ta se cheng engzatnge sen belh a nih?
- (c) A tan tirh a sum ruahman bak sen belh a awm lo, tih hi chhan na a ni e.

SPEAKER : Zawh belhna a awm em?

Pu LAL THANHAWLA, CHIEF MINISTER : Zawh belh tur pakhat, Saiha District bik ah la thawh zawh loh khua Bymari, Lawngmasu a awm a, Lawngtlai District-ah Kawrpuiichhuah, Tuisentlang, Chhotapansuri, Geragulusora, Gulsilbabsora, Tongasuri, Udasuri South, Montola, Ulusuri leh Silsuri te an ni. Lunglei District-ah Mandirasora, Divasora, Mauzam, Puankhai, Saisen, Thingdo, Silsuri, Thanzamasora, Sedailui te an ni.

RGGVY Scheme hnuia pawisa hmuh hi 90 % grant a ni a, 10 % chu RIC atanga lak a ni a. Pawisa hmuh aia hman a tam zawk nachhan hi hna atan bank interest hi hman tel vang a ni. Byinterest hman hi final install ment huna la siam rem tur a ni a.

Tin, member te hriat atana pawimawh, hmannia ka chhan hman tak loh kha tunah hian RGGVY hnuai ah hian khaw 22-ah hna la zawh loh a ni. Rajiv Gandhi Gramen Vidyutikaran Yojana hnuiaia chhungkhua 22610 te chu district wise in a hnuai ami te hi an ni –Saiha District-ah 2582, Lawngtlai District-ah 3678, Lunglei District-ah 5428, Serchhip Disrtict-ah 381, Champhai District-ah 5982, Aizawl District-ah 3211, Mamit Disrtict ah 3360, Kolasib District ah 1588, a vaiin 26210 a ni.

Tin, contractor te hi pakhat zawk chu - Global Infra Project Ltd. New Delhi te an ni a, anni hian hmar lampang an thawk a, Aizawl District, Champhai, Mamit, Kolasib-ah te hian hna hi an zo tawh a. Hei hi 2008-a kan lo tih tawh leh a hmaa kan lo tihfel tawh kha a ni a, an thawk muang hle a, vawi duai lo kan department hotuten an ko in, a hun te pawh hi vawi engemaw zat an tih sei sak a ni. An hna thawh hi a chak lo a, a pawi khawp mai. Tin, chhim lam hi T & T Project Ltd. Guwahati te an ni a, chungte chuan Saiha District, Lunglei leh Lawngtlai, Serchhip an chang a, an ni hian an la zo ve lo a ni. Chu chu tuna RGGVY hnuiaia dinhmun a ni, Pu Speaker.

SPEAKER : Pu Beichhua zawh belhna.

Dr. K. BEICHHUA : Pu Speaker, thawh zawhlooh kha enge a chhan min hrilh thei em tih kha pakhatna ah ni se. Tin, Bymari leh Kakichhuah (kan Speaker bial hi a nia), kan Speaker zahawm tak bial a ni bawk a, chak zawkin min thawh sak thei ang em tih kha ka zawhna a ni.

Pu LAL THANHAWLA, CHIEF MINISTER : Pu Speaker, a hna hi hmar lam ai in a har deuh hlek a, hmar lam ai in, kilkhawr a tam a. Tin, a thawktute hi an chak lo ve hrim hrim a, kei pawh in kan hotute hriat loh in vawi hniih vawi thum chu ka ko ve a. Tin, a khaw mipui te, VC ten co-operation tha tak an lo pek a ngai a. Chutianga an tih tlan chuan tlemin hna a chak deuh a, thenkhat chu co-operation an hmuh vak loh na a ban phun mai mai chungchangah te an duhna te a inang lo a, chungte avang chuan hna hi a muan phah na hmun engemaw zat a awm.

SPEAKER : Pu Pianmawia.

Pu R.L. PIANMAWIA : RGGVY hna an zawh loha an muangchanna chhan ah hian, khatih laia pawisa sanction sorkara an rawn pek atang khan 80% contractor te hnenah hian an pe nghal niin a lang a. 80% thawh hma hauh a an pek avanga hna zawh loh tak nachhan hi a ni thei mai em tih ka zawt e.

SPEAKER : A chhanna kha i hre nghal mai awm mang e.

Zawhna No. 167-na ah kan kal thei ta a, MLA zahawm tak Pu John Siamkunga zawt turin i sawm ang.

Pu JOHN SIAMKUNGA : Pu Speaker, ka lawm e. Hon'ble Minister, Agriculture department changtu chhan atan heng te hi ka zawt e.

- (a) Agriculture department hnuia NLUP trade hrang hrang awm zat min hrilh thei em?
- (b) Agriculture department hnuia NLUP tina beneficiaries te hnena sum pek chhuah tawh total amount min hrilh thei em ?
- (c) NLUP hnuia area cover zat min hrilh thei em ? Buh leh bal thar chhuah a pung em ? Ka lawm e.

SPEAKER : Chhang turin Agriculture Minister zahawm tak Pu R.Lalzirliana i sawm ang.

Pu R.LALZIRLIANA, MINISTER : Pu Speaker, ka lawm e. Member zahawm tak Pu John Siamkunga zawhna chhanna :-

- (a) Agriculture department hnuiah hian trade hrang hrang pali a awm a. Chungte chu WRC – I ah beneficiaries 8910 an awm a, WRC – II ah beneficiaries 7197, Oil palm ah beneficiaries 3282, Sugar cane-ah beneficiaries 818 a ni.
- (b) Agriculture deparment hnuia NLUP tina bebeficiary te hnena sum pek chhuah tawh amount 2012-2017 chu `15,154.99 lakhs a ni.
- (c) Agriculture department hnuia NLUP area cover tawh zat hi hectare 9958 a chhut a ni a. Amaherawhchu tun dinhmun ah hian NLUP Impact Analysis neih mek niin zawh fel a nih hunah area cover zat leh buh leh bal tharchhuah pun leh pun loh chungchang pawh chiang zawkin a sawi theih dawn chauh a ni.

SPEAKER : Zawh belhna, a neitu Pu John Siamkunga i lo sawm ang.

Pu JOHN SIAMKUNGA : Pu Speaker, buh leh bal tharchhuah a pun zia kan ngaithla a, a bik in Mizote hi chaw rice pangngai ei chi kan ni a. Tuna kan hriat ang khan WRC – I leh II-ah te buh leh bal thar chhuah a pung NASA hle a. NLUP kan hman hnu ah hian WRC –I leh II a buh leh bal thar chhuah a punna kha min hrilh thei em tih

kha ka zawhna a ni a. A pahnihna ah chuan kuthnathawktute inelna thianghlim hmanga thar chhuah alo pun zel theih nan buh thar chhuah tama inelna lawmman kha siam leh chi a ni em tih ka zawt e.

SPEAKER : Zawhbelhna dang a awm loh chuan Minister zahawm tak chhang turin i sawm ang.

Pu R.LALZIRLIANA, MINISTER : Pu Speaker, Agriculture department hnuiai beneficiaries te hnena sum pek chhuah tawh total amount hi hetiang zawk hi a ni e. vaibelchhe 15 ka tih kha vaibelchhe 151 nuaih 54 leh 99000 zawk hi a ni e. Kha thahnemngaihna aw ka kan dawng a, a lawmawm khawp mai a, buh thar chhuah pung te, buhthar tam te hnenah lawmman kha kan han pe a, an tang khawp mai a. Heng hi chhunzawm zel tlak a ni, kan lo tum leh ang e. Ka lawm e.

SPEAKER : Awle, zawhna dangah kan kal thei a, 168 na kan la ang a, zawhna neitu Pu Lalruatkima MLA zahawm tak i lo sawm ang.

Pu LALRUATKIMA : Pu Speaker, ka lawm e. Ka Starred Question no 168 na General Administration Department changtu Minister zahawm tak chhan atan-

- (a) Mizoram House, Kolkata, Ballygunge hmun ami ram hi engtiata zau nge ni a, a building hi PPP mode a sak that tum a ni em ? A nih chuan engtikah nge hna tan a nih ?
- (b) Private developer tute hnenah nge pek tum a nih a ? A neitute enge an hming ? Eng angin nge agreement siam a nih ?
- (c) Engvanga PPP mode a sak that tum nge a nih ? Tun dinhmunah ruahmanna engchen nge kal pui a nih tawh ? tih ka zawt e.

Pu LAL THANHAWLA, CHIRF MINISTER : Pu Speaker, member zahawm tak Pu Lalruatkima zawhna kha Mizoram House Kolkata, Ballygunge hmun hi 18810 sq ft, 1747.55 sq.m a zau a ni. A building hi a hlui tawh avangin sak that tum a ni a. Sak that dan tur ah thu tlukna siam ala ni lo. Ballygunge, Kolkatta, Mizoram House hi sak that dan tur thutlukna siam ala nih loh avangin private developer hnena pek tur a nih leh nih loh hriat ala ni lova. Tin, Ballygunge, Kolkatta, Mizoram House hi sak that tum dan ah thutlukna siam ala nih loh avangin PPP-a kalpui tur a nih leh nih loh ala sawi theih loh a ni.

Pu Speaker, khu in khu a hlui tawh a, tunah khuan chhim lam leh khawi khawi maw lai phei khu chu a sink a, a hniam a, fur tuar leh te hi kan huphurh a, chim ta se, sorkar a mualpho dawn a. Chuvang chuan sak that kan duh a, private developer an rawn in zuar sup sup a ni. An offer pawh a tha khawp a, sum neilo tan chuan kan mamawh ang ang tun ami kan neih zat emaw, a aia lian emaw pawh awmin anmahnin tlem azawng nei ve in khatiang te khan an offer a. Mahse kan hotuten an ngaihtuah a. A sakna tur hi sum leh pai dap dan zawn belh zawk ni se tih ngaihtuahna ah a awm a. Chuvangin tunah hian decision siam ala ni lova. Tin, keimahnin sa dawn ila pawisa hi khawi atangin nge kan dap ang tih te pawh ngaihtuah a ngai a. Engpawhnise tunah hian thutlukna siam ala ni lova, rilru erawh chu a hmanhmawh hle a ni, a chhiat tawh avangin.

Tin, kan mithiam te pawhin tunah khuan an endik mek a, duhthlan tur pahnih an rawn chhawp chhuak a. KMC building rules-a building sak, hetiang a nih chuan a building hi chhawng li G plus 3 a ni ang a, chhawng tin 764.53sqm a ni ang a, chuti a nih chuan Mizoram House atana mamawh, Additional Resident Commissioner- in a thlen zawng zawng chu tihpuitlin vek theih a ni loveng. KMC-a building rules kan dil hi phal a nih chuan Additional Resident Commissioner in a thlen zawng zawng tih puitlin theih a ni ang a. Heng hi kan mamawh engemaw zat an rawn ziak chhuak a, chumi chhanna chu a ni a. Chuvangin sak that a ngai hle a, a hmawr bawkna chu tun fur lo thleng leh tur te hi han kal tlang dawn ta ila a chim palh ang tih te pawh a hlauhawm a.

Checking area te pawh a awm a, mahse PPP mode-a han tih dawn khan kan hna in sem dan tur kha kan mamawh zat chu awm dawn mahse a uihawm deuh si a, chuvangin sorkar-in keimahnin sak dan i ngaihtuah mai teh ang, tih hi a thutlukna tunthleng hi chuan a ni rih a ni. Mahse khawi atangin nge sum kha kan hmuh ang tih erawh chu kan la hre lo. Ka lawm e.

SPEAKER : Zawhbelhna aw, han zawt law law rawh le. Pu Lalruatkima I lo sawm ang.

Pu LALRUATKIMA : Pu Speaker, zawhbelhna a ni chiah lo deuh a, kan sawi belh ang a, minute khat chiah a awm tawh a. Hemi ka zawhna kha meeting minute, 3rd Meeting Co-ordination Committee on Mizoram Houses kan Chief Secretary hova meeting in a rel a ni a. Chutah chuanin decision khami chungchang ah khan a la vek a ni.

Amaherawhchu higher authority te an la awm a nih chuan kha khan hemi zawng hian PPP mode khan kalpui tur khan meeting minute ah pawh hian tarlan a ni a.

Kan House Leader zahawm takin a sawi a, khatiang a nih chuan PPP mode lova kan ti thei a nih chuan duhthusam a ni. Chuvangin PPP mode lo khanin kan sa tha dawn a nih pawhin tih dan ngaihtuah theih ni se, khulai location khu a tha a, a locality a fuh em em a. Chuvang chuan khati zawng khan ngaihtuahna min neihsak se chu chu rawtna angin kan sawi tel a ni.

SPEAKER : Zawhna hun a pel tawh a. vawiinah hian Member 5 lai hetah an awm thei lova, kan puan tawh Pu C.Ngunlanchunga leh Pu J.H.Rothuama kha damlohma thil a ni a. Tin Pu S.Laldingliana pawh hi damlohma avangin a tel thei lova Pu Robiaka, Pu Zothangliana te pahnih hi tulna dang avangin hetah an tel ve theilo a ni.

Tunah hian business dangah kan kal ang a. Laying of papers Pu H.Rohluna, Minister zahawm takin ni 15th March, 2017-a Unstarred Question 3, ballot no. 5 na, Pu Nihar Kanti Chakma zawhna a chhanna statement of correction a nei a. He House ah han lay sela. I sawm ang.

Pu H.ROHLUNA, MINISTER : Pu Speaker, i phalna leh he House remtihna in, Statement of correction on the reply given on the 15th March, 2017 to Unstarred Question No. 2, ballot no.5 asked by Pu Nihar Kanti Chakma regarding “35th West Tuipui chhunga RMSA zirtitute chungchang” chu House ah ka rawn lay e.

SPEAKER : A copy kha member zahawm takte hnenah sem ni se. Tunah chuan Financial business-ah kan kal leh thei ta a. Kan Minister zahawm tak Pu H.Rohluna’n a demand te he House-ah hian rawn submit sela. Amah i sawm ang.

Pu H.ROHLUNA, MINISTER : Mr. Speaker Sir, on the recommendation of the Governor of Mizoram and with your permission Sir, I move the demand nos. 20 and 40 for `11,20,35,60,00 only for meeting expenses during 2017-2018 in respect of the following departments of the goverment of Mizoram

Demand No.	Purpose	Amount	Demand For Grants Page No,
1	2	3	4
20	School Education Department	9,86,92,97,000	204-224
40	Commerce & Industries Department	1,33,42,63,000	471-490

	TOTAL	11,20,35,60,000	
--	-------	-----------------	--

Thank you Sir.

SPEAKER : Tunah Minister zahawm tak B.D.Chakma sawm leh nghal mai ila. A demand te rawn submit ve leh sela.

Pu B.D.CHAKMA, MINISTER : Hon'ble Speaker Sir, on the recommendation of the Governor of Mizoram and with your permission Sir, I move the demand no. 35 and 41 for ` 26,79,96,000 only for meeting expenses during 2017-2018 in respect of the following departments of the Government of Mizoram.

Demand No	Purpose	Amount	Demand For Grants Page No.
1	2	3	4
35	Fisheries Department	8,52,35,000	418-424
41	Sericulture Department	18,27,61,000	491-495
	TOTAL	26,79,96,000	

Thank You Sir.

SPEAKER : Aw le, kan Minister zahawm tak 2 Tin an demand te an rawn pharh ta a. Sawihona kan tan anga. Kan tihdan thin te kha mi pakhat tan minute 10 tih kha ring chho leh mai ila, a tha ang e. Tunge sawi hmasa ber ang le? Hun a kal zel ania. Pu Hmingdailova Khiangte.

Pu HMINGDAILOVA KHIANGTE : Pu Speaker, ka lawm e. Pu Speaker, kan School Education Minister leh a Parliamentary Secretary te, an officer te leh NGO te pawh an hnuai zirtirtute tan an welfare measure namen-lova an ngaihven thu te kan hria a. Amaherawhchu an thuneihna hnuai ami a nih loh avangin, hnathawh result chu beiseina nen kan nghak mek a. Chutih laia anmahni thuneihna hmanga an hnathawh rah tam tak a awm a, kan sawi seng lo anga.

Entir nan han sawi ta ila, kan hriat angin Chhingchhip khuaah Sainik School kuminah hawn tur a ni tih Pu Speaker, kan hria a. A tirah chuan seat 50 emaw chauh ni se ti te pawh an awm a; amaherawhchu diltu an tam em avangin kan Education Minister zahawm tak leh a thawhpuite hian ngaihtuahna hmangin seat 60 tihdan i zawng

mai teh ang an ti a, chutiang khawpin an thawk hah a, ngaihtuahna an hmang a ni tih kha lo hria ila. Chu mai a ni lova, sikul naupang nu leh pa te kha tlema khawsak harsa deuh te engemawzat an awm dawn tih hriain, sikul naupang scholarship te pawh kha an han buatsaih leh nghal a. An chungah hian lawmthu sawi tur tam tak a awm tih a chiang a ni.

Tin, Mizoram-ah Primary School a tam hle a, zirtirtute phei chu an tam hle ang a, a number ka hrelo a. System tha deuh mai, an zirtirtute promotional an han buatsaih a, seniority avanga kai tur hi 50/50 a ni a. Tin, merit hi tun lai chuan a pawimawh a, inter-departmental test tih ang deuhin 50% promotion tur an han buatsaih te pawh hi zirtirtu tha neihna atan a tangkai hle a ni tih kha lo hre bawk ila.

SPEAKER : Kan han inthlak lawk ang e. I sawi leh dawn nia.

DEPUTY SPEAKER : Aw le chhunzawm rawh le.

Pu HMINGDAILOVA KHIANGTE : Pu Dy.Speaker, High School kan ngah hle a, zirtirtu lah an tam bawk a. Tin, kan harsatna ber chu vawiiniah hian Science teacher leh Maths teacher a ni a. Kan harsatna chu kan hretlang a ni. Tun atang erawh chuan ruahmanntha tak kan siam chu 30%, zirtirtu lark reng renga 30% kha Science leh Maths teacher tur an tel nghal dawn tawh a. Tunah hian post hnawhkhan tur hi 240 zet an nei a, chutah pawh chuan Science teacher 64 ni se, Maths teacher 47 ni se tih te ruahman vek a ni a, a lawmawm hle in ka hria a, an chungah hian lawmthu sawi tur tam tak kan nei. Tin, zirtirtu hi an indaihlo a, niminah khan kan sawi thuak tawh a. Pu Dy. Speaker, a bik takin Primary School-ah hian an indaihlo em em a. Chumi tifel tur chuan Primary School engemawzat khaw khatah zirtirtu tlem bawk si, naupang tlem bawk si Primary School pahnihte kha pakhatah an insiam a. Chutiang chuan Middle School nen te pawh han dakhawm ho in comprehensive system-te an buatsaih hi an ti tha hle in ka hria a.

Tin, zirtirtu hrim hrim, a bik takin High School level-ah te, an welfare an ngaihtuah hle mai a. An promotion dan tur hi an ngaihtuah ngun hle in ka hria a. Senior teacher-ah te, selection grade-ah te an han hlangkai chho hi zirtirtute tan pawh promotion hmu tura hun tam tak ngai si, senior si te tana selection grade an siam hi a lawmawm takmeuhin ka hria. Tin, an hnathawh chanchin TV programme-a hmuh theih leh hriat theiha an han puangzar te hi thingtlang hla tak tak tan te pawha lo hmu theiin an an lo hre thei a, rem an hre hle in ka hria a, thil lawmawm tak a ni tih ka sawi duh bawk a. A dang

pawh zirtirtute tan te, school tan hrim hrimtea an hnathawh a la tam mai, kan sawi seng lovang a.

Duhthawhna lam han sawi ve lawk ila Pu Dy. Speaker, Primary School hi fundamental education a ni a, a basic kan ti bawk ang chu. Heta zirtirtu kan ngah lo hi kan sorkar chak tak leh a changtu Minister hian Primary School-a zirtirtu pali tal awm vek tur hian buatsaih theih ni se tih hi ka'n rawt duh a. Vawiinah hian pathum a awm chuan a tawk bawk lawm ni le tihna hi kan tawng deuh zel a. Chutihlai chuan Lungdai khuaah khuan Primary School pathum a awm a, Primary School-I ah hian pahnihin promotion an hmuh tak avangin Head Teacher-in ram dangah an chhuak ta a. An chhuahsanah khan zirtirtu post pahnih a ruak ta si a, chu chu fill-up loh in a la awm a. Chuvangin, tunah hian zirtirtu pahnih an nei ren rawn a, pawl I,II,III,IV enkawl tur chuan an indaihlo hle a ni tih te kha han sawi chhuak ta ila.

Tin, High School-ah hian Pu Dy. Speaker, zirtirtute an duhsak a, a tul bawk a, B.Ed zirin an chhuak hlawm a ni. Amaherawhchu, a rualin pahnihite an chhuak hi zirtirtu an tlem phah a, a buaithlak khawp mai a. Entirna pakhat ka'n sawi ang a, Bukpui-ah hian an vaiin zirtirtu paruk an awm a. Nikum atang khan B.Ed zir pahnih an chhuak a, pali an la awm a. Pawl IV leh pawl X chauh chu a ni na a subject hrang hrang a nih ve thliah avangin pali chu an indaihlo a chha a ni. An hah khawp, an buai khawp mai.

Chutiang bawk chuan kum hmasa te, a hmasa leh te atang khan zirtirtu an transfer neuh neuh a, pension nen. Hortoki-ah khuan pali chiah an awm bawk a, school naupang an ngah phian mai a. Mathematics teacher pawh an nei lova, school naupang nu leh paten an thawkhawm a, chutiang zirtirtu tur te chu a pangana tur te an la mek a ni tih kha kan Minister zahawm tak hi han hriattir ta ila a sual lovang chu maw tih te kha ka ngaihtuah a ni.

Demand no.40-na, Commerce & Industries Department-ah sawi tur ka ngah viau nachungin ka'n uar duh chu, vawiinah hian Mizoramah Mizo puan tak handloom, a tak ngei mai hmuh tur a tam ta hle mai a. Tin, Manipur lama puantahtute nen pawh khian engemaw chen chu competition kan nei tawh a, kan lehpelh ngei ngei pawh a ngaiin ka hria a. Chumi lehpel tur chuan kan Minister leh a thawhpuite hian theihtawp an chhuah mekin ka hria a. Tunah hian handloom hi an buaipui nasa hle a. A bik takin Industry Directorate-ah pawh hian Joint Director, Handloom tih a awm a, hman

atang tawhin, an thawk nasa hle mai a. Cluster hrang hrang Mizoramah hian an nei tawh a, chumi cluster chu Hortoki-ah khuan a awm ve hlauh mai a. Khatiang chi kha a changtu Minister hian hmun dang dangah cluster hi siam belh theih ni sela. Tin, cluster siam an tumna thinlung tak hi tipuitling ngei turin officer-te uluk zawk leh na zawk deuh pawha nemnghetin, he cluster hi puitling ngei ngei se ka tihpui khawp mai a, ka tuipui khawp mai tih kha vawiinah hian ka sawi chak a ni.

Tin, demand no.41-na, Sericulture department hi han sawi hmasa lawk ila. Sericulture department-a kan department-te hian an thawk tha hle mai a. Tun tumah pawh hian zighthna a chhuak tam viauin ka hria a, lawmawm ka ti a. Sericulture kan tuipui takzet niin ka hria. Ka'n sawi belh duh ber chu, Assam ramah (Dy. Speaker : Hun a tawp a) (Ka zo mai ang, minute 1 chiah) a bik takin Muga Silk pangang hi khua a lum avangin an nung tha thei tawh lova, Zoram hi boruak tha ber a ni a tiin Muga Silk-ah kan lar tan viau a. Kawnpui-ah pawh khuan a hmun kan nei a, a tlawh pawh ka tlawh ve tawh a. Hei hi kan Minister zahawm tak hian hei aia zau zawk hian Muga Silk thar chhuah tam theih dan tur hi a rilruin a ngaihtuahin ka ring tho va, han bei leh sela. Theihtawpa lo puuh pawh khulai hmunah chuan ka inpeih a ni tih kha Pu Dy. Speaker, kan Minister zahawm tak hi ka'n chah ve duh khanglang a ni. Tichuan, Pu Dy. Speaker, a dang chu kan sawi tawh lo mai ang a. Kan Minister zahawm tak pahnih Pu H. Rohluna leh Dr. B.D. Chakma te demand hi vawiin hian pass ngei turin ka thlawp a ni tih ka rawn sawi a ni e. Ka lawm e.

Dy. SPEAKER : Dr. Ngurdingliana a phar hmasa a, a dawtah Pu T. Sangkunga.

Dr. NGURDINGLIANA : Pu Dy. Speaker, ka lawm e. A hmasain demand no.20-na, School Education-ah khan ka'n lut ang a. Education Reform Commission-in kan Mizoram zirna kalphung tur an siam hnu ah chumi zulzui chuan kan Minister leh deptt. official-ten chak takin hma an la a. Scheme thar, policy thar eng eng emaw an rawn chhawp chhuak a sum an neih tlem tehlul nen! Tlemin han neih belh thei sela chuan, tun kum hnih kalta liam atang khan, tun aia nasa zawk hian hma kan sawn ngei ang tih hi thuhma ah ka rawn nei duh a ni.

Vawiina ka sawi duh hmasa ber chu, a tlanglawn kha chu session hmasa ah khan ka sawi tawh a, central-in policy tha tak mai a rawn zam, Mizoram sorkar hnuiai

Education department in a taka hlawhtlinna a rawn siam point hrang hrang rawn tarlan ka duh a.

A hmasa berah chuan, Mid-day Meal Scheme hi, zokhaw bialtu kan ni a, a taka hmutu kan ni a. Kan bial mai ni lo bial hrang hrangah, khaw hrang hrangah, he Mid-day Meal Scheme in a tum ber chu, naupangte ei leh bar tha zawk an taksa than chhoh nana pek. Tin, chhungkaw rethei deuh atanga naupangte school kal thei lo, kal nachang pawh hre lo hip nan tih te a ni a. Hemi scheme hi a hlawhtlin zia chu, mahni experience theuh en ila, kan bialah phei chuan in lama naupang awm an awm lo reng reng a, school hi an kal thap mai a. A mission-ah an chiang a, a takin hmuh theihin an awm a. Tin, naupang chang hi an kal lova, pitar putar pawh hi an kal a ni. Winter session-te, summer session-te chawlh an rei hian, naupang ho hi han tlawh that ilo, an cher kuang mai a ni. School academic session chhung chuan an mum kang mai a, zirna ah pawh tha takin an zir phah a. Chuvangin, he Mid-day Meal Scheme, central-in a rawn duan, kan state Education department-in hlawhtling taka an rawn implement thei hi vawiinah he House-ah hian appreciation ka han pe duh a ni.

Pahnihna ah chuan SCERT kan tih, inthup mahse pawimawh em em si, an hnathawh hi vawiinah pawh rawn chawimawi a, rawn tarlan hi ka duh a. SCERT department-in a tum ber chu curriculum leh text book, a pawl hniam ber atanga a pawl sang ber thleng zirtur buatsaih a ni a. Hemi kawngah hian department hrang hrang atangin English, Science, Mathematics, Social Science-te, mithiam tak tak awmkhawmna department a ni a. Kan text book-te hi han keu mah ula, state dang nen khaikhin pawhin a iaiawm loh lutuk. NCERT zulzui ni bawk si, keimahni Mizoram society mil bawk in an han siamchhuak thei te hi a lawmawm ka ti em em a, an chhuanawm tak zet a ni. Tin, hemi piah lam, text book leh curriculum siam bakah, zirtirtute'n hma an sawn zel theih nan training uluk takin an pe a. Zirtirtu la ni chiah lo pawh, ni tur te pawh, training an pek bakah field trip-te pawh an kal pui a. Khatiang khan chak takin hma an la a, kan hriat loh hian uluk deuhin, systematic deuhin, research methodology hre rengin, tikhan zirtirtu te hi an hrual thin tih hi he House hi ka han hrilh duh a ni.

Tin, heng bakah hian naupangte pawh an than chhohna turin student-oriented programme tam tak, kan hriat loh an buatsaih thinte hi vawiinah hian ka sawi duh a. Tin, Proficiency Award-an tih, Mathematics-ah te, Science-ah te, English-ah te

hian an pe thin a ni tih hi ka sawi duh bawk a. Tin, Mizo Medium English Medium-a leh tur chungchangah pawh uluk taka an finfiah hnu ah, Department-a an thehluh hnu ah, chutianga Mizo Medium atanga English Medium te pawh hi anmahni kaihhruaina hnuia leh a ni tih kha ka sawi duh a ni.

Adult Education bikah hian hma kan la tha em em in ka hria a. A bik takin khawthlang leh chhim lamah operation lian deuh deuh siamin, an hma lakna ah lawmthu ka sawi a. Hemi ah hian appreciation pakhat, amah chuan a duh lo mai thei a, mahse pek ka duh a. Tuna Kolasib Deputy Commissioner ni mek Pu H. Lalengmawia khu zirna hmasawnna duh mi a nihna angin, a district huam chhunga department officer hrang hrangte a ko khawm thin a, committee engemaw forum an siam a. Khung department officer hrang hrangte khuan an theihna apiang ah, khua ah, thingtlang, Kolasib District chhungah Adult Education awareness te pe thin in, tunah khuan zirna ah nasa takin hma an sawn a, literacy percentage pawh hi a pun phah em em a, chu chu vawiinah Adult Education chungchangah ka han sawi duh a.

RMSA hi scheme tha tak hnuai, Centrally Sponsored Scheme atanga lo kal tho a ni a. A lawmawm rual rualin Pu Dy. Speaker, kan Minister leh Department official-te ka han hrilh duh chu, RMSA teacher lak dawn hian Bilkhawthlir ah RMSA awm ta se, zirtirtu kha khami khaw base-a lak an ni a. Amaherawhchu, reilote hnu ah, bialtu MLA-te hriat loha Aizawla attach-te tam tak an awm a. Tin, zawm tha duh lo a aikal la te an tam a. Hei hi chu khawngaihtakin tun academic session atang chuan awm lo hram sela ka duh a ni, ram puma RMSA School zawng zawng ah. Chuvangin, a transfer tih vel ah pawh an station-ah an awm em tih thlengin kan Minister khan min lo chhut zui sak se ka duh a ni.

Tin, Govt. Primary, Middle leh High School-a kan Headmaster post hnawh khah chungchang, kan Minister-te'n thiam taka Limited Departmental Exam an rawn tih, Headmaster-ah kan kaisan tir a, mahse thingtlang-a awm ai chuan an duh lova, an decline a. Kha khuaah khan kha High School emaw, Primary emaw, Middle emaw khan Headmaster nei lovin tunah hian tam tak kan la awm a. Chuvangin, he Limited Departmental Exam hi a rang thei ang berin ram pum huap in huaihawt sela, rawn dah zung zung mai rawh se tih hi, Pu Dy. Speaker, ka ngenna a ni. Thil an rawn tichhuak

thiam khawp mai a, he thil hi state dangah an nei nge nei lo chu ka hre lo, thil lawmawm tak a ni.

Tin, thil lawmawm em em pakhat, kan nghahhlelh lutuk Science leh Mathematics teacher tunah MPSC kaltlanga lak tur a han ni te hi keini tan chuan a nghahhlelhawm em em a. Thingtlang High School-ah chuan Sceince teacher hi kan nei mumal tha lova. Tunah phei chuan khaw pahnih High School-ah Science teacher '7000 hlawhin thla tin MLA fund atangin kan rawih phah ringawt a, khangte kha min rawn hnawhkhah theih chuan. Heng High School kan rawih atangte khan Science ah letter marks te kan hmuh theih phah hial a. Regular teacher kan neih hun hi kan nghakhlel em em a ni.

Tin, Mizoram puma department-in building sak that tur, heng SSA hnuaiyah kum 2017-2018 chhungin Primary School 13 sak an tum te, Middle School 3 sak an tum te. NABARD hnuaiyah 2017-2019 thlengin Primary School 13, Middle School 8, High School 8, school building repair-na tur school 140, kitchen shed leh dining hall 25. Tin, NEDP hnuaiyah Pu Dy. Speaker, Higher Secondary School 15, Model Primary School 10, Model Middle School 10. Heng zawng zawng hmuh hian department hmalakna hi a lawmawm a, infrastructure lamah nikum atang khan nasa taka hmalakna avangin vawiinah kan Minister zahawm tak hnenah lawmthu kan sawi a, kan nghakhlel takzet a ni. Tin, pakhat leh chu school...

DEPUTY SPEAKER : I hun a tawp a, tih tawp tum deuh rawh aw.

Dr. NGURDINGLIANA : Department sawi vek ka duh si a, ka inbuatsaih tha a nia.

DEPUTY SPEAKER : Department khatah i cheng rei em a nih kha.

Dr. NGURDINGLIANA : Kan sawi leh phawt, Industry te, Sericulture te, Fisheries te, Commerce kha ka la nei a, mahse Education hi ka main importance a nih avangin tlem kan sawi leh lawk.

School Hostel Management Rules, session hmasaa kan Minister in Bill a rawn putluh kan pass tak, Aizawl-ah emaw, Lunglei-ah a ni emaw, Lawngtlai emaw, Saiha emaw,hostel kan siam thin te a hrisel lo em em mai a lehkha zirna boruak pawh awm mang lo, hmun chep taka awm an ni tih kan hriatin, he Dan an rawn duan chhuah hi tunah hian a takin hma an rawn la nghal niin ka hria a. School pakhat permission pawh cancel niin kan lo hria a, heng an hmalakna te hi a lawmawm. A chhan chu nu leh paten

kan inchhung boruak kan tu kan fate matric exam tur a ni emaw, pawl 12 exam tur a ni emaw, a that loh avangin hostel-a dahte kan ni tlangpui. Heng enkawl tura rules fel tak an han siam leh an han bawhzui nghal chat te hi a lawmawm a.

Tin, pakhat ngenna ka siam duh chu khawpui lian district capital ah Aizawl-ah pawl 11,12-ah Arts, Science, Commerce a awm kim vek a, Champhai-ah a awm kim vek bawk a, Kolasib-ah a awm kim vek bawk a, Lawngtlai-ah Science Pawl 11,12 zirna ala awm lo. Tin, Mamit-ah phei chuan Science leh Commerce pawh ala awm lo. Khawngaihtakin Lawngtlai leh Mamit hi stream zawng zawng awm thei tura in lo dah theih chuan a lawmawm ang. Saiha-ah chuan a awm kim vek, Arts ah a awm a, Science-ah a awm a, Commerce pawl 11, 12. Member zahawm tak Pu Ruatkima zighthna kan Minister chhanna base in a ni ka rawn sawi, chu chu ka rawn ngenna a ni a, a bik takin Mamit khu kan tan a ngai a. Engpawhnise Pu Speaker, Department changtu Minister dangten hun a tlem avangin ka rawn sawi hman loh kha min lo hrithiam sela, amaherawhchu ka rawn duang vek a, nakinah a paper in kan Minister ka pe mai ang. Chuvangchuan vawiina kan demand pahnih, Minister zahawm tak pahnihin pass tura an rawn dil hi ka thlawp a, pass pawh i tum ngei ang u tiin ka thlawp e.

DEPUTY SPEAKER : Pu T.Sangkunga.

Pu T. SANGKUNGA : Pu Deputy Speaker, ka lawm e. A hmasa berin School Education demand no.20 na hi ka sawi duh a. Tuna an recruitment rules tih danglam than hi ka lawm khawp mai. Thinglang bialtu tan chuan chanchin tha a ni ringawt mai a. Primary School te han en ila Headmaster an rawn dah reng reng hian an hna than zawm duh lovin, an decline deuh vek a ni. Primary Middle School leh High School ah hian Headmaster neihlohma kan ngah em em a. An zawm duh pawhin an haw ngun em em a ni. A chhan chu hlawh a inthlau si lo a. Tunah Limited Departmental Examination an rawn ti a, Zirtirtu la naupang, kum 5 lek lek service ten Limited Departmental exam an tih chuan an lo kal duh ang a, chu bakah SDEO-ah, te DEO-ah te quota an nei tawh si a, pension dawnah reilote an rawn kai sang a, an chuak leh mai thin a, efficiency a tlakhniam phah hle in ka hria a, S.D.E.O & DEO efficiency atan pawh tul hle in ka hria. Education Department leh kan sorkar chungah lawmthu kan sawi duh a.

Tin, zirtirtu kan ngah loh nachhan hi kohhran leh khawtlang thahnem ngaihna in English medium school an din a, naupang tam tak English Medium School-

ah an insawn a Primary School te, Middle School te a thawl hle a, in amalgamate hi a lawmawm ka ti a. Hei ai hian huaisen teh u, Block President leh V.C ten an awih si lo tih vel te in an amalgamate lo ringawt thin a, hei chu huaisen taka kalna chi niin ka hria. Zirtirtu school pakhata naupang 10 awrh awmna te a awm a. Hetiang hi chu amalgamate zung zung ila, a tul chuan khar ngam ila, zirtirtu indaih loh hi a tlem sawt ka ring. A dawt leh ah chuan English Medium School-a kan Government School in han let hi a ropui ka ti a, English Medium School chhuak lo chu foreign-a thawk tur te, hotel tha tak taka thawk tur, interview-na ah ka lo thu ve mai mai thin a, Mizo Medium chhuak chu B.A pawh English-a tawng thei mang lo ka hmu thluah a ni. Tawng thiam lo chu an la duh tlat lo, Tawng thiam chu Matric pass chauh pawh, “A! hei chu a hnime luh theih mai ang’ an ti a, an la hram zel a ni. Ka bialah phei chuan, ‘English Medium school din hram duh chu ka pui ang che u,’ ka ti a, English Medium school building sakna tur hi chu engtin tin emaw kan pui a, School Education Department Government Primary School English Medium a in let hi chu a lawmawm hle a ni. Mi state a St Xavier School, St Stephen School, School tha ber ber te mi in kal an chak na chhan chu a that bik vang a ni a. Model School tha bik naupang lama in han siam hi chu quality education in tanna tur niin ka hria a, he in thil tih hi lawmawm ka ti takzet a, lawmthu ka hrilh duh che u a ni. Chutihrual chuan UT kan nih lai in sum leh pai ah U.T hna tauteta lakte kha kan hniang hnar, an pension fai deuhthaw tawh a, kum zep then ho kha tlem an la awm a. Tin, state upgradation-ah khan post tam tak create a ni a, khata lak ho kha an pension nual a, la awm an awm nual a. Hei hi (pension) zirtirtu indaihlohma chhan pakhat niin ka hria, Tin, kum diktaka thawk zirtirtu tha, pension uihawm em em an awm bawk. Quality education a awm loh chuan ram a changkang thei lo reng reng a, a bikin DP & AR leh Finance Department te pawh hi zirtirtu hna ruak te hnawh khah na turah hi chuan lo liberal deuh se tha ka ti khawp mai. Eg, nikuma zirtirtu la ngah viau ka pianna khua, Vanzau-Government High School-ah khian zirtirtu pakhat, contract lehngthal a awm a, Headmaster nen chiah an awm. Hei hi entirna mai mai a ni a Kan Education Minister nen pawh kan sawi dun fo a, “Hetiang hi a awm nual tawh a ni,” a ti a. A bialtu leh khawtlang tan kha chuan a beidawnthlak lutuk a, chuvangin heng hi engtia tih tur nge maw ni te kan ti a. Kan Education Department hian an beilo pawh a ni lo, theihtawp an

chuah, amaherawhchu DP&AR/ Finance-a mi pakhatin emaw alo object zeuh khan alo let leh a.

Science leh Mathematics Teacher tlem an han la tur te hi a lawmawm em em laiin general- ah pawh kan mamawh lutuk, heng hi chu a changtute leh Finance leh DP & AR pawhin lo hriatpui a ngai. Ka ngaihdan chuan heti tako kan harsat chuan teacher tha hi chu contrack in re-employ mai se, hlawh tlem zawkin. Tun hma te chuan Pu K. Zawla pawh Assam Chief Minister Pu Chaliha'n, "Nang hi chu i peih chen chen i thawk dawn nia" a ti a, a thawk reng mai a ni. Teacher tha bik chu khatiang kha a ni. A kal paha a sawi ang khan a thawk reng mai a ni. Tin, mi tha bik an awm a. Humayun Kabir-a, India rama Education Minister hmasa khan Pu Nehru-a hi "He is a moving university" a ti a. A han tihna reng reng kha, 'Pu Nehru-a kha a thil tih kha zir tlak a nia, moving university a ni,' a ti a. Ka bialah khian tunah hian Headmaster tha tak mai pakhat, tun February thla khan a pension a, extend se kan duh a, Headmaster hi kan neih leh chin tur kan hre tawh si lova, an ui em em a, a tha bik an awm a ni. Lungpho-ami Vanzau Primary School-ah Pu Thansanga a rawn thawk a, a awm atanga kum hniih ah Vanzau Primary School chhe lutuk atang khan Mizoram Class III examination ah pahnihna leh pasarihna an awm, top ten-ah pahnih an chhuak ringawt mai a ni. Chuvangin teacher pakhat Pu Thansanga lo chhoh avangin kha school thatzia te, tun hnu ah khian Government High School Aizawl Pu Hmuaka'n siam that dante kan hria. Khatiang khan a tha bikte hi chu extension emaw, re-employment emaw, contract-a tih dan emaw te hi kan zawng a nih loh chuan a dang a dah leh theih tawh bawk si lova. Heng a tha bikte hi chu mi ram ah pawh an tih loh dan a ni lo bawk a tih dan a awm lo em ni?

General Castro kha a dam rualpui ten an ui em em nachhan chu Cuba hi a rethei si a. Zirnaah leh Health Care-ah an hniam em em mai a. Castro-an theihtawp chhuahin, 'zirna i'n siam tha teh ang, mipui hrisel nan hma i'n la teh ang an tia, an bei tak tak mai chu kum reilo te chhung in Cuba chu USA, England leh France te aiin literacy percentage-ah a sang ringawt mai a ni. Tin, Health Care-ah pawh, MRM (naupang piang hlim thih ah te,) thil chi hrang hrangah Cuba kha Castro-a hruai reilote ah U.S.A leh Europe ram tam tak aiin an tha a ni. Chuvangin mi pakhat hi an pawimawh lutuk, G.M High School-a kan kal laia Pu A. Sawihlira te leh Pu K. Malsawma te that zia

ka ngaihtuah hian heti khawpa post fill up a harsat si chuan hlawh tlem zawk pawhin pensioner rawih nawn hi tha ka ti, an thawk duh tho bawk si a. Chu chu lung pakhata sava pahnih vawm thlak ang a ni a. Teacher tha, naupang tha chher tur leh zirtirtu indaih lohna kha a pahnihin a solve a. Khatiang zawngte khan a kal theih tawh mai lawm maw ni le tih te ka ngaihtuah a. Chuvangin he House-ah hian zirtirtu indaihlo nasa lutuk hi sawi vak a tul em ni?

Tin, kan ram a changkang zel a, Matric pass tan hna dil tur a awm mang miah tawh lo ania, sipai ni turin Matric chin an rawn ti thar a, a zia a ni mai a. Skilled worker kan tih Hotel tha tha hawk tur te, Cabin Cruise tur te, Gulf-a hawk turte a chi hrang hrang sang tel reiloteah hian kan lak belh leh a ngai dawn a, kan Chief Minister hian a buaipui mek a. Ani ho hian MYC-in hma a la mek a ni. Khang ho zawng zawng kha Class XII pass chin a ni vek a ni. Chuvangin Higher Secondary School kan neih thuai thuai leh private- a kan dinte hi pawisa tlem azawng tala kan puih hi a ngaiin ka hria a. Hmun tam takah Higher Secondary School neih loh avang hian tam takin Matric bak an zawm theih loh phah a ni. Hna lak dawna thlawh bawk zirtirtu dahngheh tur buaina pawh Education Department in HSSLC an rawn tih tawh zel si chuan, Class XII pass chin an tih that avanga tunah hian regularisation harsa a ni a. Class XII an tih zel tawh avangin (Pu Speaker, ka zo tep tawh a, kan pawt tawi vak mai ang a, tawi te min khawngaih la, kan dil belh duh a.)

A dawt lehah chuan department dang sawi itawm a tam si a. Nichina an sawi ang khan Sericulture department Integrated Muga Silk Development Programme hi sawi loh theih niin ka hre lova. Assam boruak a lum a, Assam chauhin khawvelah a tichhuak emaw an tih Muga Silk kha Mizoramah a lo chin theih a. Assam a rawn lum ta a, serthlum ang deuh a ni; Mamit leh Zampui leh Hachhek tlang dunga serthlum kha kan ram a lo lum a, serthlum a tam a, zoa rah theih lohna Tuipui ralah te, Tuichang ralah te serthlum a lo tha ta ang hian Muga Silk pawh hi Assam a lo lum ta a, climate change avangin Mizoram-ah a lo tha ta si a. He silk hi a mawi em em a, chuvangin a man a to bawk a. Silk dang 1 kg ` 3000 te, `3500 te a nih lain Mega Silk hi chu `15000 te, `18000 te a ni daih a ni. Chuvangin Tuikuk vawk leh vai vawkte var vulh ang in a inhlawk hleih a ni. Muga silk uar ila, Bul leh Nauthak tih vel, kan ram leilunga awm sa atanga silk vulh

a ni mai. Chuvangin hei hi tun aia kan kal chakpui thain ka hria. Central pawhin tunah pawisa a rawn pe teuh a, 812 lakhs lai a rawn release tawh a. Tuna kan kal ang bek bek ni lo, Castro-a ten an tih ang khan tih pawp pawp a tha Nauthal leh Bul thing hi. Teak anga kan leilunga piang ni lo a ni lova, kan leilunga awm sa a nih avangin kan leilung leh boruak pawhin a mil dawn a, a tha hlein ka hria a, tihtak zet zeta kan tih a ngaiin ka hria a.

Tin, a hnuhnungah chuan Fisheries department-ahhian sawi ka chak em em chu RKVY hnuiah River-Eying Conservation atana pawisa tlem te an neih, sangha fuan laia vengtu (tura hrai vengtu), dan lova sangha mantu YMA leh NGO dangte hnenah hian pawisa tlem te te '40000 te an han pek hi a tangkai em em mai a ni.

Tin, ka'n sawi leh duh chu Primary English Model School an ti nge maw ni tuna Model School-ahlankai tak te class room extention kha tih sak tur niin a hriat a. Tunah March thla a ni a, thal lai a ni tawh a, school chawlh lai te hian tih that sak thei se chu, extend sak thei se chu a duhawm khawp mai a. Amaherawhchu, tunah hian engnge ni harsatna ka hre lova, ngaihtuah chu a tha khawpin ka hria a. Tih sak tum kha a niin ka hria a, tunah hian engnge kan thlen chin kha ka'n hre duh deuh a.

Demand no. 40, Commerce & Industries Department-a thil thar deuh kan hmuh hi ka'n sawi leh duh a. Ministry of Textile, Government of India in June ni 6.2016-ah khan Apparel and garment making Centre, Industrial Growth Centre, Lungmual-ah a hawng a. Handloom and Handicraft tih te kan hre thang a, mahse tun ami Apparel and Garment making Centre tih hi engang chiah nge a tangkai dan tur te pawh kha, hriat theih ni se ka ti khawp mai a, hriat a chakawm a, a phurawm a, hei hi kan hmasawnna thar tur niin a hriat a.

Tin, Ramthar Veng YMA, Lunglei-in Agriculture Marketing Infrastructure tihna tur ram an pekah khan Agriculture Marketing Infrastructure tih hi engte nge ni ang aw! Engtiang taka tangkai nge ni ang aw tih kha sawifiah deuh hlek a tha ka ti a. Thil tha tak ni turah ka'n ngai ringawt a, kha kha ka'n sawi duh a. Tun hma khan industry din te tan khawl emaw, electric emaw, transport subsidy hrang hrang incentive te kha pek thin a ni a. He hi a reh ta deuh vang vang mai a, intihphur te hi a ngai a, a pawimawh a, tangkai pawh a tangkai a, tihthar leh dante hi a awm lo maw aw te ka ti a. Chumai bakah

chuan MLA kan han nih tirh khan mistiri bungrua te, puanthui khawl te kha tlem chu min pe zauhin ka hria a, a tawp ta daih mai a. Kha kha engtinnge chhunzawm leh dan te hi le aw ka ti a ka thiante pawhin min tawmpuiin ka hria a, an men danah pawh. Khangte kha tih leh theih se a tha ka ti khawp mai a, kan sawilang duh a ni.

Pu Deputy Speaker, Fisheries, demand no. 35 na hi ka'n sawi leh duh a, Session hmasa lamah pawh khan ka sawi tawh a, hmanni zawnha leh chhanna ah khan NLUP atang ringawt pawh khan mi 3409 beneficiaries an awm tih thu te, sum sen zat tih te kha tam tak a lo awm tawh a. Tunah hian area cover zat hi hectare 1704 a nih thu te kan ngaithla a. Tin a seed pool fingerling hectare khatah 8000 pek thu te pawh kan ngaithla a, nasa takin sorkarin hma a la a, a lawmawm ka ti khawp mai. Pu Speaker, ka chhut thin a, sangha hi fur khat, July thla velah ruahui tlingah hian han dah ila, kum tawpah chuan kg chanve vel te chu an lo ni a, a thang chak lemlo pawh gram 400 te an lo ni thei a. Chumi awmzia chu 1kg ah hian pum thum te an lo nih chuan 8000 chu quintal 26 chuang a ni thei daih a ni. Chu chu `150 pawhin han ti ila, ` 3,90,000/- vel kha a ni daih mai a, a tha khawp mai a. Amaherawhchu, manganthlak ka tih deuh chu mihring te pawh kan ni tho a, ran te pawh an ni tho a, chaw tello chuan kan nung zui theilo a, pian chu kan piang ve mai, rante pawh an piang a, mihringte pawh an piang ve mai. Mahse chaw khamkhawp ei ta lo ila kan damrei ang em tih kha a ni a. Ka experience-ah chuan sangha dah tam ringawt hi a tha ber chuanglo a, chaw pek that hi a pawimawhin ka hria a, chuvang chuan tam tak thar tur chuan chaw tha taka kan pek hi a pawimawhin ka hria. Fisheries department hi Minister bulah a sawipui theih tho nain a chi semah hian thahnem kan ngai a, kan ti nasa lutuk a, a chaw siamah hian tan kan la tawklo niin ka hria a, a in balance turah ka ngai a. Hmani khan ka zawnha ka thaichhia a, ka ziak tha leh a, a rawn chhuak kha fish seed plan tiin a rawn chhuak a, ka zawnha tak chu fish feed plan a nia. Champhai-a din tum kha engnge a dinhmun tih kha a nia, ka zawt hman lova, a feed plan kha ka zawh tum a ni tih kha kan sawi ang a. A siamtute ka dem lemlo a, ka correct-na kha kut khan ka ziak si a, F kha S ah an lo siam a, ka dem lemlo a, ka'n sawi duh chu ka ngaihpawimawh zia thu ka sawilanna ni ta se. Cachar-ah te, Tripura-ah te zirtu ten an zir khanin hectare khatah hian quintal 30 atanga 40 te an thar thei a ni, a chhan chu a chaw an pek that vang, an chawm that vang a ni. Mizoramah hian hectare

khatah a nihna takah chuan a lian viau na in quintal 2 atanga quintal 5 bak kan than ngailo a ni. A suma han chan pawh khan han ngaihtuah ta ila, hectare khatah quintal 15 tal te chu han than ta ila. Chu chu a bul ber chu chaw a ni, chaw a ni ringawt mai. An thanlen nan chaw an mamawh, an nun zui zel nan chaw an mamawh. Sangha hi chaw kaw puara an ei loh chuan an thi duh em em mai lehngthal a. Chuvangin a chaw lampanga tan kan lak hi a va pawimawh tak em tih ka ngaihtuahnaah a awm a. Tin, tanpuina pek te pawh hi awmze nei deuhhleka pek a, tuikhuap thar tur ` 20,000/- vel kan pe te hi chu hmun lo nei tawh sa tan lo chuan tihngaihna a awm lovin ka hria a. A tlem em em mai a, awmze nei tham hi pek mai a tha in ka hria a, chu chu ka ngaih paiwmawh em avangin ka'n sawi a. Heti khawp hian department-in tan a la chungin intodelh tak tak tur chuan tuna kan sawi a chaw kha a pawimawh ka ti em em a. Tin, thil tam tak Pu Deputy Speaker, sawi tur a awm laiin ka hun a tawp tawh a, hun tha tak min pe a, ka lawm em em a ni tih ka'n sawi duh e.

DEPUTY SPEAKER : Pu R. Vanlalvena

R. VANLALVENA : Pu Deputy Speaker, ka lawm e. Vawiin ah kan Minister zahawm tak tak pahnih te demand kan sawi dawn a, sawi tur a tam viau a. Ka hma ami ten an sawi tawh ang khan sawi deuh zung zung ka tum dawn a.

A hmasa berah chuan demand no. 41 na Sericulture department sawi ka duh a. An sawi tawh ang khan project an nei tha khawp mai a. Sericulture hi a bik takin kan Chief Minister zahawm tak, kan House Leader ni bawk hian a tui pui a, promote hi a tum viau a, an project leh an hmalak zelna ah hian rilru a pek pui viauin ka hria a, a lawmawm ka ti. Silk project hi a ngaih pawimawh awm hle a, ka hma ami ten an sawi tawh a, hemi project a an hmalak hrang hrang chu an sawi tawh avangin ka sawi lo ang a. Tawi te in silk an thar chhuah ah hian ka rilru in thahnem ka ngai ve a. Puan hi Mizo te hian kan tah tha khawp mai a, Industry department nen kaihkawp a remin ka hria a, handloom bikah chuan Industry nen pawh kan kaihkawp nghal ah ngai ta ila. Kan puan taha la hi kan thlak thleng lo a nih chuan kan hrall thei lo mai ang tih ka hlau a, Mizoram ah hian tunah hian acrylic kan tah nasa khawp mai a, kan hmeichhe ho in puan an sin hi a tlangpuiin acrylic a ni deuh vek mai a. Acrylic hi a khawng a, a lum a, tin a rawng thlakna ah hian ram dangin an duh loh zawng vun ti thak thei chi a tel avangin Europe ramah phei chuan

lakluh an phal miah lo an ti a. Keini helaia tlema a chekhawk deuh ti mai ang, tawng engemaw lam ni lo ta se, keini te, Bangladesh te, Arunachal te, Manipur leh Burma bawr ami hi chuan kan hre hrang vak lo emaw ni chu aw ka ti a. ZOHANCO-ah kan hotuten min awmtir ve zawk a, ka awm chhung reilo te ah rinai in awmchilh chuan rilru kan pe ve a. Dawrah hian puan etc. kan zuar thin a, vai hnam tha ti mai ang tourist ho tu tu te emaw lo kal pawh hian dawra thil an lei dawn hian an hmet an hmet a, an khawih hian an hre em em mai a, necktie lo hi chu an lei ngai lo an ti a. Chuvang in kan puantah thin la hi kan thlakthleng a ngai ka ti a, cotton a nih loh pawhin silk emaw zawnga kan thlakthleng loh chuan tuna kan la hman ang ngawt hi chuan state dangah, hmun dangah kan puan hi kan thawn hrallh thei dawn lo tih a hriat reng a. Thenkhat hi chuan an han thawn thin a, a ngai ngai hian a lo kir leh thin a ni. Chuvangin helai Silk project hlawhtling tur te pawh hi a nghahhlelhawm ka ti a. A bik takin kan puan tah ho tan te hian anghahhlelhawm lehzualin ka hria a, chuvang chuan a lawmawm ka ti a. Kan Minister-te thahnem ngaihna te, an thawhrimna te hi hlawhtling thuai thuai se a bik takin puantahtute hian a hlawkna hi chhawr vat se tih hi ka duhsak a, chulai tawite chu ka rawn sawi a. Tin, a tah dan ki a pawh hi, hmanruate hi thlak thleng ngaiin ka hria a, helaia kan handloom kan loom ang ringawt ai chuan entir nan dopy an tih ang chi, vai ho in chak zawka an tahna khawl ang khu la chhuak ve ta ila, nikhatah tam zawk pawh an tah chhuak thei ang tih a rinawm a ni.

Tin, Fisheries department pawh hi a pawimawh khawp mai a. Kan hria a, kan taksa hriselna atan sangha a pawimawh zia te chu a hretu vek kan ni. Kan Minister-hi a tha khawp mai a, a tui a, rem a hria a, project tam tak te pawh a hmu chhuak a. Chubakah kan sangha tharte a pung nasa mai nilovin sangha hi uih hma, tawih hma tak a ni tih te pawh kan hria a, chungah te pawh chuan chumi thla ah chuan man se tia ruahmanna fel takte pawh siam a nikhatah sangha tam tak man a nih chuan hrallh zawh a nih hma in a rimchhe mai dawn a. Sangha man na tur bik insiam remin chumi ni ah chuan chu chuan a ni kar thlaka tihdan turte ruahmanna fel tak nen a kalpui hi a lawmawm ka ti a, an remhriatna hi nakinah leh tunah pawh kan chhawr mek nachungin nakin leh zelah kan la chhawr zel tur a ni tih kha a hriat a, a lawmawm ka ti hle a ni tih tawite in ka'n sawi duh a ni.

A dawt lehah chuan demand no. 40-na Commerce & Industry department-ah hian tlemte sawi ve ka duh a. A hnathawh market sak leh border trade, land custom station-ah Burma lamah te, Bangladesh lamah te an hnathawh kan hmu a. Market sak ringawt pawh Aizawl khawchhungah te leh district hrang hrangah te pawh an hnathawh hi kan hmu a ni. A tangkai khawpin ka hria a, lawmawm ka ti a. Burma nena kan in sumdawn tawnna ah te, Bangladesh nena kan in sumdawn tawnna kawngah te pawh ruahmann tam tak an siam a, an hnathawh a pawimawh a, nakin lawk ah chuan kan ram tan thil tha leh tax kan lak theihna tur kawng ruahman tu tha tak an ni a ni tih a hriat a. A thawktute kan Minister, kan Parliamentary Secretary te an fakawm hle in ka hria.

Tin, thil pakhat ka ngaih pawimawh em em chu tuna an hmalak na mek ni bawk si food testing laboratory an ruahman mek lai hi a hlawhtlin hlan a nghahhlelhawm khawpin ka hria. Zokhawthar lamah project hmasa ah ruahman a ni a, chu chu Thenzawl lamah sawn a ni a, a pawimawh tur khawl tepawh an chah thleng tawh in ka hria a. Thla hmasa mai khan NEDP atangin ` 5 lakhs building sakna tur, Zemabawkah remchan zawkna avanga sawn a ni tih kan lo hria a. Hengte hi a nghahhlelhawm khawpin ka hria. Kan thalai te leh naupang zawk te hi thil ei mai zel ni a. Kan hmuh ang ang engnge a nih pawh kan hriat chian loh ‘mi in an ei alawm’ ti a ei ve mai thin kan ni a, hei hi a ngaihpawimawhawm in ka hria. Republic day, Independence dayah te school naupang parade-naa kan tlu nasa lutuk te hi kan ei leh in a tha tawk lo emaw ni chu aw te ka ti thin a. Burma lam atang te, China lam atang te a thil lo chhuak, a kawm a inziak pawh kan chhiar thiam loh leh engnge a nih pawh hriat chiah loh, a expire leh expire loh pawh kan hmuh hleitheih loh pawh ei mai zel kan nih avang hian food testing laboratory hi kan mamawh hle in ka hria a, a hlawhtlin hunah chuan kan ei leh in thin te hi ei tlak a nih leh nih loh te kan lo test ve thei tawh ang a, ei tlak loh te chu mipui te hnenah ‘hei chu ei chi a ni lo ve’ ti te pawhin kan in zirtir thei tawh ang a. Chuvang chuan food testing laboratory kan nei tur te leh an hmalakna hrang hrang hi fakawm ka ti a, chulai chu ka’n sawi leh duh a.

A tawp berah chuan School Education lam hi sawi tur a tam khawp mai a. An hnathawh hi a hahthlak a ni tih a chiang reng mai a. Chawhma lamah pawh i veilam

ami te nen pawh Pu Dy. Speaker, kan han ri laih laih thin a, khatiang kha an hun tawn hi a ni a, ngaiantuahna nasa tak nen hun an hmang a. A changtu Minister phei chu a rilru a seng nasa bawk a ni ang a sam te hi a tla kawlh rawl rawl mai a, chutiang khawp chuan a rilru hi a seng a ni tih a hriat reng mai a, an khawngaih thlak em em a ni. An chanpuala rilru an sen nasat zia leh an thahnemngaih zia leh an duhthusam ang diak diaka thil a kal theih loh zia ngaiantuah hian an khawngaihthlak khawpin ka hria.

Nichina an sawi ang khan Hostel Rules an siam hi a lawmawm in ka hria a. Kan hria a, eizawnna tur kan dap a, kan han ngaiantuah vang vang a, ‘Hostel siam hi a tha ang a,’ kan ti a, kan siam mai ni te pawh hian a lang a. Tam tak hi chu, kan fa te awmna atana nuam kan tih vak loh leh kan thlan vak loh te pawh hi zirna kan duh avangin kan in dah ve chawk thin a, chung lo en diktur leh a endik na tur hmarua ah rules tha tak an han siam te hi a lawmawm ka ti a.

Tin, zirtirtu lak ah hian tunhma atang tawhin zirtirtu kan lak hian chu mi subject bik atan chuan tih hi a awm lova, zirtirtu kan la tawp a an lak zawh vek tawh hnu ah, Ani hian Mathematics a thiam ang a, ani hian Science a la thei ang a, ani hian English , ani hian S.S,’ an han ti a, a bik takin class hniam lamah. Kan lak vek tawh hnu ah an subject tur hi kan in pe thin a, a fuh tawk lo em em mai a ni. Chuvang te pawh chu a ni maithei kan zirna hi a tlahniam chak khawp a ni, a bik takin ‘sorkar school-ah chu chu kan dinhmun a nih mek laiin anni hian subject wise in chumi subject atan chuan chumi chu zirtirtu qualification a ni tiin a subject tur bik la thei tu tur Rules tha tak an siam te hi a lawmawm ka ti a. Hei hi hmanah lo nei tawh ni ila chuan tun ang em em hian sorkar school hi a tlahniam lovang tih ka ring a. Chuvangin an thawhrimna hi a lawmawm in an fakawm tak zet zet a ni.

Pawisa chungchang ah hian, ni e, pawisa hi chu kan hre vek a, duh khawp loh tur atana siam hi a ni a, tam lutuk hi a awm lova, kan duhtawk lo vek zel a. Department-ah pawh hian tam tak chuan pawisa a tlem ti te pawhin chanchinbu ah te kan hmu a. Amaherawhchu, nikum lam ai chuan hma an sawn fe a, NEDP bakah an hmasawnna tura pawisa dah te pawh a awm ve nual a, chuvangin duh khawp chu ni chiah lo mahse, a awm ve nual avangin hna engemaw chen an thawk thei ang tih chu ka ring a. Thil pahnih a tawp naah chuan kan kalphung ah hian CCE hi hman loh hi a tha mang e aw tih ngaiantuahna ka nei a. Continuous & Comprehensive Evaluation kan tih hi

a fuh lovin ka hria. RTE Act kan hmanah hian kum 6-ah naupang-in sikul kal tan tur a ni a, kum 4-ah private-ah chuan an kal tan tir si a. Kum 6-ah sorkar sikul ah chuan kal tan tir tura tih a ni a. Chuvang chuan sorkar sikul-a an kal hma hian private sikul-ah an kal lo thei lo ni in a lang a ni. Chuvangin he kalphung hi a fuh chiah lo em aw ka ti a. Chubakah RTE Act kan hman ah hian Board exam leh pawl suk nawn hi a rem tlat tawh lova. Board exam a awm loh chuan kan inthlahdah deuh a, pawl suk nawn a awm loh chuan kan inthlahdah deuh bawk hian ka hria. Hemite pathum hi kan thatpui lo tlatin ka hria a ni. Chuvangin, CCE hmang lo ila a that ka ring zawk a. Pu Deputy Speaker, puitling sunday school zirtirtute pawh hi a tak takah chuan Chawlhni-ah khaikhawm tur a nih chuan kan inthlahdah nghal ringawt zel a nia. Chuvangin, naupangte pawh hian an fail dawnlo a ni tih an inhriat chuan emaw, board exam a awm dawnlo a ni tih an hriat chuan an inthlahdah hlawm tlat a ni, ka zawt nual hlawm a. Chuvangchuan, CCE hman loh mai te pawh hi a tha awm mang e tih hi ka ngaihtuahnaah a awm a.

Tin, SSA-in model school an siam a, nichina ka sawi ang khan pawisa hi a awm nual a, an dah nual a. Kan Minister zahawm takte hian min lo hriat sak atana ka duh chu Upper Republic-ah khuan SSA hnuaiah Model School tha deuh mai kan nei a. Naupang 330 hi tawt takin an la thei a ni. Eng lai pawh khuan sikul naupang 330 vel hi an nei reng a, an building hlui khu hmanlai building tawh kha a ni a, tluk hlauhawm tak a ni. Nikum June phei kha chuan a tlu lek lek a, MLA fund-in kan han do tha a, a tlu lo hram hram a. Tunah khuan tluk hlauhawm tak a ni tawh a ni. Sikul naupang hi an la seng lo a ni, veng hrang hrang atang hian an rawn pan ruih ruih mai a. Sikul a tha a, Headmaster leh zirtirtute an tha bawk a. Chuvangin, a sakna khu min rawn ngaihtuah sak ula ka duh khawp mai a, fur te a tawrh chuan tlu mai thei dinhmun a ni tih kan Minister zahawm tak te hian min lo hriat sak se ka duh khawp mai.

Sawi tur chu ka la ngah khawp mai, kan Minister te pahnih demand hi ka rawn thlawp a, kan pass ngei ka duh pui e. Ka lawm e.

DEPUTY SPEAKER : Awle, Pu John Siamkunga.

Pu JOHN SIAMKUNGA : Pu Deputy Speaker ka lawm e. Minister zahawm tak takte demand kan sawi dawn a ni a, sawi tur a tam angreng a, minute

10-ah chuan kan sawi zo hman lovah ngai ila. Amaherawhchu, theih tawkin ka han sawi ve ang a, kan hotuten an sawi tam tawh a. Chutih ruala ka sawi duh chu demand no. 20-na School Education chungchang kha. Economic survey atanga a lan danah hi chuan kum 2015-ah khan Primary School kan neih zat hi 1950 a ni a, Middle School hi 1511, High School hi 614, Higher Secondary School hi 138 a ni. Tahchuan student enrollment hi a chuang vek a, zirtirtu kan neih zat a chuang leh vek bawk a. Chutatanga 2015 behchhana kan chhut chuan Primary School-ah hian teacher-student ratio hi 1:20 a ni. Zirtirtu pakhatin naupang 20 enkawl thei angin a lang a. Tin, Middle School-ah chuan teacher student ratio hi 1:10 in a lang thei a ni. Chumi awmzia chu zirtirtu pakhatin naupang 10 an enkawl thei tihna a ni, enrollment leh zirtirtu tam lam atanga chhut chuan. High School-ah pawh hian 1:10 tho a ni a, Higher Secondary School-ah hian 1:15 a ni. Hemi record atanga a lan dan hi chuan Primary School-ah hian zirtirtu kan indaih viauvin a lang tlat mai a, mahse chutih lai chuan kan indaihlo hle thung si a, thingtlang lam bialtu tan chuan a manganthlak a ni. Sikul naupang 130 chuang awmnaah zirtirtu pahnih lek te kan han nei thei a, khatiang te kha thil awm dan a ni a. Chuvangin, kan student ratio atang hi chuan zirtirtu hi chu kan indaih tha viau tih hi record atanga a lan dan a ni a. Tunah hian High School lamah te zirtirtu lakbelhna tur tam tak te a lo awm leh ta bawk a, hengte nen phei hi chuan High School-ah pawh teacher-student ratio hi a hniam leh sawt turah ngai ila. Khami a nih kha chuan quality education hi awm thei tur awm takin a lang a, mahse kan quality lo a ni thingtlang lamah hi chuan a harsa khawp mai.

Tin, 1980 kum vel atang khan zirtirtute kan lo la tawp tawp a, a quality lam ngaihtuah miah lova kan lo inla chho khan tun hi min thlen chhoh ta a. Vawiinah chuan kan fate pawh government sikul-ah kan dah ngam ta lova. Khatiang dinhmunah khan kan han ding chho ta a. A hniam lam a foundation lama kan zirtirna leh kan zirna that lohna hian NASA takin min nghawng a ni tih hi chu a chiang hlein ka hria.

Chu mai bak ah chuan hengte hi hriat a ni a. Voluntary Retirement Scheme hi sorkar-in hun hmasa lam atang tawh khan an lo kal pui tawh a. Hetiang a nih hi chuan zirtirtu Mizo tawng chauh chhiar thiam te, saptawng kawi hnih/khat

pawh hre lovin kan fate an enkawl reng chuan a diklo ang e tihna rilru te pawh a awm ni ngei tur a ni. VRS kan han kal pui ta a, Voluntary Retirement Scheme hnuiah engemaw zat kan han la a, mahse, trained teacher an ngai vek tawh a. Chutiang a nih avang chuan B.Ed a ni emaw, engemaw tal kha an trained a ngai a ni. Khami nilo kha chu kan la thei ta reng reng lo mai a. Kan beisei dan chuan VRS teacher mithiam tak tak te, saptawng lamah pawh bahlahlo ten kan fate an enkawl hunah chuan English Medium-a luh kher a ngai lovang tihte kan lo ngaiantuah a. Mahse, chu chu a lo ni ta reng reng lova, kan VRS lak te hi dan naranin a khaw neitute kha chu an lo tlinglo deuh char char bawk a. Tin, thingtlang bial lamah phei chuan kha competition-a kha kan phak lo a ni. Tah chuan VRS teachers chu an han la ta ngei a, tha takin kan hotuten an rawn post kual ta a, an dahna tur hmun te an rawn tisa thlap thlap a, kan mamawhna laite an rawn hre em em a, an rawn dah hlawm a ni. Mahse, chutih lai chuan VRS teachers kan lak mithiam tak tak te khan thawk duh ta lovin khawi-ah emaw an awm a, tute emaw an rawn chhawr ta a, a khaw mi, thiamna sang nei tehchiam lo kha an lo chhawr ta hlauh thin a. Chuvangin, kan tawrh ngai angah tho khan kan let leh thin a, a pawi tak zetin ka hria. Hetianga kan la dawn rau rau a nih chuan VRS hnuai emaw, nilo emaw, a khaw chhung mi, transfer & posting tih pawha che ve reng reng lo tura in ngai ang chi kha ni ta se chuan rilru nghet takin naupang an enkawl thei ang tih a rin theih a. Hetiang hi vawiin ah kan tawrh chhoh dan a ni a, eng chen nge kan la tawrh dawn chu ka hre lo. Mahse, vawiin ah sorkar sikula kan fate kan dah ngamlo leh rethei chung chung pawha investment tam zawka kan va invest nachhan pawh hi kan fate tan a ni a. Hetiang dinhmuna kan lo ding ta hi a pawi takzetin ka hria. Mahse, chutihlai karah sorkarin theihtawp chhuah a, a la beih zel na erawh hi chu a lawmawm a. Eng tik hunah emaw chuan a foundation lam atang hian tha chho ve tawh turah ngai ta ila tha in ka hria.

Tin, kan Minister zahawm tak ten amalgamation an han ti te hi a lawmawm khawp mai a. Khaw thenkhat ah chuan kan mamawh aia tam zirna in hi a ding a ni, a population behchhan chuan. Khang zirtirtu tlem si, school tam si te kha tha lova hria in a school lam an ti tlem a, zirtirtu a khaw chhungah ngei an han sem rual a, awmze awm deuh khan a rawn awm thei tawh a.

Pu Dy. Speaker, school building chungchang hi han sawi leh ka duh a. Ka bial chhungah khi chuan min sak that sak hlawm khawp mai a, chutih rualin report a la awmlo nge ni, sorkar school, Government Cherhlun High School hi a chhe khawp mai a. Hmanniah kan Minister zahawm tak pawh a video thlalak te ka enpui a, mak khawpin a lo chhia a, a bang te hi a awng siar-suar mai a. Kha kha report a lo lut lo nge, min sak sak tur zingah khan a tel ve ta si lova, min lo hriat sak se ka duh khawp mai.

Tin, South Tuipui bial khi bial bakbahai ve deuh khi a ni a. Darzo lam te, South Vanlaiphai, Muallianpui, South Lungleng, khi'ng lai Lungpuitlang te, Sangau thleng pawh sown pawl 10 an han chhuak a, an kal zawm ta reng reng lo mai a. Kal zawmna tur institution sang zawk kha a awm tawh loh vangin, chuvang chuan kum engemaw zah kalta ah khan Higher Secondary School kha South Vanlaiphai-ah kan han din ve ta tawp mai a, students pawh kan ngah a, a feeder school-te a lo tha a, khi ti khian a khawtualte nena tangkawpin theihtawp kan chhuah a, kum tin ` 1 lakh zirtirtu hlawh-ah ka thawh a, chutiang chuan kan tlan ve tang tang a ni. Hei hi Minister zahawm takin min lo hriat sak sela. Kan mamawh a ni, kan awh vang ni lovin kan mamawh vanga din a ni a, khilai chho khian kan mamawh em avangin. Min lo chhinchhiah sak se, engemaw tih theih dan te a awm phei chuan lump-sum status-ah te emaw min dah chhoh sak hret hret theih chuan a lawmawm hle-in ka ring a ni.

Tin, helaia pawi ka tih deuh mai chu, kan record-a a lan dan chuan, Primary School enrollment kan en hian a tam hle mai a. Mahse a dawt leh chiah Middle School-ah hian kan tlahniam ta em em mai a, chuta tang chuan High School-ah pawh hian kan tlahniam leh hle a ni. Chuta tang chuan Higher Secondary School-ah pawh enrollment hi a tlahniam nasa a ni. Hei hian a entir chu, engatinge heti zah zah dropped-out hi an awm zel mai le tih hian thinlung a khawih hle mai a. Helai hi kan statistic atanga a lan dan chuan ngaihmawh tham fe niin ka hria.

Pu Dy. Speaker, demand no.40, Commerce leh Industries hi tawite-a sawi ka duh a. Tunah chuan Act East Policy kan ti tawh a, hemi hmang hian Commerce lam pawhin nasa takin hma an la in ka hria, border-trade lam ah pawh nasa takin hma an la a. Myanmar border leh khawthlang lamah pawh nasa takin hma an la a. Keini Assembly Committee pawh kan zuk kal a, Kaptai Dam-ah te kalin Karnaphuli tawp thleng kan rawn zawh a, kan en ve nasa mai a. Heng te hi kan nghakhlel hle a, an hmalakna hi tha in

ka hria. Ka sawi tam hman lova. Khilaia Thingsai border-trade pawh khi min thar-thawh sak leh dawn niin ka hria a, kan House Leader zahawm takin a lo tih chhoh leh amah ngei in a hawn a nih avangin kan hotute pawhin an ngai pawimawh a, ka lawm hle a ni.

Tin, Industry lama tawitea sawi ka duh chu, 2015-16 a unit in register zat hi a tlem ta lutuk a, 169 chauh a ni, hemi statistics Social Survey atanga a lan dan ah chuan. Chu chu 2007-2008 kan chhut kha chuan 594 a ni si a, Industry hi tihian kan tlahniam a ni. Kan unit neih te chu heti hian a tlahniam zel tihna a ni a, a pawi khawp mai a, hei hi enge a chhan ni ang aw tiin ka ngaituah a. Engemaw incentive vanga din a tam vang nge ni ang a, heng industry te hi sick-unit a tam lutuk a, an tlu chhe ta zel tih lai kha ka rilru-ah a awm deuh a. Tin, industry kan han din tawp a, loan kan han puk a, a pawimawh hmasa chu thinlung buatsaih hmasak (capacity building) hi a ni zawk a ni. Chumi ti hmasa lova keimahni remhriat emaw, chak zawng emaw, a nih loh pawhin loan kan hmuh theih nana tih mai mai ang te hi a tam ta em em mai a. Hetiang ni lovin, kan rilru lam atanga kan kalna tur duan hmasak ni fo sela, chu chuan hlawhtlinna min pek ka ring a ni.

Handloom & Handicraft chungchangah hi chuan hma kan sawn chho zel a, nichinah kan hotute'n an sawi tawh a. Fruits Processing Industry tlem sawi ka duh a. Niminah kan ngaithla tawh a, horticulture lam atanga kan tharchhuahte a tam a ni. Khang tam ta em em te kha a puma kan hrалh mai bakah khan eng eng emaw process ngai a tamin ka ring. Khalamah khan industry lamah hian hma la an awm em aw? An la lo a nih chuan lakna tham a tlingin ka hria, quintal sang tel a ni tawh hlawm a. Tin, kan process a pawimawh ber chu Mizo ka-a tui a pawimawh in ka hria. Kan market hi Mizo a ni phawt tur a ni. Mizo tui tih zawng leh duh dan zawka kan siam chuan awmzia a awm vat thin. Mahse Mizote'n zir tur kan neih chu, kan han lun deuhhlek a thil kan ti dal fova, kan thil siam quality a zuih ta mai thin hi a pawi a ni. Hotel Industry-ah te pawh hian a ni a, mi an lun deuhhlek a, kan leih purh purh a, a tawpah chuan kan pan duh ta lo thin a ni. Hetiang hi kan kal dan a ni a, Mizo ngei ei duh zawnga kan siam a, kan market hmasa a nih kha chuan border lam kan melh ve theih a rinawm a ni. Vawiina kan zirtur pawimawh ber chu quality taka kan thil siam chhuah te hi helai ram chhung amite ei duh leh hman duh hi kan target tur chu a ni in ka hria.

Tin, Geology & Mineral Resources -ah hian chhiahte pawh an hmu tha angreng viau va, mahse survey record-a a lan dan ah chuan permanent Checkgate hi pahnih chauh nei anga a rawn lang hi mak ka ti khawp mai, hetiang chauh an nei a nih chuan heti zat revenue an chhung lut thei kha. Anni hi ngaiantuah deuh ngai tak a ni a, balu te, rawra te leh thil dang atanga chhiah la reng an ni a. Tunah pawh hian registered ti an tam khawp a, district tinah awm thei phei se chuan district tinah helam panga sumdawngte an kilkawi thei ang a, nasa takin revenue pawh an chhun tam theih ka ring.

Sericulture- hian survey report atanga a lan dan chuan mulberry plantation hi acre 500-ah hma an la mek niin a lang a. Tin, Muga lamah hian nasa takin hma lak an tum a, nikum kum tawp lam atang khan hma an la a ni tih a hriat a ni. Amaherawhchu, Muga pangang khawina pakhat lar ve em em ka tlawh chu ka beisei ang a ni lo a ni. Silk pangang an khawina hmun mai bakah Muga an chinna hmun te, an tahna hmun te chik deuhvin kan en ve a, ka lo hriat lar dan ang nen chuan ka hmuh kha chu hniam tak a ni. Chuvangin kan tih tur hi chu rinawm takin tih tak takna nun nen chhungril ah a takna hi awm thei se chuan a lawmawm hle ang. Chuvangin tuna Muga lama nasa taka hma an la tur hi Sericulture department pawh ka lawmpui takzet a ni.

Demand no.35-na ah hian fish farmers hi record-a a lan dan ah hian chhungkaw 14200 lai mai kan lo nei tawh a, a lo tam tawh khawp a ni. Mizoram min chawm thei dawn tawhin ka ring a, phailam ami lakluh loh hlan hi a nghahhleh awm em em a ni. Keimahni sum keimahni ah kan circulate theih hun hi a nghahhlehawm hle a ni. Fish farm an tihna hi hectares 5000 lai a ni a, kan production hi a tam khawp mai a, 6800 metric tones a ni a, quintal zawng phei chuan quintal 68000 a ni, kan thar chhuak tam tawh hle a ni. Kan khawina hi hectares 4850- ah kan khawi mek a ni. Huan kal nawm nan mai maia ti lova tihtak zeta kan tih chuan kan inchawm zo thuai in ka ring. Tin, lui atanga kan man pawh a lo tam khawp mai a, kan lui tuiah pawh hian sangha hi an lo thangduang in an, lo tha hle a ni.

A tawp berah chuan Fisheries department hi potential area lamah hian tlan tam sela. Mizoramah hian sangha khawi remna awm ang chi awm lohna a

tam a ni, a awm lohna hmunah te pawh hian tanpuina pawh kan dawng ve thin a, amaherawhchu a pawimawh ber zawk chu commercialize theih dan tur hi ngaihtuah ni sela. Tichuan a potential area lamah hian hma la ngut ngut zawk sela chu chuan Mizoram economy hi a ti tha ang tih ka ring.

Tin, Serlui tuikhuah te kan zu kal a, lawng-ah te kan chuang a, kan han en a, kan tharchhuah hmasa leh a dawt chiaha kan thar chhuah tlahniam ta lutuk kha chu a pawi ka ti a ni. Kan Minister pahnih te demand hi ka thlawp e. Ka lawm e.

DEPUTY SPEAKER : Tunah chuan kan chawlha lo hun ta a kan chawl anga dar 2 - ah kan thukhawm leh dawn nia.

2:00 P.M

DEPUTY SPEAKER : Kan sawihona kan chhunzawm leh ang a, chawhma lam khan mi 6 in kan sawi hman a, hun pawh kha in pel hret hret theuh a, chawhnu lam chu tlema kan strick deuh loh chuan kan tlai lutuk palh ang e. Pu K. Lalrinthanga.

Pu K. LALRINTHANGA : Pu Deputy Speaker, vawiin kan Minister te pahnih demand kan sawiho turah hian sawi tur eng emaw zat nei ve in ka in hria a, a hmasa berah chuan ka bial chhung North Chawnpui ah khian Middle School zirtirtu hi kan nei tha hleithei lova, hei hi House ah ngei han tarlan ve tha in ka hria a, Middle School carpenter Headmaster-ah an hmang a ni. SSA Teacher 2 an awm a, Hindi Teacher 2 an awm bawk a, Hindi Teacher te khan class dangah Hindi nilo te kha an la ve a, tun dinhmunah heti hi a ni bawk si a, tumah kan department leh kan Minister te hian min pek belh theih si lova, keima bial zirtirtu atangin remchang zawngin, DPC hnen atangin, North Chhimluanga SSA teacher 1 min sawn thlak sak mai teh u titi in, tunah hian SSA teacher 2 an awm a, chu zawng chu kan dinhmun a ni a. Hei hi 2008 kan bial hlim atanga an position kha a ni a. Tunah chuan in ngaihtuah sak a hun ve tawh riau in ka hria a, Pathian zarah kum 10 dawn a lo ni chho ve ta mai a, 2017 kan kai chho tawh a, hei hi chu min ngaihtuah sak ve tawh turin ka han ngen a, a hmasa berah ka rawn tarlang a ni. A pawimawh em avangin.

Headmaster chungchangah 50% departmental exam ruahmannan siam hi lawmawm ka ti a, hmun hrang hrangah Headmaster nei theilo in kan awm a, tuna North Chawnpui kan tih ang te leh khaw dang hrang hrang sawi vek sen pawh ani lova, hei hian

Mizoram puma Headmaster nei hleitheilo ho tan neih theihna tur chance tha tak a rawn siam in ka hria a. Miin kum rei tak, mahni khua ah te, mahni khua ang hrimalo ngaih tawh ah te zirtirtu hna thawk in an senior tawh avangin Headmaster nih theihna chance an nei a, Headmaster-a an kai chuan post ruak ah dah a lo ngai a, post ruak dahna tur kha an lo awm rei tawhna hmun te a lo ni si lova, chutiang vang chuan kal an lo hreh a, Headmaster-a appoint te an decline leh mai thin a, Headmaster nei hleitheilovin kan lo awm thin a, 50% promotion service reilo pawh kum 5 service tawh an nih a, chance a awm chuan zirtirtu thiam deuh, naupang deuh ten an la awm reilohna hmunah te pawh awm rei duhna thinlung nei theiin an awm dawn niin ka hria, a lawmawm ka ti tak zet zet a ni.

Vairengte-ah khuan Higher Secondary School private in din ve a ni a, kan bial khu ka bial hlim atang khan Government institution hi a lo tlem riau mai a, Vairengte mipui singkhat dawn lai awm tawhna ah pawh Higher Secondary School pawh a lo awm miah lova, ka han bial tak hnu khan mi tlwmngai ten private-in an din a, chu chu nu leh pa te thawhkhawm leh NREGA atanga inhlawhna mipui in a hlawh lak tur intiamna atanga an thawhkhawm hmangin zirtirtu te rawih a ni mai a, chuvang chuan sorkar atangin tanpui hi an ngai hle a, tun dinhmunah hian deficit status grant-in-aid te hi mi pek sak ve thei sela, Vairengte khawpui kan inti ve mai a, khumi tan pawh zirnalamah hma kan sawn ve theih ka ring a, chu chu ka han tarlang hmasa leh duh a.

Zirtirtu hi tuna ka han sawi ang khan thingtlangah kan nei tha hleitheilo a ni. Khawpui atangin a thiam thiam advertisement chhuahin an rawn exam a, a thiam thiam an rawn lak te kha an awm tha peih si lova, aikal lak te an duh a, chhan hrang hrang avangin khawpui a awm leh dan tur kawng an rawn zawng thin a kan Minister zahawm takin bialtu thu lo chuan kan sawn dawnlo ti mahse sawn hi a ngai leh tlat thin ni ngei tur a ni a, an rawn rei hleitheilov. Chuvang chuan tihdan dang hi siam se la, kan Recruitment Rules te pawh hi tidanglam mai sela, thingtlanga zirtirtu kan neih that hleitheih lo na hmun atan hi chuan against the post ti in, a post liau liau atan advertisement hi chhuah ta sela, a khaw mi leh awm ng het thei tur tan te pawh han dil te pawh a chakawm ve deuh ang a, chutichuan thingtlanga zirtirtu nei mumal lo ho, a bik takin thingtlang bialtu ho, ruling party leh opposition party te pawh kan lawm deuh in ka ring a, tiang khan kal ta se a lawmawm ngawt in ka ring.

Education a ka sawi leh duh chu, tunhma chuan Craft Teacher te hian an zirtir tak tak thin a, keini te pawh hi pawl thum kan nih atangin thumbawh kaihsawih kho hi kan tah tawh a nia, Ar bawm te kan tah a, Bawmrang te pawh kan tah a, Middle School ah te pawh hnang khawih te kan zir a, chung atang chuan kan puitlin hma in kan thiam em em a ni. High School ah te pawh carpentry kan zir a, Randa te, Ara te. Kunia te, Thirkhen te hman dan kan thiam a. Tin, khang hmang a thilsiam mam dan te Craft Teacher in min zirtir a. Chu chu a tangkai em em mai a ni. Tun hunah hian eng emaw hunlai 1980 bawr vel atang khan niin ka hria hmeichhia pawh, mipa pawh craft lama Craft teacher in an zirtirna lamah hian duhthu hi a sam ta lo riau in ka hria a. Thenkhat te phei chu a lei nahl thei thei, romawl phiar a ni emaw, thuttleng siam a ni emaw, a lei nahl thei thei a te khan mark an hmu sang chho a. Tun hnuah phei chuan zirtir mumal hi a awm ta lem lo niin ka hria a, pawi ka ti hle a. Naupan lai atangin sikulah craft lampang an lo zir chuan sikulah thiamna sang tak takah kal chho lo mahsela an lo puitlin hunah mahni eizawnna atan tangkai takin an hmang thei dawn a ni tih hi kan sawiduh a ni.

Handloom lamah hian kan hlawhtling viau tawh a. Puanthui lamah pawh kan hlawhtling viau tawh a. Tin, Carpentry lamah pawh mithiam tak tak chu an awm tawh a. Thil dang ka han sawi leh duh chu Tinsmith tih te, Mobile siam te, Radio siam te, Automobile-ah te, thir tuai zirna lampangah te hian hma kan lak a tha in ka hria a, Commerce & Industry-ah hian. Hetiangah hian hma kan lak loh chuan Blacksmith kan tih ho te hian hmasawnna tak tak hi awm dawn lovin ka hria, Bazaar-ah khawchhak chem, pan te te, hriam tha tak tak, thir chhe te te lei tur tam tak a awm a. Hengte hi an tuai thiam vang a ni mai a. Awlsam takin a tah hriam theih a. Sa a duh a, chawhmeh a duh a. Khatiang tuai te leh thil dang Radio chhungah hmanrua chi hrang hrang te a awm a, khang hmanrua siam dan te kha eng hmanrua atangin nge an siam tih te hi inzirtir dan kawng hi awm ta sela tha in ka hria a. Thil dang tam tak sawitur a awm a, Amaherawhchu ka hun a lo tawp deuh bawk si a. Khatiang te kha ka han tarlang ve a. Chutih rual chuan Minister te pahnih School Education te, Fisheries Department leh a dang te an demand kha pass turin ka rawn pawmpui a ni e, ka lawm e.

DEPUTY SPEAKER : Er.Lalrinawma a phar hmasa a, a dawtah Pu K.Sangthuama.

Er.LALRINAWMA : Pu Dy.Speaker, ka lawm e. Vawiinah hian Minister zahawm tak Pu H.Rohluna leh Pu B.D.Chakma demand te kan sawi leh dawn a ni a. A hmasa in demand no. 20-na, School Education hi sawi hmasa ila a tha in ka hria a. Kuminah hian vaibelchhe 213 velin nikum aiin a pung niin ka hria a, a lawmawm hle in ka hria a ni. A hmasa bera ka sawi duh chu text book chungchang hi. Nikum lamah khan kan bial chhungah te pawh khan Mizo Medium Private School a awm ve a. Heng hian zirlai bu lamah hian harsatna kan tawk a. A chhan chu session question-ah pawh nikum lamah ka zawt tawh a. ‘Bazaar-ah tih tam a ngai a nih chu’ ti khan min chhang deuh mai a. Kha kha a nih ngawt lohna dan kha a awm a. SSA lam ten tangkai takin free text book te an han pe a. Amaherawhchu a chhutna lamah hian a semtu tur te hian anmahni mamawh chin kha an va order mai niin a lang a ni. Tahchuan, helaia an sem ve loh sikul te tan khan bazaar lamah a lo harsa ta a. Chuvang chuan helai hi chu nikum lamah pawh kan bial chhunga school pakhat phei chuan zirlai bu a nei mumal lova. Khawi khawi ami emaw kan ti kual vel a, eng emaw ti in a tawpah chuan an nei thei ta hram a ni a. Engpawnise, khatiang kha thleng nawn tawh lo se tih ka duh khawp mai.

Tunah phei chuan SCERT lamah te han kal in ngenna te kan siam a. Tichuan ruahmannna te kan siam ta ringawt a ni. Khatianga ruahmannna siam ve lo school dang tam tak, (Kohhran school te pawh a ni ang) an awm ngei awm si a, an tan a buaithlak ngawt in ka ring. Chuvangin hemi text book policy hi chu ennawn tha in ka hria a. Keimahni sem tur chauh kan chhut tir a nih ngawt kha chuan a chhututen bazaar-ah miin an mamawh dawn leh dawn loh tih ngaihtuahloa lo chhut lawk ringawt kha an lo hreh ve deuh ni pawh in a lang a. Chuvangin helai kar vel hi chu kan Minister zahawm tak te hian an hrechiang zawkin ka ring a, a chhung thu lam chu, engpawnise, kan tawrhna lai zawk chu an sem dawng ve lo te hian heng zirlaibu ho hi bazaar-ah kan hmu tha lem lo a ni tih kha ka sawi duh a. A lei duh tan pawh bazaar-a a lo awm ngei ngei theihna tur atan, an sem loh te pawhin an lo lei ve theih nan kha ruahmannna kha min lo siam sak se tha in ka hria a ni.

Tin, zirtirtu transfer chungchang hi sawi ka duh a. Ka hmaa member te sawi ang khan ‘bialtu MLA thu lo chuan’ an han ti a. A nihna takah chuan an duh chin hi an transfer a, an duh loh chin deuh hi min rawn rawn em ni chu aw ka ti a. Keinim hmaisen pu in kan lo bei ve a, a leh lamah an lo put chhuak leh tho thin bawk si a. Kan

hlawhchhuah hi chu huat te, ngei te pawh hi a nih ka ring deuh rum rum thin a. Lawm taka kan in chhuah emaw kan tih chhung pawh hian a chang chuan kan hnung lamah hian an vui ve awm mang e aw te ka ti thin. Chulai karah chuan kan tih chuan ti tlang law law ila, kan ti thei dawn lo law law a nih chuan chiang takin sawi law law mai ila tha in ka hria.

Kan bial chhungah Tlunghuah High School khi transfer chungchangah example-ah sawi ta ila. Tunah khian a then an lo pension a, a then an lo transfer a, a then tuna CSS-ah an lo buai a. High School-ah khian zirtirtu hi pali tawn tawn chauh kan awm tawh a. Naupang za tha dawn lam an lo ni a, kan buai khawp mai a, khatiang chi te kha alo ni a. Thingtlang bialtu lam kan buai khawp mai, zirtirtu transfer chungchangah hian. Engpawhnise, Transfer & Posting Rules felfai zawk te pawh hi kan neih a va tha em ve le! Heti ringawt hi chuan thil hi a buaithlak deuh a nih hi. Tin, kan Minister zahawm tak tak te pawh hmaizah tur, mahni thawhpui te pawh a ni ang, khawi atangin emaw ngaih pawimawh te pawh a awm ang a, han in dan reng te pawh a harsa ang a. Chuvang chuan Transfer & Posting Rules felfai zawk hi chu kan neih a tha mai em aw ka ti a.

Thingtlang lam te phei chu a khua te a lo kil deuh phei chuan Aizawl-a a thiam thiam kan tih te pawh hian emaw, hmunpui lam ami te hian hna an han hmuh a an han thawh dawn tak tak hi chuan a lo hrehawm deuh pawh a ni mahna le, mahni post a awm ta mumal lo hi hriat tur a awm ta fo mai a. Hmannia kan bial khaw pakhat kan zinna phei chu pa ho in min lo kawm a. Pa pakhat phei chuan, ‘E, Pu Rinawm, kan khaw tan hi chuan khaw dang BA ai hian P/S-ah na na na chuan kan khaw Matric kan duh zawk,’ an lo ti a ni. Chuvang chuan, khaw dang BA kha tha viau mahse an awm hleihtheih chuan si loh chuan an khaw Matric kha an lo duh fe zawk a ni tih te kha min lo hrilh a. An thiamnaah kha chuan a sang zawk kha chu an duh; amaherawhchu anmahni ber an awm that hleihtheih si loh chuan a buaithlak ve em em a ni. Chuvangin, helai hi chu zirtirtu engtinne an post-ah an awm duh ang ? Eng damdawi nge kan chawh ang tih lai kha chu Pu Dy.Speaker, kan Minister fel tak tak ten ruahmanna siam thei turah ngai ta ila. Engpawhnise, harsatna kha thingtlang bialtu zawng zawngin kan tawh a ni tih kha vawiinh hian ka sawi duh a ni.

Tin, Higher Secondary chungchang hi ka sawi duh a. Kan bial chhungah khian Tlunghel-ah te, Baktawng Tlangnuam-ah te, Chhiahtlang-ah te mipuiin kan han din a ni a, an hah tak tak khawp mai a. A leh lamah MLA fund te pawhin han inpuih hleihtheih tak tak pawh a ni lo a, pekna tur alo tam a. Sorkar atang hian engtin emaw ruahmanna eng emaw chu awm thei se a tha awm mang e aw tih kha ka hma ami ten an sawi ang tho khan kan sawi ve duh a. A chhan chu khua in 200/300/400/700 angah te chuan mihring kan lo tam chho tawh a, khaw pawn lama zirna sang zawka kal theilo te kan lo tam a. Higher Secondary School mahni khuaa han din ve mai te kha a lo tih theih kha chuan naupang tan a lo chhen fakawm si a tiang khan kan lo din chho nawk nawk a ni a. Kan hotuten min lo enpui se, a harsa viau a nih pawhin ruahmanna eng emaw kawng zawng tal a awm theih chuan tih kha vawiin ah ka'n sawi duh a.

Tin, IVth grade chungchang hi Middle School vel bawrah hian kan buai khawp mai a, midang pawh an nih ve tho ka ring a. Hei hi an han thih emaw, vanduaina an han tawh emaw hian lak belh a awm ta lem lo nge ni? School tam takah phei chuan naupang ten kawngkhar an hawngin an kah emaw tih tur khawp te pawhin thil a kal mek a. Heng IVth grade chungchang te pawh hi min lo enpui thei sela post awm ang ang te hi chu dahkhah dan kawng zawn theih se a lawmawm hle ang a, kan buaina ah hian bialtu dang MLA te pawh an buai ve tho in ka ring. Chuvangin IVth Grade chungchang te pawh hi ruahmanna a awm theih chuan a lawmawm khawp ang tih ka sawi duh a ni.

Tin, School Education-a ka'n sawi tawpna ber chu naupang zingah hian zonun ze mawi kan tih, aia upa zah kan zirtir hi a tha awm mang e aw ka ti a. Tun aia uar leh zual zawka naupang te hnenah aia upa zah te leh kan zonun ze mawi kha tuh dan hi awm se a tha khawpin ka hria. Naupang atanga kan tan loh chuan lehkha thiam tak tak si, amaherawhchu aia upa zahna nei lo te kha kan chherchhuak rum ang tih kha Pu Deputy Speaker, a hlauhawm in ka hria a. Chuvangin heliah hian ruahmanna a awm thei em aw! A nih loh leh campaign ang zawng nge helai hi chu kan zirtirtute hnenah pawh uar lehzuala kan inchah theih chuan a lawmawm khawp ang.

Tin, Industry chungchang hi tlem sawi ka'n duh a . Industry hi a pawimawh a, a leh lamah chuan Mizoram-ah hian raw material te duh anga tha a awm loh avangin than that pawh chu a harsa ang. Amaherawhchu theih ang angin hma kan la ve reng a, hengte pawh hi lawmawm ka ti a. Chutih rual rual chuan mahni bial sawi ve zel ila Baktawng Tlangnuam-ah te khian kawngkhar frame leh furniture te hi kan siam nasa em em a; a ropui lai ber thinlunga siam duhna leh hlawhtlin duhna thinlung kan nei tawh a, a material min pek phawt a han tih changtlun deuh kha chuan thil siam nghal mai thei kha kan ni a ni. Chuvang chuan a ropui ber lai rilru a siam chhuah duhna, hlawhtlin duh na, taihmakna leh theihpatawp chhuahna kha kan rilru ah a awm tawh a. Tin, electric chungchangah te pawh duh anga kham khawp kan hmu thei lova, khingte pawh khi engemawti taka ruahmanna te a awm theih chuan a lawmawm hle ang. Vawiin ah electriict lam va concern chiah lo mahse industry khan a ken tel tho avangin ka'n sawi ve hrim hrim a ni.

Demand no. 35-na Fisheries ka'n sawi ang a, Fisheries hi a pawimawh a, kan hlawhtlinna te kan ngaithla a. Chutih rual chuan sangha chi kan sem dan hi hetia tawngpawng sem lo deuh hian a dawng tur chin hi bithliah deuh te pawh a tha lo maw aw tih te pawh rilru ah a awm deuh a. A chhan chu a thlawnna kan sem te phei chuan a lo tui angreng si a, khawi lem loh pawha kan ro atan tal pawh khan dawn ve mai te pawh kha awl tak tur a ni a. Heng hi bithliah kan siam a that khawp ka ring (Deputy Speaker : Minute 1 ila nei) A rei tawh lo ang Pu Deputy Speaker. Kumtin sangha chi kan sem a, sem zawh tak tak kha a awm thei si lo a, tihian kumtin kan sem a ni ringawt mai a. Ruahmanna tha deuh leh engemaw felfai deuh taka kan kalpui chu a tha awm mang e aw tih ka ngaihtuah a. Tin, sangha chi te kha chhiar a har bawk si a, han teh tak tak ta ila chu a zat te pawh hi a dik ang em tih te hi ngaihtuah tham a ni. Tun aia felfai zawka kalpui thiam dan hi zawng ta ila a tha awm mang e tih ka rilruah a awm a.

Demand no. 41-na Sericulture hi tlem te han sawi ka duh a. Pangang khawi hi a tha in a ropui a, amaherawhchu buai hi a na lutuk a. Keini Mizo te hi kan society hi a danglam a, chhiat that/ khawharina kal leh thil dang kan

ngah bawk si nen hian pangang khawi hlawhtlin theih na tur atan chuan kan society nen a inher rem theih dan tur ruahmanna kan siam chhuah thiam hi a tul awm mang e ka ti a. Inthenawm khawvenna thil ah leh thil dang tam takah vahchhuahna kan ngah a. Tin, a tlangpui thu ah pangang khawi hi ram lamah te a lo ni a, a buai nat dan hi chu nasa tak a ni. Chuvang chuan helai hi kan Minister zahawm tak te pawhin kan society nen pangang khawi eizawnna hi a inrem dan tur leihlawn dawh chhuah thiam phawt kha a tul awm mang e, hlawhtlinna tak tak tur chuan tih kha Pu Deputy Speaker, ka sawi theih tawk ni teh se. He demand hi ka thlawp e.

Tin, a tawpna atan tak tak Fisheries hi nikum ai hian cheng nuai 24,10000 in kan tih tlem sak a, a pawisa ziaawm ber kum awm taka kan pe tlem tlat mai hi, Sangha lam ah hi chuan than a kin ta deuh kan ti nge ni tih kha ka'n sawi a ni e.

DEPUTY SPEAKER : Hun i hmang thiam khawp mai. Pu K. Sangthuama.

Pu K. SANGTHUAMA : Pu Deputy Speaker, ka lawm e. Minister zahawm tak tak pahnih te demand vawiinah hian kan sawi dawn a ni a. demand no. 41-na Sericulture kha han sawi ta ila, Sericulture hi Mizoram tan thil tha niin hman atang khan ka hria a, vawiin thleng pawh hian a thatna hlir hi niin ka hria. Mahse Mizoram-ah hian Sericulture chungchangah hian (kan sorkar lai khan Sericulture kha ka chanpual a ni a,) theihtawp kan chhuah a, mahse khatah pawh khan theihtawp kan la chhuah zo lo in ka hria a. Tunah pawh hian ka ngaihdan chuan theihtawp kan la chhuah zo lo deuh emaw ni chu ka ti tho a ni. Sericulture hi eizawnna atana tling a ni a. Hausak thathutna atan erawh chuan a tih theih mai lem loh, ei hmuhna chu a ni tih hi vawiin ah hian ka'n sawi duh a. Chuvangin kan Minister zahawm tak hian Sericulture hi theihtawp chhuahin bei sela, kuthnathawka eizawng mite tan eizawnna tha tak a ni tih hi tun aia nasa hian zirtir sela. Tichuan hetah hian chhungkaw engemawzatin eizawnnan an rawn hman theih chuan a market awm sa a ni a. Market awm mang lo sorkar hnena 'market mi zawnpui rawh u, hrakh a ngai a, a man, a rate chutiang khatiang,' in tih ngai ah pawh kan rilru zawng zawng kan pek theih si chuan engatinge Pu

Deputy Speaker, hetiang a market zawn ngai reng reng lo, hrалh theih mai si ah hian kan rilru kan pek theih loh le aw ka ti a. Hetah hian rilru pe thei zawk turin kan Minister zahawm tak hian tan lo la se, tichuan hmasawnna thui tak kan hmu thei ang tih hi ka ring a ni.

Demand no. 35-na Fisheries hi ni e, a chi hi sem reng a ngai mai a, a buaithlak angreng viau mai a. Chuvangin hei pawh hi intodelh ve mai thei kan ni a, kan rilru ah hian tih tak takna thinlung hi Mizopa hian peih ila chuan engah pawh hian intodelh theih a ni. Chuvangin kan ngaihtuahna tak tak hi kan hmang lo deuh emaw ni chu aw tih theih niin ka hria a. Fisheries te pawh hi sorkarin a tanpui a, pawisa tam tak tak a pe a, a khuahna a pe a, a khuahna a pek bakah a chi a sem leh a, kha pawh tipuitling tha thei lo mi tam tak kan awm a. Chuvangin Fisheries department-ah pawh hian nasa taka tan lak a ngai leh zualin ka hria a. Kilometer sang tam tak tel ami sangha rin ngawt mai hi chu Mizo hian ni lo turah ka'n ngai a. Chuvangin a khuah theihna lai khawthlang hmar lam area-ah hi chuan keini Mizoram chawm thei khawp hi chu a thar theih in ka hria a. Chuvangin kan Minister hian nasa zawkin tan lo la leh se, helaiah hian intodelh hram hram theihna turin kawng lo zawng zel turin vawiin hian ka'n chah duh a ni.

Tin, demand 20 – na School Education chungchangah khan kal leh ta ila. School-ah hian tun hma ngaihtuah chuan hma chu kan sawn chho zel a. Thui takin hma kan sawn tih chu kan hre theuh ang a, keini naupan lai ngaihtuah phei chuan hma kan sawn em em a. Amaherawhchu vawiin thlenga hmasawn theih lohna, harsatna kan nei zel erawh hi chu kan zavaia inenchian hi chu a ngai hle in ka hria a.

Zirtirtu te hi High School-ah hian entirna pakhat chauh han sawi ta ila, Khawhai-ah hian zirlai 140 an awm a, regular teacher 4 an awm a, Hindi teacher 2 an awm a, naupang thla tin cheng 50 an thawh khawm tir a, chu chuan zirtirtu pakhat an ruai bawk a. High School kan kal ve lai in 1959 chho vel ah pawh heti em em hi chuan zirtiru kan nei tlem lo a ni. Kum 50 chuang a ni tawh bawk a, chutih hun lai ang reng maia zirtirtu ah hian tun kan la thleng chu thalo viau in ka hria. Chuvangin Education ah leh kan sawi fo Health-ah hian kan pawisa neih ang ang te hi bel tam ila, zirtirtu te la tam ila, doctor te la tam ila, nurse te la tam ila kan tih fo kha. Chuvangin Education-ah hian

zirtirtu an indaih theih deuh nan hetiang te phei chu Science teacher a lo ngai a, chhiarkawp zirtirtu a lo ngai a, khatiang diat diat a lo nih avang khan heng ah hian kan sorkar in thahnemngai takin ngaihtuahna tak tak hmang sela tih ka'n sawi leh duh a.

Tin, Higher Secondary School hi Mizoram-ah hian a tam thei lo a, kan hria a, sum harsatna avangin keini bial mihring singthum chuang hret awmna ah pawh khuan Higher Secondary School hi pakhat mah a awm lo a. Tunah khuan Sairang-ah private in an din ve a, chu pawh chu kan tanpui nasa hlei thei lo a. Higher Secondary hi ngun taka ngaihtuah turin sorkar hi ka'n ngen duh a. A chhan chu kan naupan lai atangin mi khuaa sikul va kal te, km li, nga, sarih, km sawm sawm a sikul va kal te chu alo hrehawm em em a. Tunah pawh hian Aizawl khawpui-ah chuan lirthei a awm a, a tih theih mai a, thingtlangah chuan a la tih theih loh a ni, kea km sarih kal na te a la awm, chutianga sikul nei kan ni a. Chuvangin helaiah hian ngaihtuahna tak tak hman ngaiin ka hria a, kan Education Minister zahawm tak pawh hi khatianga ngaihtuahna thui tak hmang turin vawiin ah hian kan chah leh duh a ni. Tin , Middle School te, Primary School te chu sawi tam ngaiin ka hrelo a, khawpui ah hi chuan zirtirtu kan ngah tlurh a, naupang 20 te, 30 te, entirnan Electric veng Middle School-ah te phei chuan naupang sawm hnii khat lek an awm a, zirtirtu erawh chu pali panga, sawm dawn lai an lo awm a, chutiang chi chu a tam mai a. Thingtlang-ah hian zirtirtu an indaih ta chuang lo a ni, hei hi ngun taka ngaihtuah a ngaiin ka hria a; vawiinah hian kan Minister zahawm tak hian min lo chhinchhiah sak se tha in kan ring a.

Industries demand no. 40 – na ah hian Pu Dy. Speaker, Mizoramin Industry ah hian hma kan sawn lo viau mai a, hei hi hmasawn theihna tura ngaihtuah a ngai, hma kan sawn lem lo a ni tih chauh kha ka sawi ang. Commerce lam pawh hi hma kan sawn chu a ngai, sumdawnna keimahni siam chhuah industry te engmah kan neilo a, mi siam sa kan lei a, mi siam sa bawk kan zuar leh mai a. A then ah in zuar to lutuk kan ti a. Hetiang hian kan in rel luai luai ringawt a, heng ah hian engtin nge kan mipuite, sumdawng mi te pawh hi kan zirtir ang, eng ang in nge kan kal ang tih chu kan sorkar hian a hre zawk in ka ring, ngun takin ngaihtuah sela tha in ka ring. (Dy. Speaker: minute khat) minute khat chauh maw, ka sawi zo hman ang chu maw! Pu Dy. Speaker, ka zawh hman loh leh minute khat chiah khawngaiha min pek kan ngen nghal bawk a ni.

CSS Hindi teacher chungchangah buaina NASA tak kan nei a, helai ah hian inhnial buai luai luai lo in, kan han tum zawk chu keini pawhin apawngataka sorkar va chawh buai emaw, eng emaw kha a ni lo a. Fa kan nei a, kan fa te chuan thil an dil a, kan tih sak thei lo deuh a nih pawhin kan tih sak theih dan tluangtlam taka kan sawi hi chuan an lungawi ve mai a. Tunah pawh hian Hindi teacher te pawh hi tlautling deuh taka tih a, sorkar in a tih theih chin tawk a ni e, central sorkarin hetiang hi a tih theih chin a ni a, keinin kan tih theih chin a ni a tih chuan kan zirtirtu te pawh hi thui takin an convince theih ang, tih kha helai ah hian ka'n sawi duh bawk a.

Tin, Hindi teacher hi hmania MNF sorkar lai khan 491 an lo tih ngheh sak a. Tuna kan Congress sorkar-a OB teacher kan tih mai thin, Operation Blackboard a an lo dah 277 kha an tinghet hman lo a. Tichuan MNF sorkar-in a rawn tihngheh sak bawk a. Hetiang hian kan theih ang tawk te te in kal ta ila, vawikhata tih huk te phei chu thil namenlo a ni, tih theih pawh a ni lo a. Chuvangin hetiang hian sorkarin a tih theih tawk ang ti in kan rama hnathawktute an ni a. Hindi te chu central-in a uar a, a uar mai bakah Mizoram-ah Hindi kan thiam loh chuan Delhi-ah zu kal ila saptawng duh tawka kan thiam loh chuan tihngaihna hlawl a awm lo. Chuvangin helai ah hian Hindi teacher te kan mamawh em em avang hian hemi kawng ah hian kan Minister te leh kan House Leader pawh hi ngaihtuahna thuk zawk hmang a, hun kal zelah pawh nu leh pa a nihna leh sorkar hotu a nihna hria in Mizoram pumpuia nu leh pa a nihna hria khan kan Hindi teacher thil ngen te pawh hi eng anga kalpui tur nge, tlem tlem in a tih theih lawm ni ti in an khawngaihna hi show hram hram se tih ka'n ngen duh bawk a ni e. Pu Dy. Speaker, kha kha ka sawi theih tawk ni mai se, ka lawm e.

DY. SPEAKER : Pu Nihara a phar hmasa a, ilo sawm ang.

Pu NIHAR KANTI CHAKMA : Pu Dy. Speaker, vawiinah Minister pahnih te demand kan sawi mek a. A hmasa berin demand no. 20 - na School Education Department chungchanga ka sawi duh chu Pu Dy. Speaker, kan hriat theuh angin ka bial bik hi sawi ta ila, backward block a ni a. Minister hian chak takin hma chu a la reng a, a lawmawm a. Minister chungah leh Parliamentary Secretary chungah leh official te chungah pawh lawmthu ka sawi a ni. Kuminah pawh RMSA hnuai ah school thar min dah sak a, a lawmawm a, tunah hian zirtirtu an rawn dah te hi enfiah tur te pawhin an inbuatsaih mek a, chutih rualin Pu Deputy Speaker, ka sawi duh chu zirtirtu hi

advertisement an chhuah dan ah chuan a har em em a, local mi tan chuan chhan chi a nilo awm mang e tih hi kan ngaihdan a ni a.

Helaia a ziah danah chuan Graduate from any recognize university with B.Ed or its equivalent having at least five years teaching experience tih a ni a. Government school-ah emaw, deficit-ah, emaw grant-in-aid school-ah emaw a ti a. Hetiang hi a harsa khawp mai a. Engtinemaw relax theih dan a awm lo maw tih hi a windup-na ah Minister zahawm tak hian min hrilhfiah turin ka duh a, ka lawm khawp ang. Nikum ah pawh kan sawi nasa a ni. Zirtirtu chu a pawimawh a, a bikin a thiam thiam te hi a thatna lai a awm rualin thinglangah hian an awm duh tlat lova. Ka bial ah hian problem an nei nasa khawp mai a. Khatianga zirtirtu awm duhlo lak ringawt kha chu awmzia a awm lova, chuvangin education quality pawh a tlahniam nasat phah hle a ni.

Chutih rualin ka bial ah hian zirtirtu chungchangah hian problem chi hrang hrang a awm tlat mai a. A bik takin Primary School hi thuam that a ngai hle mai a. Zirtirtute pawh hi tih that a ngai hle a, single teacher te pawh Mizoram-ah hian an awm a ni. Ka bial hi single teacher tamna ber a ni a. School 15 aia tam hian single Primary Teacher an nei a, kha pawh kha sorkar school a ni a. Pu Deputy Speaker, helai ah hian kan sawi lan duh chu Bumangsuri Government Primary School ah chuan zirtirtu hi an awmlo a ni.

Amaherawhchu Minister zahawm tak hian min khawngaih avangin engtin tin emaw special min dah sak a, Special-a hlawh pawh a tam vak lova, ` 3,000 / 4,000 (sangthum, sangli) hlawhin an thawk a ni a. Zirtirtute pawh ` 3,000 (sangthum) hlawhin thlakhat ah ` 2,000 (sanghnih) pawh hmu ta se, a thinlung takin a thawk dawn chuang lo tih hriat sa a ni a. Hetiang a nih avang hian quality of education-ah hian kan tlahniam ta a ni. Hmun hrang hrangah a tam ber chu single teacher Primary School a ni a. Nichinah member zahawm tak tak ten an sawi tawh ang khan rules te siam theih dan a awm lawm ni ka ti a ni. Thenkhat phei chu lehkha an thiam viau a, gold medalist te pawh an ni awm e.

Tukin ah te pawh Minister-in correction a siamna ka hmu nual a, RMSA zirtirtu hi ka hmu nual a, a tha a, a lawmawm a. Kei chuan zirtirtu hna hi ka bialah te

hian awareness kan nei NASA a, zirtirtu hna hi Pathian hna a ni a, tha taka an thawh chuan malsawmna te pawh an dawng ngei ang tih ang zawng te pawhin ka zirtir thin a. Mahse chuti chung chuan kan hlawhtling thei lo a ni.

Chuvangin vawiinah hian Pu Deputy Speaker, nangmah kaltlang in school session thar hi kar leh atangin an tan dawn a, zirtirtu zawng zawng te hi a hmun ah ngei hian tha takin thawk se kan duh a ni. Chutilochuan hma kan sawn thei loveng. Kan hre vek a, education hi backbone of the society a ni a. Sorkar hi kawng hrang hranga hmasawn zel tur a ni a, chutiangin ka bialah pawh hma kan sawn a, a lawmawm em em a, local mi engemaw zat hi candidate kan nei ve tho a, a hma aiin ka bialah pawh zirna lampang ah hma kan sawn NASA em em a, B.Ed te pawh an awm nual a ni. Chuvangin RMSA zirtirtu pahnih, Tuichawng leh Diblibagh-ah zirtirtu lak tur hi khawngaih takin local candidate hi min tih tel thei se kan duh hle a ni.

Tin, Pu Deputy Speaker, examination centre chungchang hi nikum ah pawh kan sawi tawh a. Kumtin zirtirtu te hi an pung chho zel a. Ka bial pumpui ah exam centre pakhat chiah kan nei a, a feeder school chu Tlabung High School, Modern High School, Tiperaghat High School leh RMSA school hnuaih school pathum awm sa a ni bawk a. Tunah hian a thar pahnih an din leh dawn a. School tin ah pawh entirnan, student 50 tal hi exam zel ta ila, student 400 hi an exam dawn tihna a ni a.

Chuvangin centre pakhat ah chuan an leng dawn chuang lo hrim hrim a. Chuvangin harsatna NASA tak kan nei dawn a ni. Tin, Tlabung-ah entirnan, keini chu tuipui kama awm kan ni a, leihlawn pawh kan nei lova. Riahna tur in luah tur pawh a vang hle mai a. Chuvangin hemi sut kian nan leh education promote nan hian exam centre pakhat dah belh theih dan a awm lawm ni ? Tiperaghat-ah an dah duh loh pawhin Nunsuri-ah kan veng ah kan dah mai tur a ni, a hnai ber. Police station a awm bawk a, security pawh an nei tha a, school te pawh an nei tha a, exam centre chu dah theih hram dan a awm lawm ni tih ka han ngen duh a.

Chutih rualin culture education chungchang ah ka sawi duh chu 2007 ah ka hriat sual loh chuan MNF sorkar lai khan a hawnni ah pawh Minister zahawm tak khan session ah te pawh an sawi chhuak a. A lawmawm rualin a inauguration ni ah pawh min sawm miah lova a pawi ka ti hle mai a, chungte chu kan sawi a ni e.

Dr. K.BEICHHUA : Commerce & Industries Department demand no. PMEGP kan thlan dan hi a fuh ber emaw aw tihna ka nei thin a. Trade pakhat kan thlan hi, a trade-a pawisa kan pek tur ang hi beneficiaries an tam zawk theih nan thendarh te pawh a awm thin a ni. Party induhsakna te chu a awm lo theilo, Oppsition kan nih chuan ruling va thik va thik chi ah pawh kan in ngai hran lemlo. Chutih rual chuan a tua pawhin lo hmu ta se, dik tak leh tha taka an kal chhohpui a, ram tana chhenfakawma an siam hi a pawimawh hlein ka hria. Chuvang chuan a trade pakhat ang mi pahnih, pathum sem tir ang chi hi chu ti lo hram ila. Chubakah monitoring lam hi chhunzawm theih ni se a tha hle in ka hria a.

Tin, textile, handloom & handicrafts hi a pawimawh hlein ka hria, tun kan Zoram dinhmunah chuan hei hi most flourishing sector ti ila ka sawi sual ka ring lo. Act East Policy kan lo hmuahna tur atan pawh thil tangkai tak leh kan lo inpuahchahna tur pawimawh tak pakhat a niin ka hria a, tah hian hma kan lak a tul hlein ka hria Pu Dy. Speaker.

Food processing-ah hian tunlai modern and advance technology hmang ve a, keimahni eitur tal intodelh theia kan awm hi a va tul tak em, tih hi rilruah ka nei bawk a. Chulo ah chuan bamboo development agency kan tih hi mau rua kan ramah a tam nasa si a. Tu party pawhin tha kan ti a, hengah hian vawiin thlenga paper mill kan la neilo hi challenge atana kan neih a tul hlein ka hria a ni. Chulo ah furniture leh thil dang dangah hian mau hi a hman theih a India ramah hian kan ram anga mau/ tam hi a awm kherlo maithei a ni. Chuvang chuan mau atanga dehchhuah hi Industry department hian kan tih tur mak mawh a ni tih hi kan rilruah lian taka kan neih a, hma kan lak chhoh a, tupawhin sorkarna lo chang ta ila, ‘Nangni, keini,’ inti lova hetah hi chuan kan thawh ho hi a tul hlein ka hria a ni.

Demand no. 35-na Fisheries department han sawi ta ila Pu Dy. Speaker. Medical doctor pawh hian sangha khawi kan lo thiam viau a ni, damlo enkawl piah lamah hian thil dang thiam tam tak kan lo nei tih a lang hlein ka hria a, vawiinah kan Minister zahawm tak hnenah pawh lawmthu ka sawi bawk a. Fisheries Department hnuaiah hian NLUP te Fish Farmers Development Agency te, RKVY leh Welfare of Fishermen leh National Fisheries Development Board kan tih ang chi te atang hian hmalaikna tur tam tak a awm a. Tuna kan contribute 0.7% hi economy ah kan contribute a

ni, a ti tha thawkhat viauin ka hria a, lawmthu sawi tur chi a niin ka hria a ni. Chumi avang chuan kan district lamah pawh hma rawn lak chhoh zel ka beisei bawk a, kan ngen bawk a ni.

Pu Deputy Speaker tawite a ni tawh ang, demand no. 41, Sericulture. Medical doctor hian sangha khawi chauh nilovin pangang khawi pawh kan lo thiam viau alawm le tih hi ka hmuhchhuah veleh thil pakhat a ni a, a lawmawm hle a ni. Sericulture-ah hian Sericulture Development Project kan tih te, Intensive Bivoltine Sericultural Development kan tih ang project te, Integrated Muga Silk Development Project kan tih te, Rashtriya Krishi Vikas Yojana, RKVY atanga project kan neih ang chi te tam tak a awm a. Heng atanga hmalak tak tak kan ram anga suitable hi India ramah pawh hian a awm ka ring lova. Chuvang chuan hei hi kan ram min khaichhuak theitu tur a ni tih hria in tun aia chak zawka hmalakna hi kalpui theih ni se tih rawtna ka siam bawk a. Kan Minister zahawm tak hnenah chu chu ka thlen bawk a ni, chu chu ni mai se, hun ka hmang dik thawkhat viauin ka hria, Pu Deputy Speaker.

DEPUTY SPEAKER : I pel hret. Pu Chalrosanga a phar hmasa a, a dawtah Pu TT. Zothansanga.

Pu CHALROSANGA RALTE : Pu Deputy Speaker, ka lawm e. Kan Minister zahawm tak pahnih te demand sawina hun tawite han hman ve ka duh a. A hmasa berin demand a ni bawk a, keini hian bial tana demand hi kan nei ve nual a, chuvangin, demand ve deuh zung zung ila tha in ka hria.

Pu Deputy Speaker, Commerce & Industries Department demand no. 40-na ah hian han lut nghal ila. Kan Minister-te leh kan officer-te pawh ka dil zing tawh a, saw kan Secretary-te pawh a rawn nui a. Puantah khawl leh a banna khawl hi ka bial mai ni lo, Lunglei District ang pawhin kan mamawh em em a. A chhan leh avang chu Buarpui tlangdung Serte, Sertlangpui, Buarpui atang te sown, Thenzawlah hian eizawnna tha tak mai an nei a, chu chu puan tah a ni a, chutah chuan an pem deuh vek tawh mai a. Chung chhungkua te chu laklet leh hi kan duh tawh a ni. Chuvang chuan, khawngaihtakin kan Minister-te, kan Parliamentary Secretary-te hian Buarpui tlangdungah cluster min siamsak ve ula, training-na hmun tur nen ti laia Buarpui atanga Thenzawl-a pemte leh Sertlangpui atanga pem tawhte pawh an khua ah an rawn haw leh duh ka ring a,

khawngaihin he cluster hmun, training-na hmun hi min siamsak theih chuan ka lawm viau ang.

A pahnihna-ah chuan, kan hotute'n, kan Minister-te, kan Parliamentary Secretary-te hian hma an la chho mek tawh a. Kan puanchei, kan kawr design patent tur hian hma an la chho mek a, a lawmawm khawp mai a. Tunlai fashion world khawvelah chuan kan puanchei angte hi India mai ni lo sap ram ah te (DY. SPEAKER : Ngawi rawh aw, Chair kan han inthlak lawk ang. (**Pu LALRUATKIMA AT THE CHAIR :**) Sawi zawm rawh le.) fashion show na- ah te pawh an rawn phochhuak ve tawh a. Chuvangin, hemi kan patent-na kawngah hian chak takin hma hi han la zung zung se a va tha dawn em! Chuta tan chuan, a royalty angte pawh kha sorkar leh hnam angte pawhin kan dawng ve thei dawn a, a pawimawh ka ti khawp mai.

Industries bika ka'n han sawi leh duh chu, nikum Trade Fair-ah khan kan zuk inpho chhuak lehin ka hria a, khuta kal ho te pawh an rawn hlim khawp a. Kan Minister-te leh kan Parliamentary Secretary-te chungah pawh an lawm viauin ka hria a, khulaiah a hmunah te an zuk tlawh a. Kan neih lohna pawh hi a rei ve tawh khawp mai a. Tin, Emporium-te pawh nei tawh lo ang khan sawi a awm a. Hei hi hma chak taka kan lak leh hi a va han tha em aw, tih hi ka rilruah a awm a. A chhan chu Mizo puan, shawl leh thil chi hrang hrangte kan siam chhuak nasa ve tawh a. Delhi tlanga emporium kan neih lai kha chuan kan inpho chhuak ve thei a, a bik takin cane-te, bamboo cane leh mau atanga kan siamchhuah chi hrang hrang te. Kum kaltaa an zuk tel ang khan tel chhunzawm leh thei zel se chuan a va tha dawn em!

Tin, Demand no. 35 leh 41-na, Fisheries leh Sericulture-ah hian tawite sawi ka duh chu, kan Minister te hi an thawkrim hle in ka hria a. An hmalakna te hi Department te kan tihrualin an hmalakna hi a ropuiin a lawmawm ka ti a. Ka ngen duh chu, dil siamna hi min rawn pe chuak thin a, a lawmawm viau nachungin a amount tam deuh hi pek theih dan a awm lo maw tih hi Pu Chairman, ka rawn ngen duh bawk a ni. Sericulture-ah chuan kan hre vek a, silk kan uar em em tawh a. Mizoram-ah pawh hian Zozia Silk tih te an awm a. Tin, Tuikhuahtlang-ah Pi Zodini te niin ka hria silk-in puan an tah a, a mawi khawp. Ka zawh kualnaah chuan Mizoramin silk kan tharte pawh hi an lei ve thin a, chutah chuan subsidies rate-ten an lo pe a, a lawmawm khawp mai a. Hetianga kan entrepreneur-te an lo duhsak hi a lawmawm ka ti takzet a ni.

Pu Chairman, a tawp berah School Education hi ka sawi duh a. Kan bial Venghlun-ah sawn a khawtlangte nen sawiho in PS-I leh PS-II hi ‘amalgamate’ a ni tawh a. English Medium-in kan let dawn a, kan nghakhlel tawh khawp mai. Venghlun a khawtlang VC-te leh kan NGO hrang hrang ten theihtawp min chhuah pui a. Nichinah khan member zahawm tak Pu T. Sangkunga khan a rawn sawi chhuak a, hetianga amalgamate-a, English Medium-a kan let thei a nih phei chuan veng tinah pawh hian khawtlang pawh dil lovin, a ti a, a dik ka ti khawp mai. A petu kan ni a, a laksaktu pawh kan ni thei tho va, Sorkar emaw, department emaw ang in. Chuvang chuan a thenin a tlem zawnga kal te chu tih te pawh an ngaihtuah mai thei. (Chairman : 1 min i la nei aw) Pu Chairman, a rei tawh lovang. Chuvangin, quality education kan pe duh a nih chuan khatilai kha kan ngai pawimawh zawk tur a ni tih kha tawite in ka’n sawi duh a. Amalgamate chungchanga hma min lakpuinaah pawh kan hotute, kan Minister-te chungah lawmthu ka sawi tak meuh meuh a ni.

Tin, Maths leh Science teacher hi lak a ni dawn an ti a. ‘A ni dawn’ an tihna hi a rei tawh khawp mai a, kei phei chuan ka nghakhlel hle a ni, Pu Chairman. Hlawh ka lak apiang hian Science leh Mathematics teacher hi kan chawm a, thawn chhuah ve zel hi a ngai a, a uihawm ve duh khawp mai a. Chuvangin hemi kawngah hian a rang lamin Finance lam a ni emaw, khawilaiah emaw file-te a lo tang a nih chuan a rang lama nawrpui an ngai a nih chuan nawrpui mai ka duh deuh a. Engpawhnise, a hun a rawn thlen hun tur hi keini chuan kan nghakhlel hle a ni tih kha ka sawi theih ni mai se.

Pu Chairman, kan Minister zahawm tak pahnih te demand no. 20, 40, 35 leh 41-na hi pass pui turin ka rawn thlawp e. Ka lawm e.

CHAIRMAN : Pu T.T. Zothansanga i sawm ang.

Pu T.T. ZOTHANSANGA : Pu Chairman, ka lawm e. Chair-a awm i inhmeh riau mai a. A lehpekah hian sorkar pawh ni ila khata tan khan kan hual dawn che a ni. Demand no.20-na, School Education chungchang hi Pu Chairman, ka’n sawi hmasa ang a. Kan CSS, tuna nuar mekte hi rilruah an awm a. Kan sorkar hian theihtawp a lo chhuahpui reng em tih te ka’n zawt a, theihtawp chu an lo chhuah na meuh mai a. Kan Chief Minister pawhin Prime Minister-ah vawi 2 a lo ziah sak tawh tih te ka’n hrechhuak a. Party dang hian buaipui viau lo phei se chu tun ang hian an tuar lo mai awm mang e te ka ti a.

Vawiin-a kan demand, School Education-ah hian zirtirtu direct recruitment 100% kan ti hi a lawmawm ka ti khawp mai a. Chutihralin 30% kha Science leh Maths tan bik a ni tih ka'n hre lehzel a, a lawmawm ka ti a. Ka hma ami in a sawi ang deuh khan keipawh Bualpui leh Vapar-ah khian RMSA High School ka nei a. Math zirtirtu kan neih loh avangin tunah khian harsatna nasa tak kan tawk ve ve a. ‘Engtikah nge ni ang’ kan han ti a. ‘Kan la dawn tawh ang,’ tih a ni deuh reng mai a. Zirtirtu kan hmu zo lo niin ka hria a. Tunah hian kan la tep tawh a, ka lawm khawp mai.

Chutih rualin Pu Chairman, B.Ed a ngai kher hi a buaithlakna tak a awm a. B.Sc hi chu an awm mai zel, mahse B.Ed neih hi a har si a. Chuvangin, B.Sc an tam lem lo bawk a, B.Sc-te pawh hi han la deuh pawp zel mai ila, an zawm tawh hnu ah khan zirtir theih dan te hi awm se a tha in ka hria. Khatiang an awm loh avanga kan han reh vang vang a, zirtirtu neilova naupang an awm khi an khawngailthlak lutuk a ni. Kha kha min lo hriatpui ka duh a. Tin, zirtirtu 111 ah hian 64 zet mai kha Science zirtirtu niin 47 te kha Maths zirtirtu an han ni tur te kha a lawmawm ka ti a. An hmu zo lo palh a nih pawhin training thei tur te pawh hi la mai se keini chuan pawi kan ti lo a ni. Kha kha min lo hriatpui ka duh a.

Pu Chairman, zirtirtu MPSC through-a lak hi a fair kan ti a, keini chuan fair lo kan ti ve thung a ni. A chhan chu Shillong-te, Delhi-te, hmun hrang hranga khawpui liana zirte leh Murlen khua te, Vaikhawtlang te kan han in compete ta thin a. Aizawl khawpui atanga mithiam fate leh mi thiltitheite hi an lo thiam em em mai bawk si a, an hmu zung zung mai a. Thla hnih khat leka Aizawl lama sawn lut leh tur hian min rawn ngen ngawng ngawng a. Chutihralin tam tak an lut thla mai bawk si a. Chuvang chuan MPSC tellova lak theih dan hi Middle level chin hnuailam te phei hi chu awm se keini chuan kan ti ngawih ngawih a ni.

Tin, B.A, B.Ed kan han insist te pawh hi dik tak chuan B.Ed zirna hmunah hian exam-te a lo ngai a, exam-ah B.Ed zir turin an tling leh thei bawk si lova, thingtlang ho chu kan right min deprive a ni. Thingtlang ho kan tling ve thei bawk si lova, hna kan han la dawn a, hna kan lak dawnah B.Ed degree nei chauh kan duh leh bawk si a. Chuvangin, B.Ed hi thingtlang district tinah kan dah ve thei a nih loh chuan insist loh mai hi tihdan a awm em tih kha kan Minister zahawm takin min rawn react se ka'n duh a. Tin, district dangah kan din thei nganglo a nih pawhin thingtlang lam hotute, MLM-te

pawh, a bial neitu angin min han ngaichang thei hram se kan duh ve a. Aizawl khawpui hian an chang deuh zung zung a, exam-ah hian kan khan lo hle a ni tih kha min lo hriatpui ka duh bawk a ni. Tin, thingtlanga an lo kal haw an duh zung zung hi thingtlang tan kan harsa khawp mai a, aikal te an han zawng, aikal kan han khap a, an niin V.C tu emaw pahnih pathum an lo be thiam a, kan hriat hauh loh hian thui tak hi aikal hi an lo la leh tawh a. A tak tak ah chuan quality education atan leh kan that zelna turin tha deuhin duh kan thlang thin a, chutih rualin thingtlang ho tho tho kha an rawn dah leh thin a, `4000 (sang li) `5000 (sang nga) ten an lo ruai leh thin a. Hetiang a aikal an ruai rau rau a nih si chuan aikal rawihna dan pawh hi siam a, 80 % vel hian aikal hi la se ka duh kei chu. `25000 te, `30000 te an hlawh a, `3000/ `4000 lek lek ten an ruai leh nghal a, thingtlang ho an khawngaihthlak lutuk, hei hi min lo chhinchhiah sak se ka duh a.

Hausa leh rethei kar ti zautu hi kan education hi niin ka hria, a thil ti thei ho an tling zung zung a, hna tha dang nghah nan te leh Aizawl-a tlansan atan te an ti zel a, khami avang khan harsatna hi ka'n tawk a ni tih ka'n sawi tel duh a ni. Keimahni tak phei hi chuan thingtlanga kan naute hi tling se kan duh lutuk a. Sorkar hmasa-a IR an lak laia, ‘E! ka pu, a tling hauh lo mai’ an han ti a, ‘lo teh rawh u, ka ti lo a, lo la rawh u ka ti alawm’ an tih anga, ‘lo la rawh u,’ han tih ve mai kha a chakawm tak a ni kan naute hi. Chuvangin a zawm tur ngei; tin, nichinah kan hotuten an sawi tawh a, an sawina pakhat ah khan a school level a, school bik te te pawh khan la ila tha ka ti tho. Khata an awm peih ngang lo, an in transfer peih ngang lo a nih chuan bang hmak mai zel sela kan thatpui zawk ang kan tih kha thingtlang lam bialtu te chuan kan ngaihtuahna ah a awm a ni tih kha ka sawi duh a.

Tin, Pu Chairman LDC leh Chowkidar (kan han tih ang chi) pension an tam tawh em em avanga kan indaiah lohna pawh kha min hriatsak leh sela. Exam centre-ah te phei kha chuan engtin emaw min thawm hram dan te kha han ngaihtuah thei se ka duh a. Mihring tak tak insiamna leh hnam anga kan himna tur chu education tho tho hi a ni. Kan mi hmasa Pu A Thanglura khan a sawi a, ‘In leh lo chu kan din thiam, a chhunga awm tur hi kan in chher thiam lo em a ni,’ a ti a. Khatiang deuh hlek khan school building leh engemaw hi chu kan sa teuh teuh ang, hma kan sawn zel ang,

amaherawhchu a chhung luahlu tur leh a mihring tak mai inchher kha kan fail si chuan education-ah hian kan hlawhtling lo ang tih hi ka hlau ve a ni.

Pu Chairman, thingtlang zirtirtute hi District Hqrs-ah hian training-a koh hian an tam lutuk lehnghal, zirtirtu pahnih pathum te an awm a, pahnih emaw, pakhat emaw hi an in kal chhawk deuh reng mai a, training hian an in ko tam lutuk a, naupang ten an tuar nasa a ni. Hei hi min lo hriatsak kan duh a, zirlai ten an tuar lutuk a, an zir tur ang an dawng lo a. Chutih rualin Mizo society-ah hian kan zirtirtute hi kan mi duhawm ber ber te leh kan mi tha ber ber te an ni a. Kohhran upate leh NGO-ah te pawh hian an inhman nasa, hetih rual hian an inhman avanga kan zirna in a tawrh ang chi mihring an awm hi chuan hei chu indap chhuah deuh pawh hi a tha in ka hria. Class la hman lek lo a khatianga inhman te an awm a nih phei chuan laina hrilh a inhrilh te pawh hi a tha in ka hria a, chu chu ka'n sawi duh a.

Pu Chairman, Commerce and Industry-ah khan kan Minister chunga ka lawm em em nachan chu Hnahlan ramah leh Zote ramah khian border haat min rawn pe ve dawn a. Hmanni ah a hla zawk Hnahlan ramah ke in kan zuk kal a, a hla angreng khawp mai a. Ram zau tak mai a thlawnin, compensation tello in Hnahlan-a kan mi thahnemngai ten an lo pe a. Amaherawhchu ka ngaiantuahna ah chuan Trade & Commerce hian a kawng atan hian DPR hi an siam ve thei mai em aw tih te ka ngaiantuah a, min lo hriat sak sela, link road pangngai ni lo, motor lian kal theihna tura DPR an lo siam tel thei hlauh te a nih chuan a va hlu leh zual dawn em tih kha ka'n sawi tel duh a ni.

Pu Chairman, demand 35-na Fisheries chungchangah member zahawm tak Pu Lalthanliana'n hmannia a rawn zawh zawk, Champhai lam kha ka'n sawi tel duh a, Champhai ah feed plant tur tha tak kan Minister zahawm tak in min pe a, tunah khian an puan ngo zawh tawh a, lawmthu ka sawi a.

CHAIRMAN (Pu LALRUATKIMA) : Ngawi rawh lawk aw, chair kan han inthlak lawk ang e.

DEPUTY SPEAKER : Awle, sawi zawm rawh le.

Pu T.T ZOTHANSANGA : Khi khi a puitlin hunah chuan nitin quintal 200 her chuak thei tur capacity a ni tiin department hotuten min hrilh nghe nghe a ni. Khi feed plant atan khian a bulah khian transformer a awm sa a, amaherawhchu kan beisei

aiin transformer kha a lo tet deuh hlek avangin transformer dang dah belh a lo ngai ta si a, kan Chief Minister zahawm tak hnenah kan dil a, ani hian NEDP lo kal leh turah hian min pe turin department atangin lekha kan dawng tawh a, kan lawm hle a ni tih ka'n sawi duh a.

DEPUTY SPEAKER : Minute khat ila nei.

Pu T.T ZOTHANSANGA : Chutih rualin khawchhakah khian sangha kan ti ve nasa mai a, sangha chi Mizorama kan han sem hian Champhai lama lo thleng khi a thi a tam em em tawh thin a, lam hla te a lo ni a. Chuvangin khilai ah khian Minister zahawm tak hian a siamna hmun te pawh hi min la rawn ngaiantuah sak thei hram lawm ni tih kha kan sawi a. A chi khilaiah khian han intodelh leh phei se chuan helam ngai lo in zalen takin kan ti ve thei tur kan ti a ni.

A tawp berah chuan Pu Deputy Speaker, Sericulture demand no. 41- na hi tun hma atang khan ka sawi nasa thin a, tupawh lo sorkar ila Sericulture hi engatinge Cabinet-in an chan loh hi aw ka ti rilru deuh thin. A chhan chu hei hi nichina member zahawm tak Pu Beichhua rawn sawi ang deuh khan kan ram dinchhuahna tur tling a ni. India ramah hian sari an kaih delh delh chhung chuan a thang duang reng ang, a hrall hi a tha reng dawn a ni. Pending pakhat mah a awm lo ang, sawhthing ang a ni dawn lo tih hi a chiang sa ngawih ngawih a. A chin chungchangah pawh khan kum 4 kum 5 vel ching ila hlo kan thlawh that chuan chumi hnu chuan kum tin seng hi a ni ringawt tawh mai a ni. Khalai te kha tunah hian kan hre pawp chho dawnin ka hria a. Ka rilru-a a luh dan tak phei chuan Cabinet Minister in changin Secretary leh Director te pawh hi IAS ni deuh kher se ka duh a. A chhan chu Ambani nupui te chuan '14 crore man an bat mai a nia, muga silk! Khatiang kha a ni a, tha deuhin a tih theih a, kan ram dinchuah nan hian India ramah hian a hnawng dawn lo a ni. Chuvangin Pu Speaker, kha kha kan sawi duh a. Vawiinah lawm takin kan Minister pahnih te demand hi ka rawn thlawp a ni. Ka lawm e.

DEPUTY SPEAKER : Pu R.L Pianmawia.

Pu R.L PIANMAWIA : Pu Deputy Speaker, Education hi a pawimawh bawk a kan sawi ve nghal chat mai ang e. Education Department hian hma nasa takin a la a, ka bial ah te pawh High School chin angah chuan building te min sak sak vek tawh a, RMSA kan neih tawhah te pawh a lawmawm em em a. Tin, RMSA High School hi Mauchar-ah tun hnai lawkah min rawn pe thar a, kan lawm tak tak a. Hmuh theih tawh

loh tura kan ngaih hnu ah Mauchar-ah RMSA High School kan han nei thei tur hi kan lawm tak tak a ni tih ka sawi duh a. Zirtirtu chungchang ah indaihlohma thu hi kan sawi nasa em em a. Engpawhni sel a indaih dan tur hi hetiang hian tan lak theih deuh ni se thain ka hria a. SDEO office Directorate-ah leh DEO office-ah te zirtirtu kan pawt tam lutuk a, pawt lo hian han ti chhin hrim hrim ila kal dan a awm tho lo maw tih hi ka ngaihtuah a. An thawh lohma tura zirtirtu kan thawhtir teuh hian harsatna min thlen a. Tin, SSA-ah te pawh a ni ang, BRC kan tih angah te, a hrang hrangah kan pawt kual nasa lutuk a, a pawi em em a. Hei hian zirnaah harsatna min thlen a ni.

Tin, Election Department hian inti thu takin zirtirtu hi chhiahhlawh chhawr tak hian an chhawr a, anni ringawt maia intunnun an tum hi Election Department pawh hian Department dang hi hawi ve tawh sela thain ka hria a. Chuti lo chuan Election-a an hman ho hi zirnaah hian hman theih loh hun hi a tam lutuk a ni. Chuvang chuan hemi chungchang pawh hi hma lak theih dan awm thei se thain ka hria a. Tin, aikal lak hi phal law law tha ka ti a. Ka biala aikal an lak dan hi kan sawi ang a, a tha in ti ve tho in ka ring a. Palsangah khian kan zirtirtu pakhat chuan Mizo tawng a thiam loh avangin aikal a la a. Amah a kal thova, a aikalin a zirtir a, ani office-ah a lo thu mai a ni. Khatiang ang aikal lakte kha chu a tha hi kan ti khawp a, chuvang chuan tupawhin an phal ka ring a. Chuvang chuan aikal hi lak phal law law ni sela. A chhan chu khawpuiah zirtirtu an tam kan sawn chhuak thei lo va, hei pawh hi aikal lak phal ila, zirtirtu leh naupang inzatna hi sawi tur tam tak a awm Aizawl khawpuiah hian. Chuvang chuan aikal la pawhin thla khatah '10000 emaw '15000 pe in qualified ve tho an lak theih chuan, annin awm hmunah hahdam takin an lo la tel teuh dawn a, MR an la bill thei dawn bawk si a. Chuvang chuan hetiang zawnga her rem hi thain ka hria a, chu chu kan sawi duh a.

Tin, Hindi Teacher chungchang hi hmangaih awm tak hian political party hrang hrangte leh tu tute emaw hian kan insawisiak a. A bulthum atanga sawi ka'n duh a. A tute nge heng ho tan hian hma lo la a, lo hmangaihtu leh an hlawh hmuu zelna tur pawhin eng kawng hi nge zawh tur ni ang tih hi ka'n sawi duh a. Kum 1999 kumah khan kan AICC President Pi Sonia Gandhi-in North East-a Block President ho min koh khawm tumin ka ngen a ni. Chuta ka tawng lettu pawh hei kan House Leader hi a ni a. 'Hindi hi kan zir loh chuan hnam inpumkhatna kan nei dawn lo, kan hrang tulh tulh

dawn India ramah. Keini Mizote ngat phei chuan in tawng kan hriat loh chuan, vai tawng kan hriat loh chuan engmah kan ni dawn lo, kan inpumkhat thei dawn lo' ka ti a. Tah chuan 'central-ah Congress a sorkar hun hunah Hindi zirtirtu hi min rawn pe rawh,' ka ti a. 'Awle' a ti a. Tah chuan central-ah Congress kan sorkar ta a, helaiah Dr. R. Lalthangliana kha ka kuhmumah a rawn par hman chiah chiah vel a. An bawh deuh thuak thuak a, khatah khan ama hnenah pawh ka va ti a, 'hei thil awmzia chu tiang hi a ni a, ka kuhmumah i par a, Hindi teacher pahnih hi min pe ve rawh, ka duhzawng lak ve hi min phalsak rawh,' ka ti a. A fel khawp mai pahnih min pe ve mai a ni zirtirtu khatih lai khan. Tiang chuan a hnu ah a bulthuma hre lem lo Education Minister Pu Sawta te an lo awm chho a, Pu Rohluna te. Tikhan, kei a bul thuma titu khan khatiang khan hman atang khan tuna Hindi Teacher ten ei an hmuhna tur, tam tak hlawh an lo lak tawhnaa hi kan lo buatsaih daih tawh a ni. An hmaah kan lo kal daih tawh a ni. Chuvang chuan vawiinah hengho tana hma lo laa tan lo la tawh tute kan nihna hi ram mipui hian hria se tha ka ti a. Chuvang chuan tunah Central-ah Congress a sorkar thei ta lova, an hlawh tur an pe thei ta lo maw, a va pawi ve! Am Maherawhchu hlawh pe thei lote support tu an la awm em tih hi ngaiantuah a ngai a ni, kan hmangaih tak tak a nih chuan central-ah Congress a sorkar leh a ngai. Congress a sawrkar theihna tura tan la turin kan pen chhuak ngam dawn em? Heng kan naute, vawiin nia riltama, hrawm taka awmte kan hmangaih tak tak a nih chuan Central-a Congress a sawrkar theihna tura theihpatawpa ke pentu tur kan ni dawn lawm ni! Chutiang kan ti ngam lo a nih chuan vawiinah kan naute ho hi 'ka hmangaih, ka hmangaih' pawh ti ila darbenthik ri ang mai kha a ni ang tih a hlauhawmin ka hria a. Tun central sawrkar khuan an hlawh tur pawh hi an pen hmawr pawh hian an lehkhabuah an lo thai ve miah lo tih a hriat a. Chuvang chuan thiam chan nan an han en tlithlai te kha an rawn ti mai mai a. Hetiang chhuanlam dawrawm tak hmanga kan naute riltama min dahsak hi a na a ni. Chuvang chuan hmangaih tak taktute central-ah Congress a rawn sorkar leh hma chu heng ho hi an thawk thei dawn lo a ni ang tih a rinawm a. Hmangaih tak taktute kan nih chuan political party kan awmna sawi lovin central-ah Congress sorkar a pawimawh a ni, tiin chumi ti thei tur chuan a hmanraw dik tak helaiah Congress a sorkar zel a ngai tih rilru pu chunga tan kan lak tlan hi a tul hlein ka hria a, rilru puthmang dik kan inkawhhmuh nghal a nih bawk chu. Chutiang zawng chuan kal tum ila thain ka ring a.

Industry lampangah hian kan kal lawk ang a, Sawleng-ah handloom traing centre min rawn dinsak a, min rawn train sak a, hetah hian kawng lakah min kalsan deuh nia hriatna ka nei a. A banna khawl min la pe tel lova. A tahna in tur chu MLA fund atangin ka sak sak vek tawh a. A banna khawl hi an tihsak loh chuan chaw ei a chi kan hmeh tel lo ang hian a famkim lova, a tih tak tak theih loh a ni. Chuvang chuan a banna khawl hi ngaihtuahsak ka ngen duh a.

Tin, Geology and Mining ah hian lawmthu ka sawi duh a. Anni hi Department indaihlo leh harsa tak nimahsela kan hotute kan ngenna avangin Kepran leh Pehlawn leimin chungchangah thawktute an rawn tir a, anni remruatna kalchho hian Finance lamin sum te min lo pe in tunah hian leimin dawlna tur sum te min rawn pe a, an chungah lawmthu ka sawi a.

Tin, Pu Dy. Speaker, Fisheries ah hian tlem han sawi ka duh a. Sangha dil tanpuina tamtak min pe a, kan Minister chungah pawh lawmthu ka sawi a. Sangha chi sem tur a indaih thei si lo a, tlem te te sem a ni ringawt mai a. Chu pawh chu an sawi zat kha a tling thei bawk si lo a. Chuvang chuan harsatna a awmlohnna tur hian constituency tinah emaw, tlangdung tinah emaw hian a chi tharchhuahna tur hmun, dil nei tha te ah khan sawngbawlna hmun neih a, khami atanga tlangdung khat kha a chi a pekchhuah theih dan awm thei sela.

Chutiang chuan tun ai hian a chi kan pekah pawh a thi tih te, a kim lo tih te a awmlo deuh ang a. Kan hmalakna pawh hian kawngro a su deuhin ka ring a. Chu chu ka ngaipawimawh khawp mai a.

Pu Dy. Speaker, kan Minister te pahnih demand kan han sawiho tak te kha ka thlawp a. Hlimtlang taka pawm turin leh Hindi Teacher ho khawngaihthlak awmzia hria a, Congress party central-a a sorkar theih ngeina tura tan la turin Zoram mipui zawng zawngte pawh ka'n ngen a ni e. Ka lawm e.

Dy. SPEAKER : Pi Vanlalawmpuii. A dawtah Pu Lalruatkima.

Pi VANLALAWMPUII CHAWNGTHU : Pu Dy. Speaker, ka lawm e.

Tawite in. Hei Demand no.20, School Education Dept. hi department harsa tak a ni tih kan hre theuh a. Chuti chunga a changtu Minister zahawm tak leh Parliamentary Secretary ten theihtawp chhuahin an thawk a, hmasawnna nasa tak kan hmu te hi a lawmawm ka ti a.

A hmasaah chuan Middle School zirtirtu 50 te Headmaster-ah hlankai an ni te, Primary School zirtirtu 119 Headmaster-ah te an han kaitir a. Tin, zirtirtu ng het 70 an han la thei te hi a ropui ka ti a. Tin, amalgamation chungchangah hian a fakawm hle a.

Khawtlang mipui leh kha kan hma ami member zahawm tak tak ten an rawn sawi tawh a. VC te emaw khawtlang mipui, NGO hrang hrang ten duhlohnna pawh lantir thin mahsela, sorkar tana thil tha a ni tih hria a hetiang amalgamation an han ti te hi a lawmawm a. Tin, he amalgamation avang hian sorkar sum tam tak luangral thin te kha a save a ni tih lai te kha kan sawilang ve duh a. Tin, model school an han thlangchhuak te hi thil ropui tak mai a ni a.

Tin, Mizo medium english medium-a an han let te. Hei, khawi state ah pawh Govt. School te hi chu a tlahniam telh telh vek a ni ti mai ila. Private school te hi school tha tha an ni a. Govt. School te hi chu engnge, tlema tawng mawilo ni lo se, a neilo deuh te luhkhawmna a ni a. Mizo medium english medium a an han let te hi a ropui em em a ni. Private school a english a lehkha zir phaklo tan hetiang a an han let hi mi tamtak tan thil lawmawm tak a ni a. Tin, midday meal chungchangah te pawh ka hma ami te pawhin an sawi tawh ang khanin midday meal te a tha em em a. Tunhma te ngaiantuah chuan school naupang te pawh an hmel hi a eng chak a ni. Midday meal te tha taka an han hmu te hi thil lawmawm tak a ni a. Chhungkua, a bik takin harsa deuh tan phei chuan lawmawm em em a ni.

Tin, kum 2016-2017 inkara zirna in, school te leh office te thawmthat a ni leh sakthat a ni te hi thil ropui tak mai a ni a. Tunah pawh hetiang hian sakthat tum mek zel a ni te hi a vanneihthlak ka ti a.

Tin, , school naupang rualbanlote tan a bik taka an lehkhazir theihna tur, entirnan, mit thalo te tan emaw hawrawp lian zawk an han hmantir ang chi te, tamtak sawitur a awm a. Hengte hi a tha em em a. School naupang hmeichhia ten large scale training an nei te hi thil tha tak a ni a. Government school 280-ah martial arts training an pet e hi a ropui a ni.

Mizoram mai ni lo state dangah phei chuan martial arts training hi an ngai thupuiin an ngai ropui em em a. Vairamah te phei chuan a pawimawh lehzual a ni. Mizoram ang ah chuan state dang te angin kan state a ralmuan avangin tunah chuan a chhawrna tur pawh kan hre vaklo kan ti mai thei. Mahse mi state ah chuan hei hi thil

pawimawh em em a ni a. Keini pawhin kan han zir thei te hi a lawmawm a. School 280 mai ni lovin Govt. school zawng zawnga hmeichhiate he training hi pe thei tura hma lak ni thei se tih kha ka rawn rawt ve duh a.

Tin, ruihhlo dona kawngah te, mahni intihlumte leh bawhchhiatna pawizia, dan laka fihlim pawimawhziate inzirtirna training pek a ni te hi (hei ka lo hre ngai miah lova) thil tha em em mai a ni a. Dan kan hriatloh avang hian mi pawi kan sawilo emaw thil diklo kan ti lo emaw, kan tihlai hian thil dik lo te kan lo ti reng thei a. Chutiang kawnga hmalakna school naupangtea neih a lo ni te hi a ropui ka ti em em a ni. Ka hma ami te khan an rawn sawi deuh zelin ka hria a, zirtirtu dahbelh chungchang, transfer chungchang te. A hminga thingtlang bialtu nih chuan a hahthlak em em a ni. Aizawl ah zirtirtu indaih tam tak awmlai a thingtlang ah indaihlova kan au nuaih nuaih reng mai te hi kawng thar ngaihtuah dan hi an hriat ka ring a a changtu kan hotute hian. Chutiang chuan vawiinah Aizawl-ah zirtirtu hna pension dawn tep thlenga thingtlanga la awm miah lo sawi tur te hi tamtak an la awm a ni. Chuvang chuan hei hi a department changtute hian ngun lehzuala ngaihtuah a in reshuffle dan te hi ngaihtuah thar chi a ni em tih pawh kha ka rawn rawt ve duh a.

Tin, kan bial Khawlailung-ah exam center min han pe te hi a changtu Minister leh Parliamentary Secretary te chungah lawmthu kan sawi duh a. Tin, N.Vanlaiphai DEO office chu Hnahthial in min rawn hmui a. Hengte hi a buaithlak em em a. Tin, staff hi an indaihlo a. Ka hma ami te sawi ang khan zirtirtute an pawt thin a. Kha khan zirna a tlakchhiatphah a, a buaithlak em em a. Zirtirtu mai piah lamah staff lak belh theih dan kawng te hi awm thei sela tih kha ka'n rawn rawt ve bawk a ni. Tin, kan bial chhungah school tam tak min sak that sak avang leh min repair avang ten a changtute chungah lawmthu ka sawi tak meuh bawk a. Tun hunah pawh hian tih that mek turte pawh a la awm niin ka hria a, ka lawm takzet a ni.

Commerce & Industries Dept. Demand no.40-ah hian hei puantah training na kan han ti a, Industry hnuaiah, kan lawm em em mai a ni. Hemi ah hian Department hotute hian awareness hi nei nasa lehzual ila ka duh a. Sawrkar ang chuan tihtur diktak tih a nih a, Department pawhin tha takin thil tih a nih a, chumi piah lamah chuan a insakna tur te leh stipend te pawh an la pe ang a, khawl te an pe dawn bawk a. Khatiang khan thil hrang hrang an pe dawn a, thingtlang mi tan chuan a lawmawm em em a ni. A

bik takin mahni inchhung lumah sek-rek khawih pah a eizawnna tha tak mai he department-in min han pe thei hi a lawmawm em em a ni. Hei tak hi mirethei thleng phak sorkar a nihna te pawh niin ka hria a, he department chungah pawh hian lawmthu ka'n sawi a, kan bial chhung mite pawh an lawm em em a ni. Ka sawi ang khan sorkar sum luang ral lo turin chhungkaw tan eizawnna tak tak tling tura an thawh theihna tur hian department pawh hian vil zui se tih ka rawn rawt ve duh a ni.

Tin, tun hma ang khan puanthuina khawl subsidy-a lei tur a awm thei tawh lova, khangte kha tih theih leh ni se, tih kha ka rawn rawt ve leh duh a. He department kaltlang hian NLUP hnuai ah Auto-Rickshaw te an han pe te hi a ropui em em a ni. Nichina ka sawi ang khan he sorkar hi mirethei thleng phak a ni. Engmah nei lo atangin Auto-Rickshaw an dawn tuk atangin eizawnna bulfuk an neih theih phah te hi a ropui em em a ni. Nimin mai ah pawh kan Chief Minister zahawm tak leh kan Home Minister-in an vai liam a nih kha. Chutiang chuan he department kaltlang hian mirethei tam tak ten eizawnna bulfuk tam tak an lo nei tawh te hi a lawmawm em em a ni.

Border Trade chungchang, kha kan ngaithla tawh a, khawchhak lam leh chhim lam ah te pawh hmalakna nasa tak tak kan hmuh te hi a lawmawm em em a ni.

A dawt leh ah chuan demand no.35, ADDA-ah nuai engemaw zat sum dah a ni te hi lawmawm ka ti a. A tawi zawngin han sawi ila, Broom Revolution Scheme-ah te pawh tunah implement mek an ni te hi a ropui em em a ni. Sericulture department-ah pawh Integrated Sericulture Development Project neih a han ni te hi a ropui a. Tin, Muga Silk Development Project kaltlanga chhungkaw hrang hrangin eizawnna an han neite hi a ropui a, a changtu Minister a fakawm tih kha ka sawi duh a. Pu Dy. Speaker, kan Minister zahawm tak tak te demand hi ka rawn thlawp a ni e. Ka lawm e.

Pu LALRUATKIMA : Pu Dy. Speaker, kan Minister zahawm takte pahnih Pu H. Rohluna leh Pu B.D. Chakma te demand kan han sawiho a ni a, sawihona pawh a ngaihnawm in ka hria.

Demand no.20, School Education ah hian, kan House Leader hi he House kaltlang hian Pu Dy. Speaker, ka'n ngen duh chu, vawiin ah nizan lama kan buaina solve theitu kha a awm a, Hindi teacher rawih chungchange a bul tumtu leh a ngaihnawm in ka hria kha a awm a, Minister kha ni ve mai se, a nih loh pawhin engemaw mawhphurhna pawimawh tak kha a pek theih lawm maw ni aw, ka'n ti a. A sawi atang khan a

experience ropui tak kan ngaithla a. (Pu Lalzirliana, Minister: Pu Deputy Speaker, central-a kan sorkar a ngai) a tih kha Nia, central-a sorkar kha chu a la hlat hmel hle mai a. Pu Dy. Speaker, i chair zahawm tak kha Panel of Chairman nihna angin kan han luah ve a, khata han that kha chu a zam-awm rum rum mai a. Member zahawm tak tak ten kuna chibai min han buk zeuh zeuh a, khata ka ngaihtuah chu, a unaute'n buhvui nen kuna chibai an buk kan hmuh lawk ang deuh khan, kan sawitu pawh khan khalamah khan in la thu ngei dawn a ni tih rinna leh beiseina khan, khatih lai khan hun han pek belh pawh ka duh viau a, duhsakna kha min rawn hlan a, kan member zahawm tak Champhai North bialtu kha. Ni e, kan la thu ngei ang a, sawi ang khan min la rawn chibai ve ang a.

Pu Dy. Speaker, ka hmaa sawitu Hrangturzo bialtu khan hemi demand ah khan a sawi hmaih hlauhin ka hria a. Ka han sawipui duh chu East Lungdar Gov't High School-a RMSA zirtirtu sawn chhuah a ni a. Chutah chuan a post nena Kolasib lamah sawn te an rawn ti hial a, zirlai pawlte pawh an lungawilo khawp mai a. Hei hi chu thlaktu tur tal ngaihtuah sak thei ta sela, chungte chu a sawihmai palh a niang a, kan farnu neihchhun hian. (Pi VANLALAWMPUII CHAWNGTHU:Kan Minister zahawm takin a rawn sawi ang.) Hmannia Guwahati-a an chanchin ka lo hre ve lova, kan member dangte'n min hrilh a, kan farnu a ni a, duat pawh a ngai a, House Leader sawi ang khan, ka han sawi kep ni sela. Pu Dy. Speaker, kan ramah hian Science leh Commerce zirna, khawvel-ah pawh hian a ni tho mai a, nasa takin a thang a, eizawnna pawh alo awlsam a. Amaherawhchu, tun session ah ngei pawh hian ka zawt a, chhan hmanloh zingah a tel a. A bik takin, Lawngtlai District ah sawn.... (Pi VANLALAWMPUII CHAWNGTHU:

Pu Dy. Speaker, min lo hrethiam lawk. Guwahati a tih kha a sawi tlang lova, khawngaihin sawi tlang law law se) Guwahati ah khan, Pu Dy. Speaker, police lamin an lo khalh khawm emaw ni, park ah nge sahuan-ah an tia, nakin ah remchangah ka la zawtfiah ang ka ti a.

DY. SPEAKER : Kha kha, Congress thalaiin agitation an lo nei a, chutah Police-in Congress thalai-ho President a nihna anga kal an lo man, tih kha ka chair atangin ka han sawi tlang law law ang e.

Pu LALRUATKIMA : Pu Dy. Speaker, ka hre bulfuk vak lova khalaia kha. Ni e, kha a lawmawm e, kan chiang tawh a.

Lawngtlai-ah hian Science zirna, Higher Secondary School-ah pakhatmah a la awm lova. Chu mai bakah, Mamit District pumpui-ah hian Science leh Commerce zirna hmun a la awm lova, a vanduaithlak hle in ka hria. Session ah pawh hei hi ka tum-hnih zawhna a ni tawh a. A chhan chu, a feeder high school tam tak kan neih mekna district-ah Science leh Commerce subject zirna a la awmlo hi kan hotute'n, kan Minister zahawm tak te'n an en zui a tul hle in ka hria a. Chuti a nih loh chuan, a district pumpui hi rual kan banlohma, midang kan umphak lohma te pawh ni thei dawn in ka hria a, chungte chu ka han sawi duh a.

Tin, Midday Meal hi kan dawng tha kan ti a, amaherawhchu, dawngtha kan han tih khan July, 2016 atang khan school engemaw zatin an dawng tawh lova. A rei ta vang vang hle mai a, kum khat chu ala tling em lova, dawngtha han tih rual a ni lova. Chuvang chuan, hei hi thingtlang lam, a bikin naupangte'n ei tur tha an dawn ve theihna tur te, hemi kawngah hian central-in project tha tak mai a nei a, chungah chuan a chhan ka hre chiah lo naa, heng lamah te hian tan lak leh zual hi a ngai hle in ka hria a.

SSA zirtirtute'n rei tak thla ruk, thla sarih dawn hlawh an lak tawh loh avangin harsatna an tawk a. Kumin kan office hawn bul tanna ah te pawh khan kan Parliamentary Secretary zahawm tak khan Press Conference te pawh a rawn nei a nih kha. Khalaiah khan ka'n sawibelh duh chu '1441,31,000/- kha thla hnih hlawh atan an rawn dil a nih kha. Ama'rawhchu, zirtirtu ten kha kha a hun taka an dawn loh dan chu sawi thui ngai lovin kan hre vek a. Chutih lai chuan heng motor hman man kan tih ang chi – vehicle hiring bill ah erawh hi chuan a hun takah hian kan inpe thlap thlap a, thla thar ni 5-na velah sanction order hi kan tichhuak thei a ni. Chuvangin heng motor neitute hi keimahni tho, a thawktute tho kan nih avangin heti lamah hi chuan tlem chuan lo ip deuh sela chuan inthikna-te pawh a awm lo thei tur ni te pawhin ka hria a, chungte chu ka'n sawi lang ve duh a.

Tin, Mizoram Education Service Rules tih puitlin-te pawh Education Reform Commission pawhin a lo rawt tawh ang khan Service Rules neih ve te pawh a thawktute pawhin an nghakhlel khawpin ka hria a, hengte pawh hi beiseina nen kan thlir a. Chungte pawh chu theiawp chhuaha tan lak a ngai khawpin ka hria.

Tin, DIET Lecturer seniority list a lo chhuak a, senior tak takte kal kahlenin midang junior zawkte pawh an rawn lut niin ka hria a, khalaiah khan thil fel tawk lo te pawh a awm palh ni te pawhin a lang a. Khalai kha kan Minister zahawm tak hian remchangah min la en sak sela tha-in ka'n ring a.

Tin, medium of instruction hi kum 2012 atang khan Class VI atangin English hman tur an han ti a. Pu Dy. Speaker, saptawng hi kan uar ta khawp mai a, a pawimawh a. Universal language a ni, kan pawm vek a, ama'rawhchu Mizo tawng hi a bo mai ang tihte pawh hi ka hlau a. Tun session –ah pawh ka sawi tawh a, pakhat, pahnih, pathum te hi a bo daih mai a, engtiklaiin nge a bo tih pawh kan hre lova. Tun hunah khawvel changkang zelah Zualko te pawh Zualko kalna tur a awm tak loh avangin a bo der mai a ni. Zualko kal dan kalhmangte pawh kan tu leh kan fate inzirtir that leh kan ngai a ni, a awmzia-te pawh kan inhrilhfiah a ngai a. Chutiang chuan pakhat, pahnih, pathum kan han tih ang chi kha a bo ta daih mai a. Phone number han inzawt ila, thingtlangnu/thingtlangpa saptawnga one, two, three sawi thei det det chuan nine four three six eight five seven zero, tiang vek mai kha kan ni a. Chuvangin he thil hi nakin lawkah chuan a bo dawn niin ka hria a, chuvang chuan helai kan uar lutuk hi kan ram leh hnam tan a la pawi thei mai awm mang e aw tih te ka ngaihtuahnaah chuan a awm a.

Demand no. 40-na Commerce & Industries Department-ah khan kan hriat angin Trade & Commerce kha Industries Department nen chhunfin a lo ni ta a, a lawmawmna chen te pawh a awm ang a. Ama'rawhchu, chak taka han kalte pawh a bul tan kan nihna laiah a harsat chin a awm ang. Chutah chuanin kan sorkarin ruahmanna a siam privatization chungchang, MIFCO (PPP mode nge) Privatise tura ruahmanna awm kha engnge kan thlen chin? Ruahmanna siam dan te pawh hi he House-ah hian tarlante pawh a tha khawpin ka hria a. Tin, ZIDCO strengthening kan tum ang chi te, khang ang chi kha engnge ni kan dinhmun? Public Sector Undertaking kan neih ho te hi kan hnam tan, kan ram tana pawimawh tak tak te a ni. Chuvangin, heng hmalakna chin te pawh hi kan inhrilh a pawimawh khawpin ka hria.

Tin, PMEGP hi loan hmu turté kan han inthlang a, Bank lam thuneihna a ni kan ti a. Hengah hian kan va select te Bank lamin an finance that duh loh hi an tam khawp mai a, mi beidawng kan siamna hmun ni te pawhin a lang a, helai hi kan hotu ten min lo enfiah sak a ngai khawpin ka hria.

Tin, The Mizoram Minor Mineral Concession Rules, 2000 te kan han nei a, helaiah hian ka'n sawi duh pakhat chu kan cubic lung size te hi MNF sorkar lai khan cubic lung lian em em mai kha a awm a, tun hnuah hian kan nei ta reng reng lo mai a. Cubic lung kan han tih pawh hi cubic a tling lo a ni, a tehkhawngah. A te em em mai a, heng ang chi hi kan ti leh thei lawm ni, quality control ah te hian tan kan la thei lo emaw ni le? Sorkar in a tih chuan hmun hrang hranga construction works ah hemi tling lo chu kan hmang dawn lo tiin instruction fel tak, order siam sela chuan kan zawm leh mai ang. Mipuite hi kaihhruai kan nuam a ni.

Textiles, Handlooms & Handicrafts ah ZOHANDCO kan lak sak a. Hemi ah hian thanna tur tam tak kan nei ang. Handloom Roaster 11 training pek tur chungchangah pawh mipuite hnenah khan puanzar han ni thei sela chuan a lawmawm viau in ka ring a. Tin, Bamboo Development Agency ten Bamboo Park tih te, kawng hrang hranga hma kan laknaah pawh tan lakna tur a tam khawp mai a, ka sawi vek seng lovang.

Pu Deputy Speaker, demand no. 35-na Fisheries hi Bengali ho chuan sangha ei hi finna an ti a. An exam dawn leh eng emaw thil tih pawimawh an neih chuan sangha hi an chawhmeh tui ber a ni an ti a, a dikin ka ring a, a hrisel em em a. Chumi-ah chuan sangha a kan intodelh theih nan atan nasa leh zuala kan lak hi a tul khawp mai a, Tin, Champhai-ah sangha chaw siamna hmun din ni te pawhin ka hria a. Mimal ram (thil ti thei tak mai u nge nau zawk in a) a leilet kama a sak khi sorkar hmun tur nge ni mimal tur tih te pawh hi nakinah kan Minister-in min rawn sawifiah sak se tha in ka hria. Chuvang chuan NFDB leh FFDA hi CSS kan neih ang zawng zawngah pawh hian sangha thar chhuak tam tur zawng leh mipuite pawh sangha ei tlak, vai ram sangha aia kan ram thar a hrisel zawk a ni, a thianghlim zawk a ni. Damdawia chiu a lo awm a nih pawhin chiu ve loh, sawisak ve loh, khatianga process ve loh a ni tih te pawh kha min zirtir in mipuiah hian awareness tam zawk pe se.

Pu Deputy Speaker, a tawp berah chuan demand no. 41-na pangang khawi chungchangah hian kan intodelh theihna hmun a niin ka hria a. Pangang khawi chungchangah hian kan hlau thin a mi tam tak chuan, ama'rawhchu, hei hi eizawnna tling, chhungkaw innghahna tling a nih avangin he mi kawnga kan hma lakna hrang

hrang integrated silk development project ang chi te pawh a hlawhtlin theihna turin mipui te zirtir ila, kaihuai ila, enzui pui ila tih kha ka'n sawi duh a ni e, Ka lawm e.

DEPUTY SPEAKER : Pu P.C. Zoram Sangliana

Pu P.C. ZORAM SANGLIANA: Pu Deputy Speaker, Minister zahawm tak te pahnih demand ah hian demand no. 41-na Sericulture hi han sawi nghal ila. Assam ram pawhin tihngaihna an hriat tawh loh (ti mai ang) Zoram-ah Kolasib-ah a tha duh hle tih session hmasa ah pawh kan sawi a, han chhunzawm leh ni se tih kha helaiah hian ka'n sawi duh a. Anmahni kaltlanga malsawmna awm thei chi hrang hrang te a hmasa lamah an sawi tawh a, kha kha ka'n sawi leh duh a.

Fisheries Department-ah mipui ten kan chhawr dan te, phai hmun hla tak tak atanga kan chhawr dan te zotui thiang tlan tui tangkai zia te, fish culture taste culture te tih hmanga department leh farmer-ten malsawmna an dawn te hi chhunzawm zui zel tlak niin kei chu ka hria. Chumi bakah vawiinah district kan ti dawn nge committee peng hrang hrang hmanga hetia han thei sem ang deuh chi ai zawk in a hlawhtlinna tur policy thar programme thar kan ministry hian a ruahman niin ka hria a, kei min ti phur leh zual a. Sangha neitute tan, sangha thar chhuaktute tan mipuiten kan beisei min tihhlawhtlinsak leh dawn niin ka hria a, lawmawm ka ti tak zet zet a.

Demand 40-na Commerce & Industry department-ah hian an hnuiai mi ten hma an lakna hrang hrang ah a bikin corporation-te enkawlna kawngahte hmathar duhawm tak tak mai tun ami leh Secretariat-in a bikin Directorate-leh Secretariat-leh heng corporation-te ngaihsak tak maia hma an lakna hi Mizo mipui tan rah tha chhuah chhoh na zel a ni tih hi a hmutu leh hrechiangtute zing ami ka nih ve avangin lawmthu han hrilh pahin a Minister leh Parliamentary Secretary-te, department-te an department an thiam em em mai te hi lawmawm ka ti a. A bikin Geology & Mining-ah te ka bial chu kan hriat theuh angin leh minister te leh kan hotute pawhin he House-ah pawh an sawi ang Gas laichhuahna tur hmun awmna Meidum khua tuna kan hmuh chhun a ni a. Chung angahte pawh member-ten hrechiang vak lo niawm anga an han sawi rik dawn lai pawha Minister-in a sawi, House-ah meuh pawh a sawi a, a hriat chian thu an puang ngam kha a lawmawm hlein ka hria a (chuvangin keini pawh hriatchian puitute, a bialneitute nih vena atangin a

ni a, hetianga mahni department-te chiang minister in a demand han pharh hi pass pui a chakawm hle a ni tih kan sawi hmasa duh a ni.

Demand no. 20-na School Education department hi a pawimawh em em a, kan hre theuh mai a. Hemi ah hian nia number chungchangah te pawh hian 9436142652 han tih mai te pawh hi tunlai thangthar khawvelah chuan a awl ta a, tluk leh dingawn kua, vaibelchhetak li, vaibelchhethum, maktaduai ruk, nuai khat singli, sanghnhizaruk sawmnaga leh pahnih han tih duah mai te kha chuan hun hi a paikhem em tawh mai a. Vawiinah chuan kan thangtharte hi hun hian a control tawh zawk a, sana hi an en a an ti zung zung tawh mai a ni. Thawkkhat laia kan hotuten khawchhak rama min zirtir a Japan rama min guide tuten an sawi ka hre chhuak a, ‘saptawngin biak tur i van hle ang a, an biak chhunah pawh in zawh nawn leh chuan an hman tawh loh a ni tih an hriattir ang che u,’ tiin hunin a control lai te min ti hre chhuak a. Vawiinah kan tawng te kan culture-te, kan tradition-te ngaihhlutna tur atan School Education Department leh department hrang hrang ten a vawn himna leh a zirtirna an kalpui reng rual hian heng vel bawr hian min ti buailo turah kei kan ngai ve a, chung te chu kan sawi duh a. School Education Department-ah hian elementary level-ah hian tun ai hian tan lak dan hi awm se aw tih hi kei ka lo ngaihtuah thin a nia. A tlangpuiin House-ah pawh hian a ri tam ve ta hle a. He thil hi kei lawmawm ka ti a, College-tan a ni emaw University tan a ni emaw a hrang hrang tan emaw a puitling deuh chin tana tha kan sen peih zia te, ngaihtuahna kan sen peih zia te tlema zir chhuak vek tawh tan pawh zankhaw tairek thlenga an zinga kan tel peih lai hian nu pum chhunga awm reng, piangchhuak hlim atanga hetia naupangte an nih lai atanga kan inpek loh nasat zia te hi ka ngaihtuah thin a, mahni ngei ngeiah pawh hian ka inzir thin a June ni 21 International Father’s Day lo thleng turah pawh hian engngemaw ngaihtuah tur thil ziah te pawh ka nei a tunlai chu. Chung ka ziahrai atang te pawh chuan Pa kan nihna atanga chhungkaw Pa kan nihna atang te, sorkar-ah pawh sorkar neitu kan nihna atangin a bul thutah tak tak hian tun ai hian nasa zawka tha leh zung leh ngaihtuahna kan pekte pawh hi a tul dawn hle mai tih te min ngaihtuah tir a, hei hi kan sawi duh a. Tin, an hmalak mek zingah hian tam tak min ti lawm em em tu chu Educational TV Programme han neihte hi keini ang zokhaw tan chuan zokhaw mipui, zokhaw bialtu tan hian a va han hlu tak em!

Vawiinah department-a hmalakna hi TV kaltlang ten inremna thuthlung tha tak, thawhhona thuthlung tha tak neia an han buatsaihte te hi lawmawm ka ti tak meuh meuh a. Hemi hi sawi loh phal chi ah ka ngai lo deuh hlek a. Chutiang chuan an thil tih tha lam hi sawi tur a tam em em mai a. Education campaign an han neite te hi, kan district-ah Education Minister ho ngei maia an han neite hi kan hlawkpu a. Chumi a hlawkzia hriatna chu kumin sorkar tharah hian MLA-te nena tangho in zirtirtute nen chauh Primary atanga College tlengin ti thei ila a tha ang tiin programme kan nei a; Zirtirtute an tana an pawimawhna an naupangte hriatlai ngei te, an nu leh pate hriat lai ngei te, khatiang ni lova anmahni hriat lai ni lova anmahni zirtirtute nen chauha hemi awareness campaign hi nei ila a tha anga tia kan lo ruahmante pawh kha kan va ti fuh em aw! Nikum lamah Minister ngeiin a ho in helai hmunah hian education campaign-te min neihpui tawh a tiin heng ang te pawh hi han sawi chhuah kan duh a ni.

Tin, helai karah bial bika hmalakna Pangbalkawn-ah RMSA school building min han sak sak chho va, min tih pui a, chutih rual chuan tunkar chhunga interview-na ah hian chumi school-a zirtirtu tur, thawktu tur te officer lam ten an han buaipui char char mai te hi kei ka hriatna te hi mumang a ni em lovang chu maw! min tilawmtu a ni. Heng thil ah te hian a khua leh tui te ngei an tling anih chuan malsawmna dawn sa an nei a, khuta awm nghal tur em ni an nih chuan malsawmna dawn sa an nei a, Aizawl nula / tlangval khawpui nula India ram hmun tha ber bera zir chhuak ten min rawn khum zak na tur ang chi kha an bo deuh niin ka hria a, chung ang ngaihtuahna Minister leh department hotute Secretariat lama enkawltu ten an han nei te hi result a lo chhuak chho ang a, chungah chuan kan hmu dawn a ni tih te ka mumang a ni em lovang chu maw Pu Deputy Speaker ! chung ang te chu he house-a kan lo sawi kan lo sawi thin ve ang te kha a rah a lo lang dawn in ka hria a, chungte chuan min ti lawm a ni. Kan sawi thin a, heng english medium-a leh mai tih te pawh kei hi nasa taka sawitu ka ni a, Kohhrana pek mai tih te tlengin Primary-ah te pawh ka sawi thin a chung ang ni lova sorkarin tlawmna ah pawh ni lo naupangte a hriat chian zia a ti lang a Minister ho a House Leader kaihruaina hnuia hetiang an han ti te hi lawmawm ka ti tak meuh meuh a chungte chu Pu Deputy Speaker, min ti lawmtu pakhat a ni a.

Tin, a dang lehah chuan hetia kan tih rual hian RAA an indaih a, excursion trip tun kum kal lai meka zirlai sang chuang tan leh, exposure visit outside Mizoram atan zirlai engngemaw zat, za chuang lai mai an han buatsaiah a an han kalpui, an hnathawh han hriat te hian an lo awm mai mai lo. In fa te tan hian an lo thawk tak tak a ni tih hi a hriat a, chu chuan min ti lawm em em a ni tih hi ka'n sawi tel duh bawk a.

Chumi bakah chuan Adolescence Endowment Mission chungchang te hi Social Welfare hian hemi lampang ringawt hi an lo buaipui thin emaw ka lo ti a, a lo ni lo, a neitu tak tak naupang te tak tak an hnen atanga lak chhuah theih atanga an kut a ni tih hria a chuta an han organize te pawh hi Student Voice and suicide subject te hi khawvel hian kan va mamawh em! Thangthar te, kan tu leh kan fa te tan hian he department hi an ding tih a hriat a Minister hova an hmalakna hi a lawmawm ka ti tak meuh meuh a ni. Chubaka min ti lawm em em zual tu chu NEDP Fund atana ` 490 lakhs ngawt mai zirna tihchangtlun na atana kan hotuten an han ruahmanna hi a van lawmawm em aw! Chawhma lamah khan thian te pawh khan an rawn sawi tawh a Pu Deputy Speaker, chuta an sawi ah chuan Class-XII chungchang hi a ni. Keini kan district pumpui angin sawi ta ila, private school-in Class-XII zirna an nei thin a, chung rualawhna te avang chuan Mission School-in kum 1999 khan Kolasib-ah khuan lar tak mai CZ Higher Secondary School mi thahnemngai ten an lo din a Chumi an din chhohnaa vawiin tlenga department hian upgradation an tih tum naah hian Government sa Higher-a upgrade natur atan emaw, Adhoc Grant-in-Aid a pek mek te Government-a han dah chhohna tur atan te emaw dan leh hrai chungchang hi an lo la nei miah lo mai a, ka'n hai na zawng zawng ah ka hmu lova. Chumi a nei lo a nih rau rau chuan 1999 kum vel atanga kan hotute pawh vawi tam tak hemi chungchang ah khawtlang aiawh a ni emaw, Management aiawh a ni emaw, Joint NGO leh MLA ten kan sawi chamchi bakah chung ang an hmuhna tur te hi kumin budget NEDP-a lo lang te ang te hi tel thei dawn ta sela, chutah chuan sorkar-in a senso bakah hian a nih ang ang kha min tih sak dawn ni se nuai hniih leh singthum vel bawr awrh chauh kha thla khata an sen belh tur an ni dawn bawk nen, he House kaltlang hian kan bial mipui ten sum leh pai, tha leh zung an lo thawh khawm hmanga bul an lo tan sak khu min hriat sak theih chuan kan va lawm dawn em tih hi lawmthu sawi pah in ka'n sawi tel duh bawk a ni. Pu Deputy Speaker, hetianga

hmalakna chhuanawm kan Minister-in a lo la a. Subject dang kha chu zingah te pawh khan an lo sawi tawh a, ka sawi lo mai ang a, khang kha ka tawmpui a, he department, a tha lama an sawina kha. Chung ang zawng zawngah te chuan tih sual palh te pawh an lo nei ve thei e, tih kim loh deuh te pawh an lo nei ve thei e. Pu Deputy Speaker, Chhandamtu pawh mihring mit a tlung lova Kalvari Kross-a khenbehna khawvel ah hian, kan hotupa, kan Minister leh a thawhpui te hi an fel famkim lo tih chu a chiang a ni, mahse, an phak tawk zawng zawng kan hriat bak vawiinah pawh an zawt a, an zawhbelh leh a, department leh a hre awm deuh deuh atang khan, an hmaa thawnthu sawi a kan lo sawi thin te, kan lo thlir ve dahu dahu thin te kha a takin budget-ah rawn pharh in min rawn kawh hmuh ta a ni.

Kan department hrang hrang hmalakna han thlir hian a lawmawm tak meuh meuh in ka hria a ni. Chuvang chuan heng te hi sawi chhuah loh chi a ni lo reng reng a ni. Kan sorkar leh member te pawhin he department pawimawhna hi kan hria a, kan MLA fund atang te pawhin zirtirtu indaihlohma a ni emaw, building that loh naah te chuan i tang ho ang u aw ti hial kan ni a, chutiang khawpa kan ngaihmawh department-ah hian kan han zawhbelh, a fiah tulh tulh an hmalakna hi tha ka ti hle a. Tih tur zel hi kan kheh belh leh in ka hria a, chuvang chuan Pu Deputy Speaker, vawiia Minister te demand hi tlem angin a lang na a a tlem lo khawp mai. Pu B.D Chakma demand phei hi chu lui atanga vai hovin sangha an han khai haw diah diah te hi mitthla ah a lang a, hriselna atan pawh a tha, vawksa ei theilo tan pawh, Doctor ten, ‘i ei theih chu sangha’ min han tih a khan Zotui thiang tlan min han ei tir talh te kha lawmawm ka ti a. Chutiang chiah chuan vawiinah kan Education Minister zahawm tak in a department chan pahnih a chian zia thu House-a min han hrilh ngam te, pakhat Commerce & Industry leh Education chungchang ah bik ngun pui pui leh he department hian thang thar lo la awm leh zel tur tu leh fa te tan min lo thawh sak tak meuh meuh a ni. Amaherawhchu, Pu Deputy Speaker, aikal lak tih chungchang ah hi chuan han sawi leh hram ka duh a, nichina ka mumang a ni ang tih ka hlau mang e aw ka tih kha ka mumang ang a nih chuan kan hlim ngawt tawh ang. Thingtlanga kan nula leh tlangval ten hlawh kha full pay in an la ve thei tawh dawn a, chutiang ni lova ka mumang kha a tak a lo nih loh hlauh phei chuan tuna kan kal dan ah hi chuan harsatna kan tawk leh dawn a. A dan kan siam dawn a nih pawhin MLA concern te nen, District Authority te leh V/C concern te

nen rem kan ruatpuite pawh hi a tha ang a. Khawngaih takin a Ministry lam te, a Secretariat lam te, a Directorate lam te hian beng min lo chhit sak ula, universal level-ah Education hi kan hlangkai ve ngei ang tih hi ka ring tlat a. Chungte han sawi chhuah pah chuan heng kan demand pahnih te hi ka support a ni tih ka rawn sawi a ni e. Ka lawm e.

DEPUTY SPEAKER : Member sawi awm chuan kan sawi zova. Kan House Leader a la awm a, chumi hma chuan House consent lak a ngai a, dar 4:00 P.M kan pelh hmel a, Wind up te nen. Kan chawl ang a kan thukhawm leh dawn nge kan tlang law law ang? Tlang law law a tha em? tha maw. A nih chuan Opposition Leader Pu Vanlalzawma ilo sawm ang.

Pu VANLALZAWMA : Pu Deputy Speaker, ka lawm e. A hmasaa ka'n sawi duh chu kan Minister pahnih hming a lo lang a, ama tan sawi a nuam lo deuh hlek maithei a, Pu B.D. Chakma kan han tih mai, Dr. B.D. Chakma tih tur niawm tak hi 'Pu' kan ti mai a, aman a sawi a remlo mai thei a. Kan document ah engtinnge kan ziah a, Dr. B.D.Chakma tih hi a duh zawk te pawh ka'n ring deuh a. Medical doctor te, Ph.D Doctor te, kan thenawmpa Dr. H.L. Malsawma sawi dan phei chuan 'Dr. Silvera, Dr. Rinzuali tih te hi chu in dah lo palh a nih pawhin a la zia, keini hminga doctor in dah theihnghilh chuan crime a tling a ni,' a ti a. Chuvangin, kan Minister zahawm tak hian a hming ah Dr. tih dah sak hi a duh zawk em aw ka ti a, chu chu ka'n sawi kual duh a.

Tin, demand kan sawi rual in hmannah Fisheries department zaghna a chhanna pakhatah khan, 'Fish festival-ah khan opposition te pawh kan sawm vek a, in lo kal lova,' a ti a, Vanapa Hall-ah khan ka kal hman lova, kal hram kha ka duh a. Khami ni nge a tukah khan a hmunah Transport Office hnuaih chawhnu lam deuh hlek khan ka kal a, chu chu ka'n sawi duh a. Chutih rual chuan min lo dawsawn dan kha ka kalna rilru nen khan a inanglo khawp mai a. A thawktute khan, 'ka pu, i tlai lutuk, sangha lei tur a awm tawh lo,' an lo ti nghal ringawt mai a. 'E! ngawi teh u, ka rawn en kual hrim hrim duh a ni, Fisheries department hi ka ngaipawimawh ang reng si a, in thil tih dan te,' hi ka ti luam a. Kan kal ngei a ni tih hi kan Minister zahawm tak hian min lo hriat sak sela.

Fisheries department leh Sericulture te, Horticulture te hi land based economy an tih ang tak tak a ni tawh a. Mizoram-ah keimahni leilunga kan thar

chhuah ve ngei ang chi sangha te, pangang khawi kan han tih ang chi te leh thei te pawh kha a ni zel a. Khami a nih avang khan ngaihpawimawh a, tun aia inzirtir uar lehzual hi nichina member zahawm tak Pu Thanliana te han sawi ang khan, sangha chaw lamte pawh hi siam chhuah uar a, kha khan mi tam tak a lo encourage ang a tih kha ngaihtuah theih tak a ni a.

Tin, a chaw a free-a kan han sem te pawh hi a thatna tak a awm a. A ti tha peih manglo te pawh hian an han la a, a ti tha peih ho hian tlawmte tein an lo lei sak a, a riral mai lo viau a ni, heng sangha chaw han sem te pawh hi. (Ran chaw te pawh hi a ni tho mai a). A ti tha peih deuhvin tlawm te tein an lo lei a, a dil nei lian deuh ten. Khatiang khan kan that phah tho tho tih te kha sawi lan tha in ka hria

DEPUTY SPEAKER : Ngawi rawh aw lawk, nakinah a remloh takin. Nichina Dr. B.D. Chakma, Dr. dah leh dah loh kha Election Certificate-a a rawn kal ang zelin keini Assembly chuan kan lo record, Election Certificate-ah ‘Pu’ ‘Doctor’ tih a dah loh avangin, khalai record-ah khan doctor tih a awmlo a ni.

Pu VANLALZAWMA : Pu Deputy Speaker, ka lawm e. Ka rilrua lo awm kan sawi hmasa a ni a. Engpawhnise, a tha vek e. Khalamah khan thui tak ka sawi lovang a, helamah hian tan a ngai em em a. Keimahni ram chhung ngeia thawh chhuah ve thil a lo ni a.

Tin, Sericulture pawh khatiang tho kha a ni a. Pangang khawi te hi kan thiam ve theih tak a lo ni a. Pangang khawiho ka lawm em emna thin chu, Chawlhnai pawh hi an haw hman lova. A chhan chu pangang chaw pek loh a rem lo a ni. Khati khawpa inpek ngai a nih avang khan Mizo te pawhin kan lo ti thei viau tho mai a, a tul a nih chuan. Tam takin kan thatchhia, chuti khati kan han tih mek lai hian kei chu thatchhe zawnga han insawi te hi ka lo tlwmngai thin a. Pangang khawi tam tak te pawh hi Chawlhnai-ah ramah an riah chilh a, theihtawpin an pangang an enkawl a. Khatiang khawp khan kan taima a, a sum lo lut turte kan chian hi chuan. Tin, thil dangah pawh a ni tho, kan bazar-ah te pawh a ni. Aizawl bazar puiah pawh Zirtawp zan hian nu tam tak, pa tam tak, te hi an tlaivar a. A tuk Inrinni bazaar tuka thuthmun tha an chan theihna turin tam tak hi an tlaivar a ni. Chuti khawpa taima chu kan niin ka hria, kan chianah chuan. Tah hian pawisa

a lo lut dawn, hlawkna kan hmu dawn tih kan chianah hi chuan. Amaherawhchu, hlawkna hmuh tur chianglo-ah hi chuan kan taima tak tak thei lova. Heng Sericulture te, Fisheries te ang te hi kan luh fuh vek vek hi chuan kan thatpui viau thei a ni tih kha hmu ve te pawh hian ka inhria a. Chu chu he department pahnihah hian kan sawi belh ve duh a. Theihtawp chhuah a, sorkar ang pawha hma lak pui a, Sericulture leh Fisheries department te hi theih ang anga puah tur an ni tih hi kan sawi duh a.

A dawt leh ah chuan kan Minister zahawm tak Pu H. Rohluna demand-ah khan han lut ta ila. Commerce leh Industries hi kan ti mai a, a piaah khan Geology & Mineral Resources hi a la awm niin ka hria a. Hemi hming langlo ringawt pawh hi kei ka lai hi a lo na deuh a, department hranin kan kal pui tawh si a, engatinge Geology & Mineral hming hi a lan loh aw ka'n ti a. A chhan chu he department hi a pawimawh em em mai a, Commerce leh Industries kan han combine pawh hi a tha tur zawk ngaihtuahna atanga kan hotuten an ti a nih chu ka'n ring a. Amaherawhchu, ram hmasawn zelna tur atana border trade kan han tih ang chi te, kan thenawm ram te nena relation han siam chhohna turah te hian Commerce hi a pawimawh em em mai a, Industries te nena kawp te pawh hi a rem riau tho mai a. Amaherawhchu, Industries taka pawh hi kan hria a, department upa tak, engemaw zawnga thlir phei chuan department thang vak lo emaw ni aw tih te a ngaihtuah theih a. Industries lian deuh kan han hriat ISPAT te chu hnam dang kuta lut a lo ni daih mai a, hnam dang kut hmanga kan thawh a lo ni daih mai a, khatiang kha a lo ni a.

Hetiang hian Industries leh Commerce department - a Mizo hotute hian a ngaihna hi kan hre tawk lo nge ni? Hei hi khawvel thang zela thang tur department pahnih an nih lai hian keini ramah hian a thang vak lo ti zawngin sawi ta ila, tumah kan va demna pawh ni chuang lovin. Hei hi kan Ingaihtuah chian a tulin ka hria a. Khawvel dangte nena thil kan tihho dawna khawvel dang ruala kan pen dawn a nih si chuan he department pahnih hi kan tih chak ngei ngei a ngai a. A bik takin border trade hi kan ngaihpawimawh a tulin ka hria. Tun hma deuh khan Home Minister-in North East M.P te min koh khawm tumin ka ti

chiam mai a, kan Home Minister kha a lawm vak lo hian ka hria a, khatih laia Home Minister kha L.K. Advani a ni a.

'Mizoram kan economy hniam nachhan pakhat hi chu 1947 hma lamah Mizoram hi heti takin kan rethei lo. Amaherawhchu, 1947-ah India ram chu independent kan lo ni a; tichuan, international boundery-in min lo vet kual ta a. Corner pakhatah chiah kan chhuak thei a, north corner Assam-ah kan thil mamawh zawng zawng chu heta tanga kan lakluh a ngai a, kan neih ang zawng zawng leh kan hrall tur ang zawng zawng pawh chumi kaltlanga kan hrall chu a ngai a. Tun hma independent hma lam kha chuan kan mamawh zawng zawng a hnai ber atangin kan lam thei a, Burma lam atanga kan mamawh kan lam thei a, Bangladesh lam atanga kan mamawh kan la chho leh mai thei a. Chutiang chiah chuan kan thil neih kan han hrall tur ang chi pawh Burma duh chi a nih chuan a lut chho mai a, Bangldesh in an duh a nih chuan a lut thla mai a ni. Mahse independent atang khan internaltional boundary-in min hual a, kan sawhthing hrall ve tur ang ang pawhin chhim tawp atangin hmar tawp ah kan phurh chhuah a ngai a. Chuvangin changkan ngaihna hi a awm lo a ni, kan economy pawh hi a hniam hret hret a ni,' tiin ka sawi a. Khatia independent hmalam han fak viau pawh kha an lawm lutuk lo em maw ni chu aw ka ti a. Kan Home Minister pawh kha a lawm vak lovin ka hria a, mahse chu chu kan dinhmun hi a ni. Tuna kan retheih viau nachhan pawh hi lehlamah chuan kan mamawh zawng zawng Vairengte lam atang chauhva a luh theih vang hi a ni a. Kan hrall chhuah ve tur pawh khami kawng chauh kha kan hmang thei a. Chuvangin changkan viauna tur hi a awm lo a ni, kan mamawh te hi engatinge Guwahati kher atanga phurh a ngaih, rod leh cement tih ang te? Kan kawmthlang lawk atang hian a phurh ve theih mai lawm ni? Kan lo indang ping nasa em em a ni. India ram state changkang tak tak Haryana te pawh kaw khatah chauh chhuakin lut se an changkang thei lo mai thei tih te ka sawi tleng thin a, tunah pawh hian Mizoram pawh hi a la ni reng a ni. Trade & Commerce lam hi kan ngaihpawimawh a tul khawp mai, kan thenawm ram te nena kan inlaichinna te leh kan insumdawn tawnna hi. Ka hriat sual loh chuan Mizoram Peace Accord-ah pawh khan border trade te pawh hi ngaihpawimawh turah khan a lang tel a.

Mahse kan ngaipawimawh tawk lo deuhvin ka hria a ni. Chutih lai chuan he border trade kher kher hi chu Aizawl atanga kan rel theih chiah loh hi a awm a, Aizawl leh Dhaka direct-a kan indawr ngawt theih lohna thil a ni a, Dhaka leh Delhi a ngai a, chung avang chuan he lamah hian tan a ngai hle a ni tih ka'n sawi duh a. Kan Minister te pawhin min hriatsak se ka ti a ni.

Heta lang lo Geology & Mineral Resources kha sawi ka duh leh a. An hotute kan zawt thuak thuak a, he department te reuh te hian sum an la lut tha khawp mai a. Lung leh rawra, balu tih vel atang hian nuai 500 zet an hmu a', chuti chung chuan anmahni inenkawlna tura pawisa kan pek hi a tlem em em mai a ni. He department hi tunah chuan leimin awm hlek se kan au nghal a, han chetvelna tur motor pawh an nei lova, petrol pawh an nei tlem lutuk a ni. Champhai lamah te, chhim tawp pawh ni se leimin a awm chuan anni hi kan rilru ah a awm nghal a ni. He department hi tih chak vat a tulin ka hria a, tunah pawh Bible House pawh a chhia a, a chiah hre lo mah ila khatah pawh a pawimawh hmasa chu he department staff hi an pawimawh hmasa a ni. A hrim hrim in leimin awmna ah chuan an pawimawh nghal tlat a ni. He department hi tihchak a ngai em em a chutih rual chuan leihnuai lam hausakna hmuhchhuah kan tum a, kan buai em em bawk nen hian, he department tihchak hi he ram hmasawnna tur hi a ni in a lang a ni. Nichina kan sawi ang khan rawra te, balu te hi a man hi an duh duh hian an chhiar mai em ni aw ka ti a, hei hi ngaiantuah chian a tulin ka hria. Quarry neitute khan rawra trip man te kha an rawn ti sang in ka hria a. Hengte pawh hi hetiang ringawt tur hi a ni dawn em maw ni le? Control deuh tur a ni dawn lawm ni? Sa man te pawh kan siam a, tiang khan sorkar hian rawra te, cement te pawh hi a rate a siam tur a ni dawn lawm ni? Quarry neituten an siam mai a fel tawk loh deuh em aw ka ti a ni. Chu chu kan Minister te pawh hian min hriatpui se, hmalak chi a ni dawn lawm ni tih ka sawi duh a ni.

Tin, Traffic te pawh hi han sawi lawk ila, Quarry neiin a sawi chu, 'hmasawnna tur ber chu rawra leh balu te phurh luh hi a ni, a ti a, mahse Aizawl khawpui ah hian kan lut hlei thei lova, hengte hi chu zalen deuh hian min luh tir se chuan hmasawnna pawh hi a kal chak zawk ang,' tih a sawi a ni. A dik riau

dan kha a awm a, in kan sak hlekin rawra, balu kan mamawh a, mahse an luh theih hun a tlem em em a. Chutih laiin mihausa motor intawllen hi englai pawhin a lut thei si a, a ti a, dik riau in ka hria a ni. Hengte pawh hi ngaihtuah chian a ngai khawp mai a, hmasawnna ruhrel intanna tur chu khang kha a ni a. Chuvangin traffic movement thleng khan ngaihpawimawh ah nei ta ila, khatiang zawng khan inher ta ila, he ram hi a kang chak ang a tih te kha han sawi ka duh a.

Tin, Education-ah khan tuna kan buaipui mek zirtirtu chungchang te pawh hi ngaihtuahna thar hman ava tha em aw! Kan House Leader-in a sawi pawh kha a dik viau chuan ka ring a. Amaherawhchu, chuti chung chung chuan an fel tawk lo, an tha tawk lo pawh ni sela ngaihtuah hi an va ngai em! Nuchang pachangin thih huama chaw an nghei tawh chuan ngaihtuah hi ava tha em aw ka ti a ni. Ka'n en thuak thuak khan tuna kan budget -ah pawh hian anni ho chawikanna tur hi a awm lo ka ti a. Hengte pawh hi ngaihtuah tur a nih hi mawle! NEDP-ah te khan thun tel dan a awm em? Khang ah te pawh sum tam tak a awm a, anni ta tur pawh hi a awm thei lawm ni, kan budget ah hian tel chiah lo mahse tiin kan ngen pui a ni. Dr Thangtea kha ka'n zawt thuak thuak a, ‘engtinngé maw a hma te khan in lo tih ni,’ ka ti a. Ani min hrilh chu, ‘sorkar-a kan luh chhoh khan Operation Blackboard teacher 277 Congress sorkar lo lak kha kan ti nghet,’ vek a ti. ‘Kan hun lai khan Hindi Teacher 491 a vaiin 768 kan ti nghet,’ a ti. Chutih lai chuan min hrilh dan chuan, ‘CSS Hindi Teacher 1187 kan rawih mek kha sorkar thar alo pian khan an ban a, tichuan tuna 1305 hi an la ta a ni a. Hemite tihngheh hi chu an bat ve liau liau a ni, tih kha min hrilh a. SSA a ni emaw , CSS thil a ni emaw a hunah pawisa kan dawng lo kan tih hi, a chhan an sawi leh kei pawhin ka experience-a ka lo hriat ve nual chu UC hi kan thehlut tha tawk lo thin a ni, tunah pawh a lo la ni reng a. A hminga ka MP ve lai pawh khan, ‘hei hi min lo bawhzui sak teh,’ an ti a, kan han leng lauh lauh a, kan han bawhzui a. Mahse khu lamah chuan thil hi an lo chiang khawpin ka hria a, file changtu kan va thlen hian, a file keu hma hian mi hi a hrilh teuh thei a ni. Chu chu ka han sawi kual nachhan chu an file an hre chiang khawp a, file an ban dan dan pahin, chutiang khatiang chu niin ka hria, he lai ah hian chutiang khatiang in la ti lo, tih hi an rawn sawi thin a ni. An keu khan mi an

confirm pui mai thei a. Ka han sawi nachhan chu an file chan te an hrechiang em em a, a tam ber hi chu, sanction in hmuhna a rei tawh a, UC in la rawn ti lo,’ an tih hi chuan hnar hi a lian duh khawp mai a ni. Chu tho chu a ni e an ti a, he lai thil ah pawh hian, SSA leh CSS thil a pawisa kan hmuh tlai thin chhan hi. Chuta ka han hriat zui zel danah phei chuan, an tih tlai nachhan hi thu dang a awm leh a, a hmanna lo tur ah hian kan lo hmang nual thin a, chu chu a hmangtute khan a ziah fel hi an mawh leh tawh si lova, ziak feltu tur te an phur lo ta lutuk thin a; tin, a kawi a kawi a ni tih thu hi ka hria a ni. A hmanna tur ni lo ah kan hmang a, a hmangtu ni lo in a ziah fel ngai lai hi a ziak feltu tur te an phur lo lutuk hi an muangchang a, tihian kan tlai vek thin a ni, tih sawi te hi a awm a ni. Chung te a nih phei chuan kan inen chian hi a ngai khawpin ka hria. Khulam khu chu dan naran in tih tur ang ang tih hi chuan awlsam te hian an rawn ti leh mai thin a, engemaw an hriathiamloh han zawh vel a awm zeuh zeuh thin na in, heng ah te pawh hian, tuna Hindi Teacher kan sawi rual khan heng te pawh hi kan ngaihtuah that deuh a ngai a, a bik takin official lam te pawh kan tur nat deuh te pawh a ngai in ka hria a. Nichina ka sawi ang deuh khan heng kan Hindi Teacher te tuna nu chang, pa chang thih ngama chawnghei mek te hi chu ngaihtuah deuh a va tha em ti in ka han ngen pui duh a ni. Pu Speaker, ka lawm e.

SPEAKER : Awle, nidang aiin sawitu kan ngah a, 18 lai in heng demand pali ah hian sawina kan neih a ni. Tunah chuan a sawihona kha chu kan duhtawk tawh mai ang a. Kan Minister zahawm tak Pu H. Rohluna kan sawm ang a, sawihona kha han khaikhawm sela, pass rawn dil nghal bawk se.

Pu H. ROHLUNA, MINISTER : Pu Speaker, member zahawm tak tak ten ka demand an sawina ah, ngaihthlak hrehawm pawh awm lo in, thahnem ngaihna leh lawmthu sawina aw te kan han hria hi ka lawm em em a. Ka thawhpui, a bik tak in Parliamentary Secretary leh department-a thawktu zawng zawng te aiawh in lawmthu ka han sawi hmasa a ni.

A sawitu hi 18 lai an ni a. Commerce & Industries lamah member 15-in demand min sawi sak a, han ti hmasa zawk ta ila. Pu Speaker, a vaia ka react dawn chuan hun ka duh rei lutuk ang a, a tha lovin ka ring a. Member zahawm tak Er. Lalrinawma te angin ka tawng rang thiam ve si lova, chuvangin hun ka lak rei lutuk palh ka hlau a, pawimawh zual ni a kan hriatte ka han sawi lang ang a. Kan opposition group leader

zahawm takin a sawi angin Industries department leh Trade & Commerce department hi tun kum kal mek ah amalgamate a ni a, department pakhat Commerce & Industries a ni ta a, department pakhata a kal hnu a budget vawi khat pharh vawi khat na a ni tun tum hi. Chuvang chuan thil chhinchhiah tlak tak a ni awm e. (SPEAKER : I sawi lai khan, department pakhat-ah chhunfin an ni tawh ti na.) Aw, department pakhat ah, Trade & Commerce hi a hranin a kal tawh lova, Commerce & Industries tih a ni tawh a ni.

Pu Speaker, member zahawm tak ten NLUP lama kan hmalak na min han fak der te (rilru tak te pawh a nih ka ring a) a lawmawm em em a. Member mal te te hminga sawi chuan Pu Speaker, a rei lutuk ang a, apawimawh deuh lai hi sawi rik mai tha in ka hria a. Luangmuala Apparel & Garment Making Centre din thar hi central project a ni a, nikum June 6, 2016 khan Union Textile Minister-in a rawn hawng tawh a, chu chu tunah hian tha taka function turin kan buatsaih chho a, a enkawltu tur leh hmala tu tur pawh an in bun chho tan a. Vakiriaiin production unit pakhat an enkawl dawn a, Computerized Embroideryin production unit pakhat an enkawl dawn bawk a, Vocational School of Education-in skill unit pakhat an din dawn bawk a. Khawl tha tak taka thuam a ni a, production centre pawimawh tak a ni dawn a. Nakin zelah phei chuan keimahni ram chhunga kan hman tur mai ni lovin ram pawnna thawn chhuah tur tham siam chhuahna tur a ni a. Kan beisei anga a kal tluan chhoh chuan kan ram tan ro tling tak tur a ni.

Tin, CTS (Central Transport Subsidy) chungchang hi a tirah khan CTS tih a ni a, Freight Subsidy-a thlak a ni a, tunah chuan CTS tih chu an rawn tinung thar leh a. Central lam in a hming an thlak an thlak a, kan industrial unit neitute tan pawh buaithlak tak tur a ni a, ngaihven chak deuh lo tan phei chuan. Carpentry tools chungchang leh puanthui khawl subsidy-a pek hi sawi rik zauh zauh thin a ni a. Hei hi NLUP kan kalpui a, heta tui tak tak te chuan NLUP lamah te pawh an dawng a, chuvang chuan a hranpaa kalpui a ngai tawh lem em ni tih ngaihtuahna sorkarin a nei a. Amaherawhchu tunah hian member zahawm tak tak te sawi rik ang in a pawimawhna hi hriat chhoh zel a ni a. Chuvangin NEDP lam atangin tun kan budget 2017-2018 ah cheng nuai 143 lai min dah sak a. Hei hi kan sem leh theih kan beisei a ni.

Handloom chungchang ah tuna kan la hman mek hi acrylic yarn a ni a. Hei hi natural fiber-a thlak department in kan tum a. Chumi kawnga hma la tur leh marketing

thleng pawha ngaihtuah turin tun kum kal ta khan Handloom Research & Promotion Council din thar a ni a. Chu chuan marketing, ram chhung leh ram pawn thleng leh a design te thleng pawh in hma a la ang a. Handloom lama tui mi leh mithiam tak tak te memberah an awm a. Chutiang chuan hei hi kalpui tum a ni a. Acrylic yarn hi keimahni ram chhungah chuan natural fibre, cotton-te aiin kan lo hman than leh a rawngte mit la zawka kan hriat vang nge thlak harsa kan puantahtute hian an ti hrih a. Mahse vun tan hian sawisel hi a kai deuh thin avangin hnam dang hian member ten an sawi rik ang khan an duh vak lo va. Chuvang chuan intenational level-a export tur phei chuan banned titih deuh niin kan hria a Market tha zawk a awm theih nan natural fibre-a kan la te thlak a pawimawh em em a, chumi tur chuan tunah hian department hian chak takin hma a la a. Tin, kan weavers te pawh hemi chungchangah awareness pek chhoh zel an ni. Kan weavers te zingah hian tunah natural fiber hmang tan eng emaw zat chu an awm tawh a ni.

Tichuan, Food Testing Laboratory chungchang hi a pawimawh em em mai a. Thil eisual, food poisoning etc. test-na mai tur kan ram chhungah kan nei mumal lo va. Chuvangin a chak thei ang berin hma lak chhoh ni se kan ti a. Mahse Thenzawl lama inbunna tura a in lo sak tawh leh ram kan neih tawh kha kan duhthusam ang in a luah mai hleih theih lo va. Chuvang chuan Lab atana hmanrua kan lei tawh te pawh hi Ayush building, Zemabawk-ah dah rih a ni. Chutah chuan function tir phawt mai ni se tiin tunah hian hma lak chhoh mek a ni.

Tin, PMEGP chungchangah hian bank lam hian thu an nei lutuk deuh a ni lawm ni tih hi sawi rik fo a ni a. Department-in a theih ang ang in hma kan la a. Keimahni hmalakna piah lamah kan Chief Minister te, kan Finance Minister te thleng pawh in hma an la a. Amaherawhchu kan duhthusam anga kal diak diak theih a ni lo va. Tin, kalphung thar ah a dilna pawh online-a tih tur te a lo ni a, internet te a lo tha tawk lo va. Task Force recommend tawh bank han thleng tawh te pawh Bank Manager te hian a diltute hi an rin tawk te an nih loh chuan a pawisa pek chhuah hi harsa an ti ve em em bawk a. A theih ang angin hma kan lak pui reng a. Hma hi chu kan sawn hret hret chuan kan hria a ni.

Tichuan, Commerce lama hma lakna deuh ber thin hi tun hma atangin ASIDE scheme a ni a, central-in 100% a tum thin a. He scheme hi 2015 kum tir lam

atanga tih tawp (delink)a nih tak avangin tunah hian harsatna kan tawk a. Commerce lam hian infrastructure, market shed leh thil dang dang kan lo tintuah tawh, hma pawh kan lo lak tawh, building kan sak laklawh lai te pawh chhunzawm hlei thei lo in kan awm chho a. Chungte chu tunah hian a theih ang angin NEDP atangin hma min lak pui a. Thenzawl a Handloom Export Promotion Hub buatsaih mek cheng nuai za chuang lo sen tawh na, ASIDE tih tawp avanga chawlhsan pawh tunah hian NEDP atangin cheng nuai 755 vel seng in hma lak chhunzawm tum a ni a. Chutiang chuan Lunglei lamah pawh hma lak chhunzawm tur kan nei a ni.

Tunah hian kan hriat dan chuan Commerce Ministry for Scheme, TIES (Trade Infrastructure for Export Scheme) March 15, tun thla khan ASIDE Scheme thlakna tur a guideline an chhuah a. Chumi chu hman theih a nih chuan hna thui tak kan thawk leh thei ang tih kan beisei a. Beiseina sang tak nen kan thlir mek a ni.

Tin, Baktawng-a carpentry cluster chungchang hi Pu Speaker, Er.Lalrinawman a bial chhung a ngaih pawimawh em em kha a ni a. A theih ang ang in department pawhin hma kan lak pui a. Tunah hian MSME Ministry hnuiah hian cluster development scheme hnuiah DPR buaipui mek a ni a. Project implementing agency atan Indian Institute of Entrepreneurship tunah hian kan hmang chho mek a ni.

Tichuan, Pu Speaker, kan handloom product patent chungchang kha member te pawhin an sawi chhuak a. Hei hi a pawimawh em em mai a, kan product te a neitu nihna kan neih loh chuan a duh duh in kan design te an lo copy a, kan hnam ro te min lak sak kan hlau em em a, helamah hian a chak thei ang ber in hma kan la a. A nodal department hi Science & Technology lam an nih avangin anni hian an theih ang angin chak takin hma min lakpui a, thui tak pawh an thleng tawh in ka hria a. Kan hnam ro, kan design mawi tak tak te, kan Mizo puan te leh kawrchei te a neitu nihna kan chan (neih) theih zelna turin theihtawp chhuahin hma kan la a ni tih House ka'n hrilh a ni.

Tin, MIFCO privatization restructuring hi kalpui chhoh mek a ni a. Corporate restructuring consultant hi privatization tih nan hian ZIDCO nen Finance Department- in expression of interest an koh ang in tunah hian thlan mek an ni a Consultancy firm te nen hma lak a nih chuan tluang takin a kal chho zel thei ang

tih ka beisei a ni. Chu chu Commerce & Industries lamah chuan a pawimawh zual deuh tak tak ka'n sawi theih ni mai se Pu Speaker, a tha in ka ring a.

Member zahawm tak Pu John Siamkunga'n (amah a awm lo a ni maw) a nih chuan ka sawi ri tawh lo mai ang e, Check gate chungchang kha.

Tichuan School Education lamah Pu Speaker, kal leh ta ila. Member zahawm tak Opposition Group Leader-in a sawi chhuah UC thehlut tha lo tih hi, tuna CSS Hindi zirtirtute chungchangah pawh hian sawi rik a awm a. Hei hi Pu Speaker, anni hi kum kalta ami central-in an hlawh tur a rawn release kim hunah Accountant General atanga audit a nih loh chuan an pawm lo a. Chu chu a nih avangin anmahni (AG) tih ngei ngei kha a ngai thin a. Chuvangin tuna 2015-2016 pawisa min pek kim kha nikum August-ah khan a ni a, tichuan pawisa kan dawn fel a kan account-a a luh hnu ah Accountant Auditor General (AG) audit turin kan ngen a. Thla khat leh ni 17 chhungin audit an complete (zo) hman a, kan thawn thla a ni. Department ang hi chuan kan inchhuang ve hle a ni. CSS Hindi zirtirtu ho hlawh tur min pek UC leh audit atan internal audit mai hi khulamin an pawm loh avangin a buaithlak em em mai a. A bik takin CSS Hindi zirtirtu ho hi kan hah pui em em a, he House-ah hian chu chu kan sawilang tel duh a ni. A chhan chu 2014 he department kan hotuten min enkawl tir atangin kan buaipui phat a. Kum 2014 January thla ah khan kan Chief Minister zahawm tak, kan House Leader-in Prime Minister, (khatih hunlai kha chuan Dr. Manmohan Singh a ni a) hnenah lehkha a ziak a, chu chu HRD ministry a thlen hun awm ah Union Minister khatih hunlaia HRD changtu kha kan Parliamentary Secretary te, kan MP Pu C.L. Ruala te nen a office -ah kan va hmu a. Ani kan hmu zawhah Secretary kan hmu leh a, chutiang chuan 2014 kum tir atangin kan lo buaipui tawh a ni.

Tichuan MP intlan alo ni a, ministry alo intlhak a, MP intlan hmaa kan han ngenna chhan pawh, dik tak chuan Congress kaihhruai ministry UPA kha tla palh ta sela, a terminal year 2017-ah hian harsatna kan tawk palh ang tih kan hlau daih tawh a ni. Chuvangin a thu in a pawisa chu a ngailo a, plan period beyond 2017 hi UPA ministry khan min extend sak se tiin kan zuk nawr tawh a. An tawngkam leh min lo dawsawn naah a tha viau nain rin aia hma in MP

inthlan kha puan a ni ta a, action an lak kha a hlawhtling hman ta lova. Ministry a lo inthlak chuan CSS Hindi zirtirtute min petu ni lo a lo sorkar ta a, Sorkar thar a lo din hnu 2015 atangin theihtawp chhuah in kan nawr zui a, Pi Sonriti Irani, HRD Minister pawh a Office-ah ngei hmu in CSS Hindi teacher te thawh hun kum 10-a pawt sei turin kan ngen a. Official lamah pawh a theih ang angin kan nawr zui reng bawk a. Nikum June 20, 2016 khan kan CM zahawm takin Prime Minister hnen ah lehkha ziak in kum 10 dang extend turin a thlen a. Chumi hnu ah Minister an lo inthlak leh a, Minister an in thlak chuan ministry-a thawktu pawh an lo im thlak ve zel a. A bul atanga tan zel a ngai a, a buaithlak khawp mai. Kan theih tawk chuan kan nawr reng a ni. October ni 26, 2016 ah tuna Union Minister of HRD Pu Prakash Jawadekar a office-ah ka sawi pui a, ziak in lehkha ka pe bawk a. Tin, a thla leh November, 2016-ah Delhi-ah meeting danga ka kal leh avangin MHRD Additional Secretary, Delhi-a kan Principal R.C nupui, Pi Reena Ray-i a office-ah, ama hnuailam a officer a changtute nen pawh kan sawi ho leh a. Kum in January ni 25, Republic Day hma ni chiahin HRD Minister a office ah Parliamentary Secretary Pu Joseph Lalhimpua nen kan hmu leh a, an tawngkam chu a tha tho thin a, mahse evaluation tih phawt a ngai an lo ti zel a. Tunah hian evaluation ti turin an rawn intir chho dawn a, April ni 10 hma hian an lo kal theih kan beisei a, information kan collect te hi kan thawn thla dawn mek a ni.

Pu VANLALZAWMA : Pu Speaker, in beihna zawng zawng kha ropui kan ti, in ti tha kan ti. Mahse a hlawhchham ta si a, he budget-ah hian hemi atan hian pawisa adah thei lawm nile! Lo hlawhchham zel ta pawh ni ila budget hi kan siam a ni tawh tho a. A buaithlak zia hria in chuta tan chuan kan han ngenpui a ni. NEDP-ah pawh kan dah thei mai a. Khatiang khan heng ho hlawh tur hi a dah ve theih tho lawm ni?

Pu H.ROHLUNA, MINISTER : Pu Speaker, sorkar tan chuan ngaihtuah tur hi a tam khawp mai a,. Tunah hian an beidawng a ni maithei a, mahse keini chuan chance la awm in kan hria. Ministry pawh in he scheme atan hian 2017-2018 budget-ah hian Vaibeichhe 125 an dah a.(SPEAKER) Kan hriat angin Education hi concurrent list ami a ni a, kan thu thua) tih danglam a har a ni. Pu Speaker, sawi tur a tam a, mahse duhtawk mai ila. Operation Blackboard (OB) leh Education Volunteer zirtirtu regularise

chungchangah i veilam a mi te hun laia an lak ho kha kan sorkar hnu ah za tel chu kan regularise ve tho a ni.

High School-a Science leh Maths Zirtirtu kan tlakchham thu member ten an sawi hi House-ah pawh kan sawi zing tawh a. Tunah hia MPSC-in post 111 atan advertisement an chhuah a an buaipui mek a . Department hi chu kan hmanhmawh khawp a, mahse MPSC hi an phur a rih ve tak em avangin duh angin an hmanhmawh thei lo va. Beisei aiin dil tu pawh kan hmu tha a. Written exam neih hial pawh a ngaih hmel a ni. Hei hi kan lak hun ah chuan High School-a Science leh Maths zirtirtu neilo te pawh thui tak kan phuhruk theih kan beisei.

RMSA School-a B.Ed train lo tih mai theih dan awm se tih pawh hi Science leh Maths graduate ho ah hian B.Ed zo hi kan ngahlo lutuk a. Central-in min insist deuh mahse a theih ang anga zirna kalpui kan duh si avangin rem ruat chhoh zel dan pawh a la awm tur ah ngai ila.

B.Ed train avanga High School-a zirtirtu indaih lo tih chungchang ah pawh B.Ed multi mode, regular-a class ngai lova ruahmannangah hi chuan school chawlh, class neih loh lai te, exam chawlh lai te in an han ti zak zak a, zirna ti buai lutuk lo tura ngaih a ni. Hemi chhuanlam a zirtirtu thenkhatin harsatna an lo siam a nih chuan thuhran nise, enzui phei chu a ngai mai thei a ni.

Election-a duty tura zirtirtu te phut chungchangte an rawn sawi a. Diktak chuan zirtirtu ho pawh hian zirtirna an kalsan tam lutuk hi an inthlahrung khawp mai. Mahse election duty leh census-ah te zirtirtu te tluka rintlak leh remchang an la awm rih lo a niang. Mizoram-a CEO hnen ah pawh hman deuh khan tawngka-in ka sawi tawh a, mahse ‘a harsa a ni’ an ti a. Harsa an tih miau chuan siamrem a la harsa rih a ni maithei

Tichuan East Lungdar a RMSA teacher post sawn tih kha East Lungdar-ah hian RMSA School a awmlo hrim hrim a. High School-a RMSA Secondary School zirtirtu Kolasib ami emaw attached a nih ka ring a. Tunah hian House-in min hriatpui tura ka duh chu RMSA Secondary School-a thawk Adhoc Aided H/S nen inthuahna a zirtirtu hmun danga attach hi an lo tam em em mai a. RMSA Secondary School tha taka a kal theihna turin kan repatriate vek a ni. Chuvang in school thenkhat ah hei hi min sawn sak ti te pawh a awm maitei a, hriat chianloh na avangin RMSA school, an thawhna parent post-ah let turin tunhnai ah order kan chhuah a ni.

Tin, a hma khan lo tih fuh tawk loh deuhhlek a awm a. Adhoc Grant-in- aid High School leh RMSA school lo kal kawp school engemaw zat a awm a. Chu chu a hranpaa han lak hran dawn chuan RMSA school zirtirtu hmun danga attach te kha an parent post ah an let leh a ngai a. Chumi tur chuan order kan han chhuah a ni. Tin, Pu Speaker, Primary School lamah, zirtirtu kan indaih lo em em mai a. Chawhma lam te khan pupil teacher ratio te an sawi a, hetia han chhut mai hi chuan a awm angreng viau a, mahse teacher class room ratio zawnga zuk ngaantuah khan kan indaih hleithei lo a ni.

Naupang kha tlem angin lang mahse pawl khat, room khatah naupang pahnih lek an awm pawhin zirtirtu pakhatin zirtir tho a ngai a. Pawl thum ah naupang pathum lek an awm pawhin zirtirtu pakhatin zitir leh tho a ngaih avangin a class wise- a han chhut khan a indaih hleithei tlat lo mai a ni. Kan ratio hi a chhe em em thung a ni. Tunah hian Primary School-ah vacancy 700 bawr vel kan nei mek a. Chuvangin a har khawp mai a, sem rual ngaihna pawh hi hre vak bik tawh lo a ni. A department atang pawhin a buaithlak khawp mai, kan member zahawm tak tak te pawhin in bialah zirtirtu an lo indaihlo deuh hlek a nih pawhin min hriathiam hram hram he House kaltlang hian ka ngen che u a ni.

Government High School general teacher pawh kan indaihlo angreng khawp a, member zahawm tak Pu Sangkunga pawhin a bial Vanzau High School zirtirtu an tlem thu a sawi kha. General teacher tur 144 lak phalna chu DP&AR leh Finance lamah kan dil leh phawt chu a ni a. Kan hlawhtlin chuan zirtirtu indaih zawkin kan awm thei ang tih kan beisei a ni.

Tichuan tun academic session atangin Model school kan kalpui a, zawngchhang tlak dawn viau in Pu Speaker, kan hria a. Primary School pakua leh Middle School pakhat ah tun kum kal mek ah hian zirlai naupang admission pawh an ngah sawt viau a ni tih report feed back-ah kan dawng a, kan lawm khawp mai. Tin, English medium a kal pui a ni a, private English medium tha tak tak pawh el pha tura puahchah an ni a, Zirtirtu pawh tha deuh nia hriat te kan lawr khawm deuh a. Duh angin zirtirtu thlangchhuak thei chiahlo mah ila chutichung chuan heng school te hi tha tak tak in kan din chhuak a ni tih ka'n sawilang tel a.

Tichuan Middle School pakua ah tun session thar atang hian Govt. Model Middle School, tuna Govt. Primary Model School te angin kal pui leh tum a ni a.

Government Middle School 9 kan thlang chhuak tawh a. Govt. Primary Model School-te building leh class room NEDP sum in chei that mek a ni. Government Higher Secondary School pawh zirlai kan ngah em em a, an tawt lutuk a, school building in a zo lova. Chuvang chuan NEDP atangin additional class room kan sak sak dawn a ni. Saiha bialtu MLA zahawm tak in Siaha Govt. Higher Secondary a sawi pawh '15 lakhs in additional class room kan sak belh dawn a ni.

Mid-day meal cooking cost or conversion cost, cook leh helper honorarium chungchangah cook honorarium chu March thla thleng a pawisa kan pe tawh a. Cooking cost pawh vawiin hian tun March thleng an release hman ka beisei.

Tichuan Headmaster promotion chungchang Primary School, Middle School leh High School-ah RR siamthat a ni a, Headmaster promotion hi seniority chauha kalpui thin a ni a. Mahse a tam zawkin an decline zel avangin Recruitment Rule siamthat a ni ta a, hman theihin nikumah peih tawh a ni. RR thar ah chuan Limited Departmental Exam a Headmaster kai theihna tur dah thar a ni. RR thar ang chuan 50% seniority leh 50% LDE in dah a ni.

Tun ah hian a vacancy period mil in RR thar ang chuan Government High School Headmaster post ruakte fill up tura hma lak mek a ni. RR thar neih hmaa vacancy awmte chu RR hlui angin kalpui a la tul dawn a. Amaherawhchu R.R. thar nikuma kan neih tawh hnuu vacancy erawh hi chu L.D.E in a kal tawh dawn a ni. Chutiang chuan Middle School Headmaster leh Primary School Headmaster pawh a ni dawn a ni.

Pu Speaker, sawi tur hi a tam angreng a, mahse hun ka hmang rei tawh si a, ka duhtawk dawn mai ang a. Sainik school chungchang chauh hi member ten Pu Speaker, an hriat duh ka ring a. A tirah chuan Home Department-in bul an han tan chho va, infrastructure pawh an din chhoh a ni a. Tunah hian school hi run tur a lo nih takah chuan School Education Department kutah a lut lo thei lova. A tir bul tanna ah chuan naupang seat awm zat hi 50 tura tih zet a ni a. Diltu a tirah an tlem deuh a, advertisement a theih ang angin, video clip te nen an han beih chhoh takah khan, diltu pawh an tam ta a. Seat 50 atangin 60 min phalsak ta a, pawl 6 a tan tur a ni a. Tichuan thawktu turte pawh advertisement chhuah tawh a lak chhoh mek a ni tawh bawk a. Kan sorkar in zirlaite tan scholarship tha tak a ruahman sak a.

Category-1, Schedule Tribe, income thla khata `50,000 tleng lalut tan chawi tur a awmlo a, a thlawnin a ni dawn a. Tin, general tan chuan ` 25,000 thla khata lalut tan a thlawn a ni dawn. Category II `50,000 atanga `1,00,000 lalut tan state in 50% a tum sak ang a, zirlai nu leh paten 50% an tum ang. Tin, category III-ah hian Schedule Tribe tan `1lakh chunglam lalut an nih chuan 100% an nu leh pate an chhungten an tum dawn a ni, chutiang chu an scheme kalhmang a ni a. A thawktu tur pawh ka sawi tawh angin, Principal in charge te nen an buaipui chho mek a ni. Pu Speaker, kan duhtawk tawh mai ang a. Kan react fuh loh deuh te, kim lo deuh laite a awm thei a, chungte chu a tul a nih chuan member zahawm tak tak ten office lam ah engtik lai pawhin hun remchangah kan la inzawt zel thei turah ngai ila a tha in ka ring. Tichuan Pu Speaker, ka demand no.20-na School Education Department `9,86,92,97,000, demand no. 40-na Commerce & Industries Department `1,33,42,63,000, a vaiin ` 11,20,35,60,000 hi he House zahawm tak hian min pass pui turin ka dil e.

SPEAKER : Aw le, tunah khan kan Minister zahawm tak Pu H.Rohluna'n a demand pahniha pawisa hman tur House pass pui a rawn dil a. Demand no. 20 leh 40-na hnuaia department 2 ten an pawisa hman tur belh khawm chu ` 11,20,35,60,000 a ni a, hei hi pass rem ti zawngin 'rem ti' ti ru le. (MEMBERS : Remti) Rem ti lo kan awm em? Awm lo. Tichuan School Education Department ten Commerce & Industries Department, kum 2017-2018 chhungin an pawisa hman tur belkhawm `11,20,35,60,000 chu he House hian lungrial takin a pass ta a ni.

Pu H. ROHLUNA, MINISTER : Pu Speaker, ka lawm e.

SPEAKER : Tunah chuan Minister zahawm tak Pu B.D.Chakma kan sawm tawh ang a. Khaikhawm sela, sawihona kha pass rawn dil nghal tawh sela a tha ang e.

Pu B.D. CHAKMA, MINISTER: Pu Speaker, ka lawm e. A hmasain introductory speech tlem ka nei ang a. Budget chungchangah kan department pahnih demand no.35,

Fisheries Department leh demand no.41-na Sericulature Department hi chu department te tak te a ni a. Tin, budget bu hi ka en a, nizanah pawh ka chhiar ka chhiar a, budget bu rih zawg chu kg 5 vel a ni ang a, mahse kan department pahnih tangka kha chu 100 grams vel pawh a tling dawn emaw ni le! Engpawhnise, doctor kan nih angin rilru na chungin, vui lek lekin damlo kan enkawl thin a ni a. Chuvang chuan Pu Speaker, nangma lam atangin kan Chief Minister zahawm tak leh Finance Minister zahawm tak hnenah ka ngenpui ang, ka dilpui ang i tih loh chuan dar 8 thleng ka demand ka han sawi dawn emaw ni ka ti a ni.

Engpawhnise, kan demand pahnih hi up side down-in ka ti ang a, Sericulture hi a hnuailam zawk a ni a. Demand no.41, Sericulture Department chungchang a ni a, react tur pawh a awm vak chuang lova. Sawiselna lam nilovin fakna lam ringawt a ni a. Chuvangin strong react pawh ngai lem lovin mild react chauh a tawk mai ka ring. Sericulture chungchangah member zahawm tak Pu Hmingdailova Khiangte hi ama bialah pawh Sericulture chungchangah hma kan la mek a. Chuvangin amah pawhin sawiselna lam nilovin fakna lam leh hei aia chak zawka kal dan tur a rawn sawi a, a lawmawm a. Tin, member zahawm tak Pu T. Sangkunga hi Muga Silk chungchange market value chungchang hi kei aiin a hre zawkin ka hria a. Muga Silk Market hi international market-ah pawh a man tawh lutuk a, 1kg hi '1300 bawr vel a ni a. Chuvangin, ama chungah pawh lawmthu ka sawi a ni. Muga lampangah amah hi enkawltu a nih loh pawhin experience chu nei tha se ka ti a.

Tin, member zahawm tak Pu R. Vanlalvena pawhin sawiselna lam nilovin fakna lam a sawi a. Mahse, traditional puan chungchangah tlem sawi belh ka duh chu, tun thlengin kan puan tha hi a quality tha tawk lo, national market-ah emaw, international market-ah emaw a tha tawklo tiin kan lang a. Chuvangin, a quality hi engtinge kan improve ang tih Sericulture lam atang pawhin kan ngaihtuah mek a, hma kan la mek a ni. North-East Regional Textile Promotion Scheme (NERTPS) hnuiah centre pathum kan sa mek a. Pakhat chu South Sabual ah complete tawh a ni a, common facility centre, farmer hote hman turin hemi building ropui tak hi an hman atan sak a ni. Tin, Sericulture Complex, Saltlang construction hi kalpui mek a ni a. Tin, pathumna chu Kolasib-ah khuan hma kan la mek a. Heng hmun pathumah hian NERTPS project hnuiah common facility centre, Mizo puan quality tha tak siam theih dan hi ngaihtuah mek a ni.

Tin, Pu John Siamkunga, MLA zahawm tak pawhin mulberry chungchang min sawipui tawh a. Muga chungchangah pawh amah hi experience a nei tha em em a. Chak zawkin hma hi lak theih ni se tiin min ngen a. Tin, member zahawm tak Pu John Siamkunga hriat atan, Muga Silk hmalak dan hi tlem saptawngin ka'n chhiar chhuak ang a- Muga Silk rearing is just started now. The project under IMSDP under NERTPS project was launched on 2nd December, 2016. Kan Chief Minister zahawm takin Helipad- ah Muga Project Launching-cum-Fashion Show chu a hawng a. Tin, Muga Silk rearing on experimental purpose, tunah hian budding stage-ah chauh a ni a, Muga Culture chungchang ah. Chuvangin, tun thlengin kan duh tawk chu a nilova, budding kan nih avangin hma kan la mek a ni. Thar chhuah lam pawh tlemin a hniam deuh a. Under the project of Muga, there is a provision of training in latest technology on muga silk worm. Muga Silk lampangah taimakna ringawt chu a tawk lova. Taimakna nen experience, training hi neih a ngai a ni. Chuvangin, he project hnuai atangin muga farmers- te tan training pawh hi kan buatsaih mek a.

Tin, member zahawm tak Er. Lalrinawma'n Sericulture chungchangah tlem a sawi a. Sawiselna lam nilovin fakna lam a ni a, a chungah pawh lawmthu ka sawi a ni. Tin, Pu K. Sangthuama, member zahawm tak pawhin Sericulture, mulberry marketing lam a rawn sawi a. Marketing chungchang hi Mizoram department. hrang hrangah Sericulture chauh hi, department special a nih angin production pawh hi keimahni kutah ngei a awm a. Marketing pawh keimahni kutah ngei a awm a. Sericulture bakah department dang hi khatiang minimum support price hi a awm lo a ni. Sericulture department-ah chauh cocoon tharchhuah hi farmer-te hnen atangin kan lei sak tihna a ni. District tinah District Sericulture Office tinah hian purchasing counter kan nei a ni, Pu Speaker.

Member zahawm tak Dr. K. Beichhua pawh, chutiang zelin Pu Chalrosanga, a vaiin ka chhiar chhuak lo mai ang a; tin, Pu TT. Zothansanga pawhin khami IAS Officer chungchangah Sericulture-ah hian Controlling Officer emaw, administration-ah emaw IAS Officer dah theih ni se tih kha a sawi a. Mahse, in sawi ang chuan kan ngaihtuah reng thin a, IAS Officer chu Mizo an vang khawp mai a. Department tam takte chu chutiang dinhmunah chuan kan awm a. Chuvangin tun dinhmunah hian IAS Officer dah hi a harsa khawp mai. Tin, member zahawm tak

Pi Vanlalawmpuii pawhin CSS hnuia project hrang hrang, nakinah kan la chhiar chhuak ang a, nakinah hei chu zau deuhin kan la sawi dawn nia. Tin, member zahawm tak Pu Lalruatkima pawhin silk worm chungchang a sawi kha sawiselna lam ni lovin fakna lam, thurawn lam a ni a, a chungah pawh lawmthu ka sawi a ni. Tin, member zahawm tak Pu Zoram Sangliana sawi kha, livelihood tha tak hi Sericulture hnuiah hma lak theih dan chu a awm tih hi amah pawhin a hria a, ama bialah pawh hma tam tak kan la mek a.

Tin, a tawp ber atan member zahawm tak Pu Vanlalzawma, a sawi hma in Doctor chungchang kha tlem a sawi a. Kha kha chu, Pu Speaker, i phalna in, kan Deputy Speaker-in fiah takin a chhang tawh a, mahse kha kha chu political thil a ni a, document zawng zawngah hian Doctor lang lovin, MDC Certificate-te, ka MLA Certificate zawng zawngah Doctor tel lovin Buddha Dhan Chakma tiha ziak vek a ni a. B.D. Chakma chu mipuite tan a ni a, Dr. B.D. Chakma kha chu damlo te tan chauh a ni. Chutiang zawngin kei chu 24x7 in ka awm thin a, kal kual lai pawhin cigarette bawm te te ah pawh, an mamawh hun ah hian ka ziak thin a, Chawngte-a ka kal kual lai pawhin. Tunah pawh ka exer lak lai pawhin phone hi ka dawn dawn chuan, khitah Parva lam atang pawhin Doctor thurawn an duh chuan phone pawhin ka prescribe thin a, Pu Speaker. chutiang chuan Doctor hi damlo te tan chauh ka hmang thin a, B.D. Chakma chu mipuite tan ringawt a ni tih kha he House hriat atan ka han sawi a ni.

Tin, he House member zahawm tak te hriat atan Pu Speaker, i phalna in, Sericulture chungchangah tlemin ka han sawi deuh ang a. Sericulture Department hi a la puitling lo, naupang te a la ni a. Separate entity angin kum 1985 a din a ni a. Tin, STI(Seri Training Institute) Zemabawk pawh hi 1996-ah chauh din a ni a. Chuvangin, hei hi puitling tur chuan hun a la ngai ang. Mahse, Sericulture hi labour intensive trade a ni a, mi taima tan a ni a. Chuvangin, mi taima tan lo chuan sericulture trade hi kal har lutuk a ni a. Chuvangin failure rate te, chhunzawm thei lo tih kha tam tak a awm thei a. Engpawhnise, Mizoram mipuite, Sericulture hnuia thawktu zawng zawngte hnena ka ngenna chu Sericulture hi livelihood atana trade tha tak a ni a. Nichina kan sawi angin Muga silk hi Market-ah hian a rate hi a tha lutuk, international Market ah pawh, India Market-ah pawh silk man hi reasonable rate angin a awm a.

Tin, Silk production chungchang total chu ka han chhiar chhuak ang a. 2015-2016 chhungin DFL 12,02,083 kan awm a. Tin, 2016-2017 chhungin 13.126 lakhs

in a lang a, kum khat chhunga increase chu 6.42 a ni. Tin, raw silk production hi kum 2015-2016 ah hian 54.92 metric tonne a ni a. Tin, 2016-2017 ah hian kan silk thar chhuah hi 76.078 metric tonne a ni a, increase hi 27.8% a ni a. A tha khawp mai, Pu Speaker.

Tin, NLUP ah, (ka sawi tam lo ang a), question hour-ah pawh zawhna leh chhanna chu tam tak ka nei tawh a. Tunah hian rearing cocoon production 2016-2017 chhungin 580 metric tonne a ni a, Pu Speaker. Tin, sector-wise seri-farmer Mizoram chhunga kan neih zat chu, mulberry hnuaih hian 5058 families a ni a, muga trade-ah hian 275 a ni a, eri ah hian 150 families, oak tassar-ah hian 135 families, a vaiin 5618 families a ni a. Tin, sericulture village ang hi Mizoram chhungah hian 176 hi kan record a awm a. Tin, departmental seri farm hi a vaiin 21 kan nei a.

Pu Speaker, i phalna in, member zahawm takte hriat atan, Sericulture leh Fisheries hi tun thlengin silent achiever angin kan awm a. House-ah hian sawina hun chance pawh hi kan hmu tlem khawp mai. Vanneihthlak takin, a chang changin, question-te chu session khat chhungin pakhat emaw, pahnih emaw chauh a lang thin a. Chuvangin, tlem ka han chhiar chhuak ang a, dar 8 chu a ngai lo mai thei Pu Speaker. Tin, recognised seri farm hi, hei tunah basic seed farm Rangvamual te, mulberry seed Vairengte; Mulberry seed farm Phullen; Mulberry seed farm Champhai; Mulberry seed farm Serchhip; Mulberry seed farm Thenzawl; Mulberry seed farm Hnathial, Mulberry seed farm Lunglei; Mulberry seed farm Siaha; Mulberry seed farm Darlawn; Mulberry seed farm Seling; Mulberry seed farm Durtlang; Muga seed farm Kolasib; Muga seed farm Kawnpui; Muga seed farm Mamit; Eri seed farm, Kolasib; Eri seed farm, Lengpui; Oak Tasar seed farm, Tlangsam; Reeling and Spinning Unit, STI Zemabawk; Grainage Centre, Zemabawk. Hetiang hian a vaiin recognised centre chu 21 kan nei a ni. Tin, keini chu state plan atangin tih tur hi engmah kan nei lo, hlawh leh office expenditure bakah Pu Speaker, engmah kan nei tawh lova. Chuvangin central sorkar lamah dawr loh kan thei lo a ni, chuvangin scheme tun hman laite chu kan chhiar chhuak ang e:

- a) Integrated Sericulture Development Project under NERTPS with project cost of ` 32, 49,20,000 is being implemented with headquarters at Lunglei covering Hnahthial and Lunglei Block, having 600 families at 1 acre each with 1.5 lakh

each beneficiaries. Out of the project at cost a sum of `21,85,00,000 has been released and the project is in full swing. 72.09% have been completed.

- b) Intensive Bivoltine Sericulture Development Project (IBSDP) under NERTPS with a project cost of `30,40,61,000 is being implemented at Champhai District covering Khawzawl and Champhai Block, having 1000 Nos. of women beneficiaries with half acre each at `1.5 lakh each beneficiaries. Under Champhai District 600 beneficiaries and under Khawzawl District 400 beneficiaries are included under this project.
- c) Muga Silk Development Project (NSDP) under NERTPS with a project cost of ` 13,52,9000 is being implemented covering 300 existing farmers and 200 new beneficiaries under Kolasib District During 2016-2017.
- d) Muga Silk Development Project (NSDP) under Green India Mission has been submitted with a project cost of ` 15,00,0000 to cover 600 farmers. DPR is under process.

Sericulture marketing chungchangah nichina kan sawi tawh angin thar chhuah zat chu keimahni lei tihna a ni. A leina rate chu kan chhiar chhuak ang e, Pu Speaker, i phalnain.

Raw Silk price : There in an attractive price for raw silk price as below:

Mulberry Silk per kg : ` 3000 Hei hi chu selling price a ni a.

Muga raw silk per kg : `13000 selling price

Eri per kg : `11200

Oak tasar per kg : `10,000. Man to lutuk, market pawh a tha khawp mai.

Tin, cocoon pawh hi District Sericulture office tinah counter hawn a ni a. Hetiang hi rate chu :

Deparment is having a purchasing counter in every DSO's office with minimum support price as below :

Mulberry Cocoon grade hrang hrang a awm Pu Speaker, Grade A Mulberry kha chu 1 kg hi `250. Mulberry Grade B 1kg chu `200, hei chu approved rate a ni a. Mulberry Cocoon Grade C chu 1kg hi `150 ania. Unreliable kha chu 1kg 120 a ni a. Hei hi chu pangang ei chi ringawt turin kg hisapin bazarah an hralh thin a ni a.

Tin eri hi 1kg chu `400 in kan lei thin a, Muga cocoon hi chu a piece hisapin kan lei thin a ni a, Grade A kha chu Cocoon pakhat man hei chu Muga Grade A cocoon pakhat man chu `1.75 ania. Grade B hi cocoon pakhat man chu `1 a nia. Tin, oak tasar Grade A hi pakhat man chu `1.5 a ni a. Tin, Grade B pakhat man chu ` 1 ania . Hei chu approved rate valid till 4th December, 2017 chhungin hei chu valid approve rate a ni a.

Hun a ngai tam lutuk ang, chuvangin a vaiin chhiar chhuak lo mai ila. Khati zawng kha Sericulture hnuai a ka sawi theih ni se.

Fisheries, demand no.35 hi tlem ka han sawi leh ang a. Memberte thenkhatin Education lam ringawt an sawi a,hun a chep avangin Fisheries-ah hian an lut hman longe ka hre lova. Mahse ka sawi duh chu sangha ei hnu-ah chauh thluak hi a chak a, chumi hnu-a chauh education lam hi sawi chauh tur a ni a. Education lam sawi hmasa lovin Fisheries lam sawi hmasa se tha tur a ni a, Pu Speaker. Next Budget Session 2018-ah chuan Fisheries lam atangin sawi hmasa tawh se a tha ang.

Fisheries ah pawh hian react tur a tam vak lova, mild react a tawk maiin ka hria a. Pu T. Sangkunga'n NGO hrang hrang te hnena sangha humhalh, Conservation of Fish species kha, keimahni scheme hrang hrang atangin NGO te hnenah lawmman kan sem thin a, pakhatna `40,000/- kan pe thin a ni.

YMA branch tam tak te chuan he sangha humhalhna avangin lawmman hi an dawng tawh a. Chutiang chu kan kal dan a ni. NGO lam atang te pawhin anmahni lungawi taka Fishery official te nen, department te nen tun thlengin kan thawkho tihna a ni a. Chuvangin Mizoram chhunga NGO hrang hrang te hnenah lawmthu ka sawi a ni.

Member zahawm tak Pu Lalthanliana hian NLUP chungchangah pawh a sawi tawh a, a chungah kan lawm hle a. Tin, production chungchanga sangha seed

chungchang a ni a ka sawi ber tur chu. Tun thlengin Mizoram hi fish seed production-ah hian kan intodelh lo khawp mai. Chuvangin central sorkar lam atang leh kan department atang pawhin nasa takin hma hi kan la mek a. Kumin chhungah hian fish seed production hi a tlem khawp mai. Kan sangha chi mamawh zat chu 4.40 crores vel fingerling a ni a. chuta kan tharchhuah zat fingerling hi 38,99,718 a ni. Government fish seed farm atangin 5,54,796 vel fingerling hi kan tharchhuak thei a ni.

Tin, ZO-Fishfed, hi FISHFED federation a ni a Mizoram chhungah MULCO pangngai, Fisheries ho te nen co-operative society an din a ni. Anni tharchhuah zat pawh hi 13,19,922 fingerling a ni a.

Tin, private sector-ah hian 20 lakhs vel chauh an thar chhuak thei a. A vaiin 38,99,718 bawr vel chauh a ni a. Khang ang kha an tharchhuah zat chu. Mahse kan mamawh zat chu 4.40 crores vel a ni a. Chuvangin hei hi chu a duhtawk lo khawp mai a he fingerling production hi.

Chuvangin tunah central sorkar-ah pawh nasa takin kan nawr mek a. Chuvangin anmahni hi central lam atangin kum 3 chhungin hatchery 40 bawr vel chu an pe dawnin ‘in principle’ in an agreed tawh a ni a. Chuvangin kumin chhungin hatchery 20 bawr vel chu hmu thei turin kan beisei a ni. Break lovin Pu Speaker Fisheries lampangah hian kan sawi zel ang e. One by one-a kal dawn chuan hun rei tak a ngai ang a. Dar 8 thleng chu a ngailo ang a.

(SPEAKER : I sawi zo dawn tep a nih kha.)

Pu B.D.CHAKMA, MINISTER : Chuvangin Fisheries chungchanga kan hmalak dan as a whole hi kan chhiarchhuak ang e, i phalnain.

Fisheries Department hi Sericulture Department aiin a la naupang a. Kum 1993- ah chauh seperate directorate angin an ding tawh a. Tin, available total potential area Mizoram chhungah fish cultivable area chu 24,000 hectare a ni a, hei hi both culture and capture a ni a, a vai in.

Tin, tunah fish production chu 2016-2017 ah 7630 metric tonne a ni a. NLUP hnuiah beneficiary a vaiin 3,409 an ni a. Tin, number of fishers (Mizoramah fish farmers zawng zawng) chu culture sector hnuiah hian chhungkua 15,861 a ni a, capture sector hnuiah hian chhungkua 5,355. A vaiin 21,219 families, Mizoram ah hian an ni.

Tin, per capita consumption 2016-2017 chhungin 6.69 kg per capita a ni a. Tin, question hour-ah hian, niminah nge nimin piahan member zahawm tak kan chhan theihloh pakhat chu khami kum 2016-2017 chhung khan tharchhuah zat percentage-in a zawt a, kha kha chu 9.5% increase a ni, nikum aiin kuminah hian.

Tin Mizoram GSDP-a Fisheries contribution chu 1% of total GSDP in Mizoram a ni a. Tin, Agriculture hnuiah (Fisheries hi Agirculture & Allied sector hnuai a nih avangin) pawh GSDP hi 14% in kan contribute a ni Fisheries sector atangin. Tin, departmental fish seed farm hi a vaiin 5 department hnuiah kan nei a, chungte chu-

- 1) Lengpui
- 2) Tamdil
- 3) Zobawk
- 4) Ngengpui
- 5) Thenzawl. Hei hi chu department hnuiai enkawl lai a ni a.

Tin number of fish seed farm under Zo-Fishfed te chu Zawlnuam & Saikhawthlir. Hemi khaw pahnihah hian anmahni fish seed farm hi an enkawl mek a ni. Tin private fish seed farm recognized 3 kan nei a.

- 1) Mizopa Fish Seed Farm – Chempai, Bilkhawthlir.
- 2) Zoram Fish Seed Farm – Chempai, Bilkhawthlir.
- 3) Pakhat chu Chempai-ah nge khawiahnge a awm tih a chiango va.

(SPEAKER : A number i sawi kha chuan tawk mai ta che.)

Pu B.D.CHAKMA, MINISTER : Tin Mizoram state requirement chu nichinah kan sawi tawh a. Tin, tunah mission fingerling (hei chu fingerling production hi tlem lutuk angin central sorkar lam atang pawhin mission fingerling angin programme hi an set a ni a) hnuiah hian kum 2014 chhungin hetiangin fingerling tharchhuah tur a ni.

Kum 2017-2018 chhungin production target chu 509 lakhs a ni a. Tin, 2016 – 2017 chhunga fingerlings production target chu 691 lakh a ni a. Tin, 2019 – 2020 chhunga fingerlings production target chu 639 lakh a ni a. Hetianga kan kal zel theih chuan fingerlings requirements chu kan exceed thei dawn niin a lang. Pu Speaker, nichina kan sawi tawh ang khan hemi hi kan achieve theih nan hatchery hi 40 kan dil a, 2017 – 2018 chhungin 40 atangin 20 chu hmuh kan inbeisei a. Tin, Champhai North bial atangin MLA zahawm tak Pu TT-a ngenna angin Champhai-ah pawh hatchery hi dah kan

tum a. Pakhat chu Choclate Mahaseer hatchery a ni a, Mizo tawngin nghavang tihna a ni a. Hetiang hatchery hi Bhimtola atangin Cool Water Fisheries atangin lak tum a ni a. Chumai bakah hatchery ringawt hi ni lovin, khami 40 atang khan pakhat tal chu Champhai District-ah dah turin hma kan la dawn a.

Pu Speaker, Cage culture chungchangah tlem ka'n sawi ang a. Serlui B hi electric lam aiin sangha lamah an hming a lar mah a, 2012 – 2013 ah kan tan tawh a, tunah hian a vaiin 96 kgs kan dah tawh a, kuminah hian 50 dah belh leh tum a ni a, Tuirial Hydel Project ah pawh 50 dah tum a ni. Hmanah Agriculture Conference-a ka kal na-ah Central Fisheries Secretary te nen kan sawi ho a, Mizoram hi tlang rama awm a nih avangin amah pawhin compact area ah chuan fisheries din a har lutuk a ni tih a hria a. Chuvangin, compact water bodies Serlui B emaw, Tuirial ang emaw hmunah Cage Culture hi ti rawh u min ti a, chutiang chuan ama enkawlna hnuaih kum thum chhungin Cage hi 1000 vel kan dah ngei ngei dawn a ni tih kha assurance min pe tawh a. Project pawh kan siam fel tawh a, tunah hian NFDB-ah hian consideration leh recommendation turin a awm mek a ni. Hetiang hi kan dinhmun a ni a.

Fisheries Act chungchang hi tlem ka sawi duh a. 2002-ah Act hi kan nei tawh a, kum 14 chhung chu hmang lovin kan dah mai mai a. Chuvangin, session hmasa-ah khan amend a ni a, tunah hian khami Act kha hmang turin Rules kan siam mek a. Mahse, kan Director hi a pension tep tawh a, amah pawh a mangang khawp mai. Mithiam a ni a, central sorkar pawh duh duh hunah a dawr thei a. Tuna Central Fisheries Secretary nen khaw khat chhuak an ni a. Rules siam nan hi chuan hun te a duh tam deuh a, chuvangin Monsoon Session ah chuan peih hman kan in beisei a ni. Rules siam fel a nih chuan eng eng emaw change a awm ang a. Pakhatnaah chuan tun dinhmunah chuan hatchery hi hawkers emaw, pan wala emaw te khan an dil thin a, ‘Fisheries-ah sangha chi sem turin notification an ti chhuak a, keipawh ka'n dil teh ang,’ an ti mai thin a. Mahse, Rules kan hman hunah chuan Accredited Fish seed Farm a nih loh chuan an dil thei tawh dawn lo a ni. Chutiang chuan hma kan la mek tih House-ah hian ka'n sawilang duh a ni.

Member zahawm tak, ka colleague Dr. K. Beichhua hian Palak Dil chungchang a zawt thin a, engnge a dinhmun tiin. ‘Pu BD, Serlui B-ah chauh i dah thin a, Chhim lam hi i ngaihsak vak lo emaw ni’ a ti thin a. Chuvangin Tam Dil leh Palak Dil chungchang hi Pu Speaker i phalna in tlem ka han chhiarchhuak ang e. ‘Definition of

reservoir and lake are not same. These two water bodies are considered as lake of small size with wet land management whereby sphere management as started by Bio-sphere conservationist. The water bodies of these places are very small and that is not appropriate and hence commercial fist culture is not possible in these areas. Moreover Palak Dil is under the purview of MADC. Unless the proposal is placed by MADC direct action from Fisheries Directorate may not be possible. However Tam Dil Cage four numbers kept only for experimental purpose for keeping the indigenous species of fishes. Forculture minimum depth of water should be 20 ft.

Tin, ice plant chungchangah pawh hian Pu Speaker, tlem ka'n sawi lawk ang e. Department enkawl lai ice plant hi Kolasib leh Bawngkawn-ah kan nei a. Ice plant chungchangah hian newspaper ah te mi sawiselna a nasa em em a. Henga kan khawl hman te hi a hlui tawh lutuk a, 1997-a commissioned a ni a. Mithiamte sawi danin pipe hi GI pipe ringawt an vuah a, kha mi gas hmang tur pawh khan ammonium a ni a, mite tan chuan a him lo a ni. poisonous a ni a. Chumai bakah khami file kha chu dik takin ti se la chu copper pipe tur a ni a, copper pipe ni lovin , water pipe nilovin GI pipe an vuah tawh a, chuvangin leakage hi a hlauhawm lutuk. Tunah hian hman tlak a nih loh avangin gas tunlai ram changkanga an hman thin gas free on O4 angin scientist chuan an sawi thin a, khami gas hmangin hemi ice plate 2 hi kan upgrade dawn a ni. A hmasa berin Bawngkawn-ah hma kan la ang a, chumi hnu ah Kolasib-ah hma kan la leh dawn a ni. Chuvangin free on gas hi hman theih a nih chuan mite tan pawh engmah hlauh tur awm lova, mahse tunah ammonium hi chu hlauh tur a ni, hei hi pumpgent gas a ni a, doctor ho hian an hrethiam ang a, mipui te tan a him lo a ni. Mahse free on gas hi hman theih a nih chuan environment tan pawh a tha a, mipuite tan pawh hlauh tur a awm lo. Tin, Fish mill plant chungchangah pawh sawi loh theih loh a ni Pu Speaker sawi zel chuan seed leh fish chungchangah chauh sawiselna a awm anih hi house ah fish mill plant chungchang pawh tlem sawi ka duh a, a hmasa in ka han chhiar chhuak ang e, No.of fish mill plant under directorate of Fisheries-ah 7 kan nei a, Kolasib production capacity hi 2 metric tonne per day a ni a, Bilkhawthlir 2 quintal per day, Tin, Lengpui 2 quintal per day , hei hi nikumah kan Chief Minister zahawm tak in min hawn sak tawh a, Lengpui fish mill plant hi. Tin, Bawngkawn-ah sawn tunah zo tep tawh a, issue

capacity hi 2 metric tonne per day a ni. Tin, Lunglei-ah pawh rei tak dingin a awm tawh a, hmang lovin hei pawh capacity hi 2 quintal per day a ni a, Saitual 2 quintal per day, tin Champhai, member zahawm tak te pawhin hemi chungchangah Starred Question an nei tawh a, hei hi member zahawm tak Pu Ruatkima pawhin tlem a sawi tawh a. Hei chu Pu T.T. Zothansanga u nge, tu kutah nge Fisheries department in a pe tawh tih a ni.

Pu T.T. ZOTHANSANGA : Pu Speaker, khalai kha kan sawi fiah thei lawk ang em le aw, a theih hlauh chuan.

Pu B.D. CHAKMA : Aw, kan sawi phawt ang e. Fish mill plant hi Pu Speaker, dan hi awm a, duh duh in duh duh hmunah kan pe thei lo, Mizoram ah sorkarin community hall emaw, fish mill plant emaw, sub- centre sakna turin hmun hi a vang khawp mai a, min pe duh lo a ni. Chuvangin hei hi chu land neitute nen remna kan siam tihna a ni a, PPP mode in (Public Private Partnership) mode-in kal kan tum a. department in enkawlna tur sum kan neih loh avangin PPP kan kal ngei tur a ni a. Chuvangin Champhai pawh hetiang zawng a ni a, Pu T.T. Zothansanga u nge, tunge a nih chu kan hre lova, kan department lam atangin mahse ama ram hi a rem zawk a ni a. Motor accessible road a ni a, current lamah pawh current pawt turin a harsa loveng. Chutiang zawngin ama hnenah pawh remna siamin kan ti thin a ni. Tin, MNF lam pawh ni lo, Congress lam pawh ni lo mi hetiang interest person an awm a nih chuan hetiang hi kan ti lo thei lo a ni. Pu Speaker, he feed mill plant pawh hi raw- material lei tur pawhin sum tam tak a ngai a, tin, khawl operate tur pawh hi central lam atangin hei chu 1 time grant chauh kan hmu thin a ni. Operation & Maintenance tan chuan pawisa cheng khat mah an pe ngai lo thin a ni. Chuvangin state plan atangin emaw, state lam atangin additional fund kan hmu loh chuan hei hi chu keini hi no where a ni a, operation zawng zawng chu tih tawp loh theih loh a ni a. Hetiang hi pawisa kan nei loh vang a ni a, mahse PPP mode in kan kal a nih chuan fish seed zuar in sale proceed atangin za a cheng 75 chu hmun neitu in a nei ang, tin, 25 rupees kha chu sorkar sumah a lut dawn a ni, 75 – 25 angin kan kal dawn a ni. Hetiang dinhmun ang hi a ni.

Pu T.T. ZOTHANSANGA : Pu Speaker, i phal chuan tlem kan sawi fiah lawk ang e. Fish seed plant min pe a, ka lawm khawp a, a tirah ka lo hre lo zawk a,

Champhai an dinna ah khian ka rin danin ka u sangha dil hi a lian berin ka ring a, pahnih (2) a nei nghe nghe a. Tichuan department hotute nen khilaiah an lo inkawm ngeih ve a, ka hriat meuh chuan a chanve an lo sa daih tawh a ni, kha kha a ni a. Tin, kan Minister zahawm tak in a sawi ang khan sorkarin thil a din dawn hian a hmun hma te hi duhthlan an nei ve thin a, entirnan Social Welfare pawhin hmun duhthlan an han nei ve a, MNF Block President-in a chang hmiah mai a ni, a hmun kha a sa a, ti khian agreement pawh an siam a MNF Block president-in Social Welfare hnuiah pawh in a hmu. Tin, sangha chungchangah a hmun chu a lo zau tha a, buh tin 500/600 hmun kha tunah khian dilah a siam tawp mai a ni. Tikhan zau taka a siam avang khan MLA unau a nih avang hrim hrima hmu a ni lova, MLA unau a nih avanga lo delay tur a ni tih pawh kha ka hre lova. A hmun a rem a, a tha a, department ho an lungawi a, khatiang khan an lo pe ve ni mai khan ka hria a. Tin, a enkawl dan chungchangah chuan hmun dang ami paruk (6) te ang vek kha a condition a ni. A tak tak ah chuan khi khi awm lo mahse an ram hi chu a hlu viau ang tih hi kan ring zawk. (Pu Lalruatkima : Pu Speaker khawngaihin, MLA u emaw, MLA nau emaw, a hming kha tarlan a ni bawk si lova, a hming kha khawngahin an sawi thei em le?) An zawh hunah an la tar em em ang a tul chuan. A construction level-ah hian an tar vek mai a ni.

SPEAKER : Awle, Minister-in khaikhawm vek tawh mai se la a tha mai ang.

Dr. B.D.CHAKMA: Pu Speaker, ka'n sawi zel ang e (interruption) highlight on few schemes a ni a, CSS hnuiah tam tak kan dawng thin a, House-ah pawh kan sawiho ngai loh avangin mi tam takin an hre lova he thil hi. Chuvangin ka chhiar chhuak duh a ni. Budget chungchang ah hian tlem manual-in ka ziak a. Pu Lalrinawma sawi angin Fisheries budget nikum aiin kuminah a tlahniam daih a, mahse kha kha chu tih danglam theih chi pawh a ni tawh lova, hun a tlai tawh si a, Revised Estimate-ah duh tawk min pe thei se.

Tin, scheme hnuiah FFDA hi hming lar tak a ni a, hei hi kuminah a tawp tawh a, a ai ah tuna hming lar zawk chu Groom Revolution Scheme hi kum 2017 atangin kan tan a. FFDA lamah pawh sum hi kan dawng tawh a, a year wise chu ka'n chhiar chhuak lo mai ang a. FFDA hnuia activities hi ka han chhiar chhuak ange .

New pond construction and renovation, fish seed, fish feed khang te kha hemi input atangin kan pe a. Development of water logged area hi FFDA hnuiaia awm thin a ni a, mahse, FFDA hi kuminah a tawp tawh a, hemi aiawh hian Groom Revolution Scheme hi tan tawh a ni. Tin, National Scheme on Welfare of Fishermen chungchang Pu Ruatkima'n a zowt a, sawi tawh angin vanneihthlak takin number of beneficiaries 2012-2013 atangin ka'n chhiar chhuak law law ang e, 2013 -2014 ah beneficiaries 15, 2014-2015 ah 250, 2015-2016 ah 250 an awm a. Tin, NSWF hnuiah construction of fishermen house, beneficiary chu BPL family a ni ngei ngei tur a ni a. Fish farming hi eizawnna a ni a, thlam sakna atan ` 50,000 a ni a, chuta tangin state share kha ` 12,500 a ni a, central share hi `37,500 a ni a. Tin, construction of tube well or water point, pakhat man chu ` 45,000 chauh a ni a. State share atangin ` 7,500, Central share ` 33,750 , khaw khatah a tlem berah 10 benefiries a ngai a hei aia tlem anih chuan he scheme a dawn theih loh a ni. Community Hall sakna pawh a awm a, mahse, sum hi tlem te a ni Central sum atangin a ni a, pakhat man chu ` 1.75 lakh chauh a ni a. Hemi dawng thei tur eligibility criteria chu a tlem berah 75 families a ni. Tin, NFDB atang pawhin scheme ka hmu thin a, 2012-2013 chhungin ` 63.25 lakhs, 2013-2014 chhungin ` 139.961lakhs, 2014-2015 chhungin `17 lakhs, 2015-2016 chhungin ` 48.88 lakhs kan hmu tawh a. Tin, Fish mela NFDB hnuiah kan ti tawh a. Nichina member zahawm tak Pu Vanlalzawma sawi angin sawm vek in ni a, amah pawh a kal a. Mahse, Fisheries lam buai lutuk avanga enkawl that theih loh na te a awm chuan Department aiawh in ngaihdam ka dil e. (Speaker : Khaikhawm tawh rawh le.)

Khawngaihin Pu Speaker, i phalna in ka'n chhiar chhuak leh ang e. Mizoram-ah thil kan hriat ngai loh Community Fish Farm keima ngaihtuah chhuah ngei a ni a, Tripura atanga he idea hi ka lak a ni a, hetah hian mi 7 emaw, 10 emaw 12 emaw, a group siam in hectare 1-ah thawkho thei se tih a ni. Hemi hnuiah kumin ah experimental purpose atan CFF hi 25-ah hma kan la mek a, pakhat ah nuai khat kan seng a ni. Ka hriat danin Mizoram-ah full time single trade hi kan nei lova, chuvangin integrated funding a nih loh chuan mi hi an harsa lutuk. Chuvangin thenkhatin leilet an

nei ang a, a rual in sangha an khawi ang a, chumi rualin vawk te, bawngte, arte an vulh ang. Kha kha integrated farming hnuiaia idea zawk hi a ni a. Community Fish Firm hi mipakhatin nilengin firm hi a enkawl thei lova. Hna dang, trade dang te pawh hi enkawl a ngai si a, fisheries ringawt hi kan duh tawh lova Chhungkaw eizawn nan hian additional trade hi a awm loh chuan hei a buaithlak tihna a ni a. Chuvangin an nei kawpin panga emaw paruk emaw, a tha ber chu pasarih a ni a, pasarih a nih chuan kar khatah mi pakhat chauh a duty tur a ni. Chutiang zawnga kal theih chuan rotation-in siamin kar khatah vawi khat tal chu an duty tur a ni a. Zing atanga tlai thlengin fish hi chu kan fate enkawl angin kan enkawl a ngai, enkawl that loh chuan an thi zel. Chaw pawh a hun taka pek loh chuan an lianlo zel a ni. Chutiang zawng chuan Fisheries pawh hi a kal dan ani Pu Speaker. Chuvangin, Community fish pawh hi idea thar a ni a, hma chak taka la turin kan ngen a ni House-ah.

Tin, NFDV hnuiah hian activities pawh hian kan nei reng a. New Pond Construction hnuiah pawh hian a awm thin ani. Stocking of Fish seeds in cases Serlui ‘B’ ah emaw, Tuirial-ah emawah hian Cases-ah hian fish seed dah turin subsidy in food hi kan pe thei ani.

Training to farmers : Training pawh hi kan neih tir thin a ni. Tin, exposer visit nikum nge nikum hmasa nge Agartala thleng bus in kan thawn chho tawh a, Fish farmer trip khat hi a tangkai zawngin seeing is believing, sap ho khan a tangkai zawngin an sawi thin a ni. Chutiang zawngin anmahni pawh a hmu ngeiah kalin an en dawn chuan experience chu an nei tha a nia. Chuvangin, exposer visit pawh ngaihpawimawh a ni a.

Preparation of document; Pu Razi awm lai khan Mizoram chhunga Fish factory hian engtinnge hma a sawn ang tih kha kan ngaihtuah a ni, khami atan khan bu lian tak tak siam sain a awm a, kan document leh plan zawng zawngte chu kan siam thei a. (Dar riati pawh a la ri lo va). Engpawhnise, i phalna in last point chauh a ni tawh a. Kan harsatna chungchangah major problem faced by the department of Fisheries tih kan chhiarchhuak ang e. State matching share has not yet been granted by Govt. of Mizoram, 2016-2017 chhungin under green revolution kan state matching share tur chu nuai 200 a ni a. Tin, FFDA hnuiaia state

matchning share tur chu nuai 100 a ni a. A vaiin nuai 300, hei hi 20% state matching share a ni a. Tun thleng in Delhi kal apiangin Central Agriculture Minister Conference-ah ka au chhuak thin, state matchning share chungchangah Pu Speaker.

Department dang chu 9:10 vekin an awm a, Fisheries chauh hmanah khan 75:25 angin an dah thin a. Mahse ka nawr nasat avangin tunah .5 in kan chhuak tawh a ni 80% hi min pe ang a, 20% chu state in a tum tur a ni. Khatiang zawngin 20% state matching share tur chu nuai 30 hi kan mamawh a ni. Hei hi chu i phalnain Finance Minister zahawm tak te hnenah ka ngen duh a ni. State matching share tal hi min pek theih chuan khami central scheme zawng zawng kha a hun takah kan hman theih dan chu a awm ang a. state matching share hi kan tel loh chuan, UC hi kan tel loh chuan khi tah an tang tlat a ni. Chuvangin, a hun taka kan kal theih nan state fund atangin plan-ah emaw a awm theih loh pawhin state matching share tal chu min pe thei se, hei hi central atanga kan dawr theih ang angin sum hi kan beisei a ni.

Pu Speaker, hei zawng hi ka sawi theih tawk ni sela. Ka demand pahnih, demand no 35 – Fisheries Department `8,52,35,000/- ; tin, demand no. 41 – Sericulture-ah `18,27,61,000/. Total `26,79,96,000/- he House hian min pass pui turin ka rawn dil e. Pu Speaker, ka lawm e.

SPEAKER : Demand pathum a nei ang tih a hlauhawm e. Awle, tunah khan kan Minister zahawm tak Dr. tih kha chu Damdawi in atan chauh ani a, mipui damdawi kha chu B.D a ni a. Chuvangin, doctor kha chu kan chhiar tel lovang a. Kan Minister zahawm tak Pu B.D. Chakma-in a demand te demand nos. 35 leh 41 na hnuiaia Department pahnih te ina 2017-2018 chhunga an pawisa hman tur, a vaia belkhawm `26,79,96,000/-

35	Fisheries Department	8,52,35,000
41	Sericulture Department	18,27,61,000
	TOTAL	26,79,96,000

Chu he House hi pass pui a dil a. Pass remti zawngin ‘remti’ ti ru le, (MEMBERS : Remti) remtilo kan awm em? Awmlo. Tichuan Demand No. 35 leh 41 hnuiaia

Department pahnih ten 2017-2018 chhunga an pawisa hman tur a vaia belh khawm '26,79,96,000/- chu he House hian lungrial takin a pass ta a ni.

Pu B.D. CHAKMA, MINISTER : Pu Speaker, ka lawm e.

SPEAKER : Le, khati zawng kha vawiina kan tih tur a ni a, kan chawl tawh ang a. Naktuk ni 30.3.2017 zing dar 10:30 ah kan thukhawm leh dawn a ni. The sitting is adjourned.